

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନ୍ତି କାଜିଂ ହତ୍ତି ବଚନ୍ ଜହନ୍ତି କାଜିଂ ହତ୍ତି ବଚନ୍ ବିସ୍ତେ ପାଦେକ୍

ହତ୍ତି ବଚନ୍ ପୁନି ନିୟମ୍ତ ହାରିହାରାନ୍ ପତି । ଇଦାଂ ପା ଜହନ୍ ହୁଦାଂ ଜିସୁ କ୍ରିଷ୍ଟି ଜଲମ୍ନି ଆନ୍ମାନ ତାଙ୍ଗ୍ ୯୫ ବାହୁତ ଲେକା ଆଜି ମାତାତ୍ ୧:୧ । ହେଞ୍ଜାନ୍ ଜହନ୍ ନେକ୍ରିକାବୁର୍ ଲାହାଙ୍ଗ୍ ତିନଗଟା ଆଜି ପା ଲେକିକିତାନ୍ ୧ ଜହନ୍, ୨ ଜହନ୍, ୩ ଜହନ୍ । ଜହନ୍ ଇନେରିଂ ଜିସୁ ବେସି ଜିଉନଜି ମାତାନ୍ ଇଞ୍ଜି ପା ପୁନ୍ୟା ଆନାତ୍ ଜହନ୍ ୧୩:୨୩ ଜହନ୍ ଆଇସଲାଣ୍ଡି ପାତ୍ମସତ ମାନି ସମୁତ ଇ ହତ୍ତି ବଚନ୍ ଲେକିକିଜି ମାତାନ୍ ଇନାକିଦେଂକି ଜିସୁ କ୍ରିଷ୍ଟି ନେକ୍ରିକାବୁର୍ ସୁଶାୟ୍ କିନି କାଜିଂ ତାଙ୍ଗ୍ ହେବେ ବାତି କିଜି ମାତାତ୍ । ୧:୯ ।

ଜିସୁତି ଖାନାକା ସମୁ ଲାଗେ ମାତିଲେ ଜିସୁ କ୍ରିଷ୍ଟ ତାକେ ପାତ୍ ମାଞ୍ଜେଙ୍ଗ୍ ପଡ଼ି କିନାକାରିଂ ସାସ୍ ଆରି ଆହା ହିନି କାଜିଂ ଜହନ୍ ଇ ହତ୍ତି ବଚନ୍ ଲେକିକିତାନ୍ । ୧:୩୨୨:୨ ହେ ସବୁ ପାତ୍ କିନାକାର୍ ଆରି ହାର୍ ବାବ୍ରେ ସାତ୍ଗଟା ମଣ୍ଡଲିତିଂ ଏଲେଙ୍ଗ୍ ହୁଡ଼ନାନ୍ ୨-୩ ଜହନ୍ ତା ଲେକାତ ବେଶବାକ୍ଶାୟ୍କିନାନା ୧:୩ ଆରି ହେଞ୍ଜାନ୍ ହୁଡ଼ଜିମାନି ବେସି ଉବ୍ଜାତି ବିସ୍ତେ ଲେକିକିତାନ୍ନା । ଇ ପତିତ ଏଚେକ୍ ବାଗତ ପ୍ଲାନି ପତିନି ବାଗତାଂ ସମାନ୍ ମାନାତ୍, ପାତ୍ ଜିକରିୟ୍ ୬:୧-୮ତାକେ ହୁଡ଼ନାସ୍ ।

ହେ ସମୁତ ଆରି ସାତ୍ଗଟା କଣ୍ଡିଂ ଇନାକା ଇସ୍ବର୍ ମିସ୍ବର୍ ନିକାରିଂ ତାଣ୍ଡିହିନି କାଜିଙ୍ଗ୍ ଦୁକ୍ଦୁକା ପକ୍ନାର୍ ଜାତ୍ରା ୭:୯ ହତ୍ତି ବଚନ୍ ହାରିହାରା ସମୁତ ଇନ୍ୟା ଆନାତ୍ ଜିସୁ ହାରିହାରାତ ଜିତା ଆନାନ୍ ଆରି ଇମ୍ନାକାର୍ ତା ତାକେ ବାସ୍ କିନାର୍ ହେଞ୍ଜାର୍ ସବୁଞ୍ଜେଡାଙ୍ଗ୍ ତା ହୁଦାଂ ମାନ୍ଘାନାର୍ । ଇ ପତି ଜାର୍ତିଂ ଜାଗ୍ରତ୍ କିଏନ୍ ଆରି ଆହା ହିଏନ୍ ଜେ, ଜିସୁ ବେଗି ମାସ୍ଦି ଖାନାନା ।

ହତ୍ତି ବଚନ ବିସ୍ତେନି ରାହାଣ

- ୧. ଜହନ୍ତି ଜାଣାଚିନା ଆରି ତା କେତକଣ୍ଡ ହୁଡ଼ନାକା ୧:୧-୧:୨୦
- ୨. ଜିସୁ କ୍ରିଷ୍ଟତାକେ ସାତ୍‌ଗଟା ମଣ୍ଡଲି କାଜିଂ ଜହନ୍ତି କାତା ୧:୧-୩:୨୨
- ୩. ସାତ୍‌ଗଟା ଡାବୁଙ୍ଗ ୪:୧-୮:୫ ସାତ୍‌ଗଟା ମରିଂ ୮:୬-୧୧:୧୯ ବିତ୍ରେ ଲେକା ଆତାଡ଼ନା ।
- ୪. ହିମଣା କାଦେର ଆରି ସାତ୍‌ଗଟା କାପଡ଼ା ହିଜି ପାଡ଼ାନି ରାତ୍ ଲାହାଂ ଜୁଜ୍ ୧୨:୧-୧୪:୨୦
- ୫. ସାତ୍‌ଗଟା ଗାତ୍ରା କଣ୍ଡି ବିସ୍ତେ ଇନାକା ୧୫:୧-୧୬:୧୮
- ୬. ଇସ୍‌ବର ସାଗେତ ତା ସାତୁଙ୍ଗ ଜିଣା ଆନାନ୍ ୧୭:୧-୨୦:୧୫
- ୭. ପୁନି ସାଗେ ଆରି ପୁନି ପୁତ ୨୧:୧-୨୨:୨୧

୧ ଜିସୁ କ୍ରିଷ୍ଟି ହତ୍ତି ବଚନ; ବିଲମ୍ ଆଖାଦାଂ ଇନା ଇନାକା ହାତେନେ ଗିଗାନାଡ଼, ହେ ଝିଜୁ ହେଝାନ୍ ଇନେସ୍ ଜାର୍ ଆଡ଼ିୟାରିଂ ଝେଟ୍‌ନାନ୍, ଇଦାଂ କାଜିଂ ଇସ୍‌ବର ଇଦାଂ ଜିସୁ ଲାଗାୟ୍ ହେଲାଇୟ୍ କିତାନ୍, ଆରେ ହେଝାନ୍ ଜାର୍ ଦୁଡ଼ତିଂ ପକ୍ତି ଜାର୍ ଆଡ଼ିଏନ୍ ଜହନ୍ତିଂ ଇଦାଂ ପୁନି: କିୟ୍‌କିତାନ୍ । ୨ ଆରେ ଜହନ୍ ନିଜେ ଇନାକା ହୁଡ଼ତାନ୍ନା, ହେଦାଂ ଇବେ ହପ୍‌ତାନ୍ନା । ଇ ପତିତ ଇସ୍‌ବରତି କାରୁର୍ ଆରି ଜିସୁ କ୍ରିଷ୍ଟି ସାକି ବିସ୍ତେ ଲେକା ଆତାଡ଼ନା । ୩ ଇନେନ୍ ପତି କିତାନ୍ ଆରି ଇମଣାକାର୍ ଇ ବେଶ୍‌ବାକ୍‌ଶାୟ୍‌କିନାକା ଝେନାର୍, ଆରେ ହେବେ ଲେକାତି ବିସ୍ତେ ସବୁ ମାନିକିନାର୍, ହେଝାର୍ ଦନ୍ୟ ଇନେକିଦେଂକି ସମ୍ପୁ ଲାଗେ ଝାତାତେ ।

ସାତ୍‌ଗଟା ମଣ୍ଡଲିତିଂ ବନ୍ଦାଇ କିନାକା

୪ *ଜହନ୍ ଆସିଆତ ମାନି ସାତ୍‌ଗଟା ମଣ୍ଡଲି ଲାଗାଂ ନା ଜଝାର୍ ଜାଣାୟ୍‌କିନାକା, ଇନେର୍ ନଙ୍ଗ୍, ପୁନାକା ଆରି ଆଗେ ଝାନିଦିନ୍ତ, ହେଝାନ୍‌ତାଂ ଆରି ହେଝାନ୍ତି ଗାଦି ମୁମ୍‌ଦ ସାତ୍ ଜିବୁନ୍‌ତାଂ ୫ ଆରେ ପାତ୍‌ନି ସାକି, ହାତାକାର୍ ବିତ୍ରେତାଂ ପର୍ତ୍ତୁମ୍ ଗାଗାଡ଼ ଆସ୍ତାକାନ୍ ଆରି ପୁତ୍‌ନି ମୁଡ଼ଦାକାନ୍ ରାଜାର୍‌ତାଂ ରାଜା ଜିସୁ କ୍ରିଷ୍ଟତାଂ ଦୟା ଆରି ସୁସ୍ତା ମି କାଜିଂ ଆଏଡ଼ । ଇନେନ୍ ମାଙ୍ଗ୍ ଜିଉନଜି ଜାର୍ ନେତେର୍

☆ ୧:୪ ୧:୪ ହତ୍ତି ୪:୫.

ହୁକେ ମାଲୋଙ୍ଗ ମା ପାପ୍ତାଂ ମୁକ୍ତାୟ କିତ୍ତାନନା, ^୬ ଆରେ, ମାଙ୍ଗ ର ରାଜାକୁଟୁମ୍ ଲାକେ ଜାର୍ ଇସ୍ବର ଆରି ଆବାତି ଲାଗେ ମାପୁହେବାକିନାକାନ୍ ଲାକେ ବାଚିକିତ୍ତାନା, ହେଝାନ୍ତି ଜାଜମାଲ୍ ଆରି ବପୁ ଜୁଗ୍ ଜୁଗ୍ ଆଏଡ୍ । ଆମେନ୍ ।

^୭ *ହୁଡ଼ାଟ୍, ହେଝାନ୍ ବାଦାଡ୍ତ ଝାନାନା, ଜାଣକେ ମାନାୟାର୍ ହେଝାନିଂ ହୁଡ଼ନାର୍, ଇମ୍‌ଶାକାର୍ ହେଝାନିଂ ଏର୍‌ଜି ମାଚାର୍, ହେଝାର୍ ପା ହୁଡ଼ନାର୍, ଆରେ ପୁତ୍‌ନି ସବୁ ଜାତି ତା ଝାନାକା କାଜିଂ ଆଡ଼ବାନାର୍ । ଇ ସବୁ ହାତେନେ ଗିଟାନାଡ୍ । ଆଁ ଆମେନ୍ ।

୮ *ଇନେନ୍ ନଙ୍ଗ୍, “ଆକ୍‌ତୁ ଆରି ଝାନିଦିନ୍ତୁ” ଇନେର୍ ସାଲ୍ଲିକାଟାକାନ୍, ହେ ମାପୁ ଇସ୍ବର ଇନାନ୍ “ଆପ୍ ଆରମ୍ ଆରି ହାରିହାରା ।”

କ୍ରିଷ୍ଟ ଚଞ୍ଚୟାତାନ୍

^୯ ଆନ୍ ଜହନ୍, ମି ରଝାନ୍ ଟଣ୍ଟେନ୍ ଆରି ଜିସୁତି ଚେଲା ଲାକେ ତା ରାଜିନି ମାନାୟାର୍ ଦୁକ୍ ଜପି ଆଜି ମାନି ସାସ୍ ଲାହାଙ୍ଗ୍ ମେହା ଆନାକା, ଆନ୍ ଇସ୍ବର୍ ବଚନ୍ ଆରି ଜିସୁତି ସାକି କାଜିଂ ପାମ୍ ତରୁନି ଏସ୍‌କୁପୁଲିତ ବନ୍ଦି ମାଚାଂ । ^{୧୦} ଆନ୍ ମାପୁତି ଦିନ୍ତୁ ପୁଇପୁୟା ଜିବୁନ୍ ନା ଜପି ଜୁଡ଼ତାଡ୍ ଆରି ନା ପାଚେ ମରି ସବଦ୍ ଲାକେ ର ଗାଜା କାଟ୍ ଇଦାଂ ଇନାକା ଝେଟାଙ୍ଗ୍, ^{୧୧} ଏନ୍ ଇନାକା ହୁଡ଼ନାୟା, ହେଦାଂ ର ପତିତ ଲେକିକିଜି ସାଡ୍ ମଣ୍ଡଲି, ଇତିସ୍ ଏପିସିୟ, ସ୍ପଣ୍ଟା, ପର୍ଗମ୍, ତୁୟାତିରା ସାଙ୍ଗ୍, ପିଲାଦେଲ୍‌ପିଆ ଆରି ଲାଅଦିକିଆ ଲାଗାଂ ପକା ।

^{୧୨} ଇନେର୍ ନା ଲାହାଙ୍ଗ୍ କାତା ଇନାନା, ଇଦାଂ ହୁଡ଼ନି କାଜିଂ ଆନ୍ ଜେଣ୍‌ପାଡ଼କା ମାସ୍ତାଂ । ଆରେ ମାସ୍ତିଲେ ଆନ୍ ହୁଡ଼ତାଂ, ସାଡ୍ ହନା ବଇଟା, ^{୧୩} ଆରେ ହେ ବଇଟାଙ୍ଗ୍ ମାଦ୍‌ଣି ବାହାତ ମାନାୟା ମାଜିତି ଲାକେ ରଝାନ୍ ମାନାୟା; ହେଝାନ୍ ପାନା ପାତେକ୍ ହେୟା ଉସ୍‌ପାତାକା ଆରି ନେଞ୍ଜେଡାକିତ ହନା ଚାର୍‌ବେଣ୍‌ତାଂ ଡରି ଗାଟ୍‌ୟାତାନ୍‌ନା; ^{୧୪} ହେଝାନ୍ତି କାପ୍‌ଡାନି ତେମୁଲ୍ ଆଞ୍ଜଗା ଲାକେ ଡିଞ୍ଜନାକା ମାଚାଡ୍, ଆରେ ହେଝାନ୍ତି କାଣ୍‌କୁ ଆହ୍‌ନି ନାଣି ଲାକେ; ^{୧୫} ହେଝାନ୍ତି ପାନା

☆ **୧:୭** ୧:୭ ମାତିଉ ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ ତେସ୍‌ଲନିକି ୪:୧୭; ଜହନ୍ ୧୯:୩୪,୩୭; ମାତିଉ ୨୪:୩୦. ☆ **୧:୮** ୧:୮ ହତ୍ତ ୨୨:୧୩.

ରିଣ୍ଡି ନାଣି ହଲି ନିର୍ମଲ୍ ଅଜଡ୍ ପିତାଡ୍ ଲାକେ ଆରି ହେଝାନ୍ତି କାଟ୍
 ବେସି କାଡ୍‌କାନି ଏନ୍‌ଜ୍ ଲାକେ ।^{୧୭} ହେଝାନ୍ ଜାର୍ ବୁଜ୍‌ଣି କେଇଦ
 ସାଡ୍‌ଗଟା ହୁକାଂ ଆସ୍ତି ମାଚାନ୍, ହେଝାନ୍ତି ଖେଇଦାଂ ତିପ୍‌ତିପା ରିଦାରା
 କାଣ୍ଡା ହସି ମାଚାଡ୍, ଆରେ ହେଝାନ୍ତି ମୁମ୍ ମୁଣ୍ଡାବେଲାନି ଖେଡ଼ା ଲାକେ
 ଡ଼ିଞ୍ଜି ମାଚାଡ୍ ।

^{୧୭} ☆ହେଝାନ୍ତିଂ ହୁଡ୍‌ଜି ଆନ୍ ହାତି ଲାକେ ହେଝାନ୍ ପାନା ତାରେନ୍
 ରୁରତାଂ । ହେବେ ହେଝାନ୍ ନା ଜପି ଜାର୍ ବୁଜ୍‌ଣି କେଇ ଇଡ୍‌ଜି
 ଇନଟାନ୍, “ପାଣ୍ଡା ଆମା, ଆନ୍ ଆରମ୍ ଆରି ହାରିହାରା ।^{୧୮} ଆନ୍
 ମାନେଜିତାକାଂ; ହାଜି ମାଚାଙ୍, ମାତର୍ ଆନ୍ ନଙ୍ ଜିତାଙ୍‌ନା ଓଜ୍‌ଓଜ୍
 କାଡ୍ ଜିବୁନ୍ ମାନ୍‌ଗାନାଙ୍ । ହାକି ଆରି ହାତିଲକାର୍ ପାତାଲ୍‌ନି
 କୁଟିକାଡି ନା କେଇଦ ମାନାଡ୍ ।^{୧୯} ଲାଗିଂ, ଇନା ଇନାକା ବିସ୍ତେ
 ହୁଡ୍‌ତାୟ୍, ଇନା ଇନାକା ନଙ୍ ଗିଟାନାତା ଆରି ଇଦାଂ ପାଚେ
 ଗିଟାନାଡ୍, ହେ ସବୁ ଲେକିକିୟା ।^{୨୦} ମା ବୁଜ୍‌ଣି କେଇଦ ଇମ୍‌ଣି
 ସାଡ୍‌ଗଟା ହୁକାଂ ହୁଡ୍‌ତାୟ୍, ହେବେନି ଆରି ସାଡ୍‌ଗଟା ହନା ବଇଟାନି
 ଅରଡ୍ ଇଦାଂ, ହେ ସାଡ୍‌ଗଟା ହୁକାଂ ସାଡ୍‌ଗଟା ମଣ୍ଡଲିନି ଦୁତକ୍” ଆରି
 ସାଡ୍‌ଗଟା ବୈଟାଂ ସାଡ୍‌ଗଟା ମଣ୍ଡଲି ଆନିକ୍ ।

୨

ଏପିସି ମଣ୍ଡଲିତିଂ କାବୁର୍

^୧ “ଏପିସି ମଣ୍ଡଲିନି ଦୁଡ୍‌ତି ଲାଗାଂ ଲେକିକିୟା: ଇନେର୍ ଜାର୍
 ବୁଜ୍‌ଣି କେଇଦ ସାଡ୍‌ଗଟା ହୁକାଂ ମାସ୍ତିକ୍ ଆରି ସାଡ୍‌ଗଟା ହନା
 ବଇଟାଙ୍ ବିତ୍ତେ ବୁଲାଟାଲା କିନିକ୍, ହେଝାନ୍ ଇଦାଂ ଇନାନ୍,^୨ ଆପ୍
 ମି କାମାୟ୍, କସ୍ ଆରି ସାସ୍ ପୁନାପ୍; ଆରେ ଏପ୍ ଜେ ବାନିୟାର୍‌ଡି
 କାମାୟ୍ ହୁନ୍‌ଜେଙ୍ ଆଡୁଦେର୍, ଆରେ ଇମ୍‌ଣାକାର୍ ଜାର୍ ଜାର୍‌ତିଂ
 ପକ୍ୟାତାକାଂ ଇଞ୍ଜି ଇନାର୍, ମତର୍ ପକ୍ୟାତାକାନ୍ ଆକାୟ୍, ହେଝାରିଂ
 ପରିକ୍ୟା କିଜି ମିଡ୍‌ଝା ଇଞ୍ଜି ତିନି କିତାଦେଣ୍ଡା,^୩ ଆରେ ସାସ୍ ଆସ୍ତି
 ନା ତର୍ କାଜିଂ କସ୍ ହୁଞ୍ଜାଦେଣ୍ଡା ଆରି ଝାହ୍‌ଝାତାଦେଣ୍ଡା, ଇଦାଂ ପା
 ଆନ୍ ପୁନାଙ୍ ।^୪ ମାତର୍ ମି ବିରୁଡ୍‌ତ ନା ଇ ଦାବା ମାନାଡ୍, ଏପ୍
 ହିଗ୍‌ଦ ଇନେସ୍ ଜିଉନଜି ମାଚାଦେର୍, ହେ ଲାକେ ଆରେ କିଉଦେରା

☆ ୧:୧୭ ୧:୧୭ ହତ୍ତି ୨:୮; ୨୨:୧୩.

। ୫ ଲାଗିଂ ଇମେତାଂ ମିଦାଂ ଆଦା ହାଚାତ୍ତନ୍ନା, ହେଦାଂ ଚିନ୍ତା କିୟାଟ୍ । ହେଦାଂ ଏତୁ କିଜି ମାନବାଦଲ୍ଲାୟ କିୟାଟ୍ ଆରି ଆଗେନି କାମାୟ ସବୁ କିୟାଟ୍; ଆଞ୍ଜିତସ୍ ଏଚେକାତ୍ତଦ ମାନବାଦଲ୍ଲାୟ କିତଦେର, ବାଚିଙ୍ଗ୍ ଆପ୍ ବେଗି ମି ଲାଗାଂ ଖାଜି ମି ବଇଟା ହେ ବାହାତାଂ ଗୁରାୟକିନାଙ୍ଗ୍ । ୬ ମତର ମି ପାକ୍ୟାତ ରଞ୍ଜାଙ୍ଗ୍ କାତା ମାନାତ୍ । ହେଦାଂ ଆନାତା, ନା ଲାକେ ଏପେଙ୍ଗ୍ ପା ନିକଲ୍ଲାତିୟତ୍ ଇମ୍ଫଣି ସବୁ କାମାୟ ଗିଣ୍ କିନାପା, ଏପେଙ୍ଗ୍ ପା ହେ ସବୁ ଗିଣ୍ କିନାଦେରା ।”

୭ “ଝେଞ୍ଜେଙ୍ଗ୍ କିତୁଲ୍ ମାଚିସ୍, ମଣ୍ଡଲିକାଂ ପୁଇପୁୟା ଜିବୁନ୍ ଇନାକା ଇନାତା, ଝେନାଟ୍ !”

“ଇନେର ଜିତା ଆନାର, ଆନ୍ ହେଝାରିଂ ଇସ୍ଵତ୍ ସାଗେ ରାଜିନି ଆସ୍ତି ମାନି ଜିବୁନ୍ ମାର୍ନି ପାତ୍ ଚିଞ୍ଜେଙ୍ଗ୍ କାଜିଂ ଆଦିକାର ହିନାଂ ।”

ସର୍ଣ୍ଣ ମଣ୍ଡଲିତିଂ କାରୁର

୮ ✠ସ୍ପର୍ଣ୍ଣା ମଣ୍ଡଲିନି ଦୁଡ୍ ଲାଗାଂ ଲେକିକିୟା: “ଇନେର ଆରମ୍ ଆରି ହାରିହାରି, ଇନେର ହାଜି ଆରେ ଜିବୁନ୍ ଆତାନ୍, ହେଝାନ୍ତି ଲାଗାଂ ଇ କାରୁର । ୯ ମି ଦୁକ୍ ସବୁ ନାଙ୍ଗେଙ୍ଗ୍ ଜାଣା; ଆନ୍ ପା ପୁନାଙ୍ଗ୍ ଜେ, ଏପ୍ ଅକ୍ତ୍; ମାତର ହାତ୍ପାନେ ଏପ୍ ମାଜାନ୍ । ଇମ୍ଫଣାକାର୍ ଜାର୍ତିଂ ଜିହୁଦି କୁଟୁମ୍ ଇଞ୍ଜ ଇନାର୍, ମାତର ହାତ୍ପାନେ ହେଝାର୍ ଜିହୁଦିର୍ ଆକାୟ ଆରି ଇମ୍ଫଣାକାର୍ ସୟତାନ୍ତି ପାଚେ ହାନାର୍, ହେଝାର୍ ଇନେସ୍ ମିଦାଂ ନିୟା କିଜି କାତା ଇନାର୍, ହେଦାଂ ଆନ୍ ପୁନାଙ୍ଗ୍ । ୧୦ ଏପ୍ ଇମ୍ଫଣି ସବୁ ଦୁକ୍ବଗ୍ କିଦେଙ୍ଗ୍ ହାନାଦେରା, ହେ ସବୁତିଂ ପାଣ୍ଡା ଆମାଟ୍; ହୁଡାଟ୍, ମି ପରିକ୍ୟା କାଜିଂ ସୟତାନ୍ ମି ବିତ୍ରେତାଂ ଇନେର ଇନେରିଂ ଜଇଲ୍ ଇଞ୍ଜ ବାତ୍ କିଦ୍ନାତ୍, ଆରେ ଏପେଙ୍ଗ୍ ଅଲପ୍ ଦିନ୍ କାଜିଂ ଦୁକ୍ବଗ୍ ଆଦ୍ନାତ୍ । ଏପେଙ୍ଗ୍ ହାନି ପାଚେକ୍ ପାତ୍ତ ମାନାଟ୍, ହେବେ ଆପ୍ ମିଙ୍ଗେଙ୍ଗ୍ ଜିବୁନ୍ବାର୍ତି ମୁକୁଟ୍ ହିଦ୍ନାପ୍ ।”

୧୧ ✠ମଣ୍ଡଲିକାଂ ଜିବୁନ୍ ଇନାକା ଇନାତା, “ଇନେରିଂ କିତୁଲିଙ୍ଗ୍ ମାନିକ୍, ହେଝାନ୍ ହେଦାଂ ଝେନେନ୍ ।

✠ ୨:୮ ୨:୮ ହତ୍ତି ୧:୧୭; ୨୨:୧୩. ✠ ୨:୧୧ ୨:୧୧ ହତ୍ତି ୨୦:୧୪; ୨୧:୮.

ଇନେନ୍ ଜିତା ଆନାନ୍, ହେୱାନ୍ ରିହା ହାକି ଲାହାଙ୍ଗ୍
ଇନେସକିତିସ୍‌ପା ନସ୍‌ଆଉଡ୍ ।”

ପର୍ଗମ ମଣ୍ଡଲିତିଂ କାବୁର୍

୧୨ “ପର୍ଗମ ମଣ୍ଡଲିନି ଦୁଡ୍ ଲାଗାଂ ଲେକିକିୟା ।”

“ଇନେରତି ତିପ୍‌ତିପା ରିଦାରା କାଣ୍ଡା ମାନାଡ୍, ହେୱାନ୍ ଇଦାଂ
ଇନାନ୍, ହେୱାନ୍ତି ଇ କାବୁର୍ । ୧୩ ଆନ୍ ପୁଟାଙ୍ଗ୍‌ନା, ସୟ୍‌ତାନ୍‌ତି
ଗାଦି ହେବେ ଜେ ଏପେଙ୍ଗ୍ ବାହାକିତାଦେଣ୍ଡା, ଇଦାଂ ଆପ୍ ପୁନାପ୍;
ଆତିସ୍‌ପା ଏପେଙ୍ଗ୍ ମା ତର୍ ଆଟ୍‌ୱା ଲାକେ ଆସ୍ତାଦେଣ୍ଡା, ଆରେ
ମା ପାତ୍‌ତ ସାକି ଆଡ୍‌ତିପା ଏତେକାଡ୍‌ଦ ମି ବିତ୍ରେନି ସୟ୍‌ତାନ୍‌ତି
ହେ କୁଡ୍‌ତି ବାହାତ ହାଜି ମାଟାଦେର୍, ଏପେଙ୍ଗ୍ ମାତାକେ ପାତ୍‌ତ
କିନାଦେରା ଇଞ୍ଜି ହେ ଏତେକାଡ୍‌ଦ ପା ପାତ୍‌ତ କିୱାଦାଂ ମାଟାଦେର୍
।”

୧୪ “ମାତର୍ ମି ବିରୁଡ୍‌ତ ନାଦାଂ ଏତେଗଟା ବେରଣ୍ ଇନାକା
ମାନାଡ୍ । ହେବେ ମି ଲାହାଂ ମାନି ଏତେକ୍, ବିଲିୟାମ୍ ହିକ୍ୟାତ
ତିନାଜାଣା ଆନାରା ବାଲାକ୍ ଆକାଡ୍ ତିନାକା ଆରି ଦାରିୟାଲାକେ
କିନି କାଜିଂ ଇସ୍ତାଏଲ୍ ନିକାରିଂ ଇଞ୍ଜେଙ୍ଗ୍ ବାଲାକ୍‌ତିଂ ହିକ୍ୟା ହିଜି
ମାଟାନ୍ । ୧୫ ସମାନ୍ ହେ ଲାକେ ନିକଲାତିୟ୍‌ରିଂ ଇନ୍‌ବାନାକାରିଂ
ହୁଡ୍‌ନି ମାନାୟାର୍ ମି ବିତ୍ରେ ମାନାର୍ । ୧୬ ଲାଗିଂ ମାନ୍‌ବାଦ୍‌ଲୟ୍
କିୟାଟ୍; ଆଡ୍‌ତିସ୍‌ ଆପ୍ ଦାପ୍ରେ ମି ଲାଗାଂ ୱାଜି ନିଜ୍ ୱେଇଦାଂ ହୁଡ୍‌ନି
କାଣ୍ଡା ହୁକେ ହେୱାର୍ ଲାହାଙ୍ଗ୍ ଜୁଜ୍ କିନାପ୍ ।”

୧୭ ☆ମଣ୍ଡଲିକାଂ ଇସ୍‌ରତି ଜିବୁନ୍ ଇନାକା ଇନାତା ।

“ଇନେରିଂ କିଡୁଲ୍ ମାନାଡ୍, ହେୱାନ୍ ହେଦାଂ ୱେନେନ୍ ।” ଇନେନ୍
ଜିତା ଆନାନ୍, ତାଙ୍ଗେଙ୍ଗ୍ ଆନ୍ ଡ୍‌ଗୁତି ମାନ୍ନା ହିନାଙ୍ଗ୍, ଆରେ ଇମ୍‌ଣି
ତର୍ ଇଟ୍‌ନାକାନ୍ ପିସ୍ତ୍ରି ବିନେନିକାନ୍ ଇନେନ୍ ପୁନୁନ୍, “ଏଲେଙ୍ଗ୍ ପୁନି
ତର୍ ଲେକାତି ରଞ୍ଜି ଡ୍‌ଞ୍ଜିନି କାଲ୍ ତାଙ୍ଗେଙ୍ଗ୍ ହିନାଙ୍ଗ୍ ।”

ତୁୟ୍‌ତିରା ମଣ୍ଡଲି କାଜିଂ କାବୁର୍

୧୮ “ତୁୟ୍‌ତିରା ମଣ୍ଡଲିନି ଦୁଡ୍ ଲାଗାଂ ଲେକିକିୟା, ଇସ୍‌ପତ୍ ଇମ୍‌ଣି
ମାଜିତି କାଣ୍ଡକୁ ଆହ୍‌ନି ନାଣି ଲାକେ ଆରି ପାନା ଅଜଡ୍ ପିତାଡ୍

☆ ୨:୧୭ ୨:୧୭ ଜହନ୍ ୭:୪୮-୫୦.

ଲାକେ, ହେୱାନ ଇଦାଂ ଇନାନ, ^{୧୯} ଆପ୍ ମି କାମାୟ, ଜିଉନନାକା, ପାତ୍, ହେବା ଆରି ସାସ୍ ପୁନାପ୍, ଆରେ ମିଦାଂ ନଙ୍ଗୟ୍ କାମାୟ୍ ମି ଆଗେନି କାମାୟ୍ ବାଟା ଜେ ଆଦିକ୍, ଇଦାଂ ପା ପୁନାପ୍ । ^{୨୦} ଆତିସ୍ପା ମି ବିରୁଡ୍ଡତ ମାଦାଂ ଇ ବେରଣ୍ ମାନାଡ୍, ଜିଜେବଲ୍ ତରଦି ଇମ୍ମଣି କଗ୍ଲେ ଜାର୍ଡିଂ ବେଣ୍ ବାକ୍ ଶାୟ୍ କିନାକାଂ ଇଞ୍ଜି ଇଞ୍ଜି ନା ଆଡ୍ରିୟାରିଂ ଦାରିହାଞ୍ଜେଙ୍ଗ୍ ଆରି ଆକାଡ୍ ଚିଞ୍ଜେଙ୍ଗ୍ ହିକ୍ୟା ହିଜି ବୁଲ୍ଲାଇକିନାତା, ଏପେଙ୍ଗ୍ ତା ବାନ୍ୟା କାମାୟ୍ ହୁଞ୍ଜିନାଦେରା । ^{୨୧} ଆପ୍ ତାଙ୍ଗେଙ୍ଗ୍ ମାନବାଦଲ୍ଲାଇୟ୍ କିଦେଙ୍ଗ୍ ସମ୍ମୁ ହିଡ୍ଡିସ୍ପା ହେଦେଲ୍ଲ ଜାର୍ ଦାରିତାଂ ମାନବାଦଲ୍ଲାଇୟ୍ କିଦେଙ୍ଗ୍ ଇଟା କିଉତା । ^{୨୨} ଲାଗିଂ ଆନ୍ ହେଦେଲିଂ ଆରି ତା ଲାହାଂ ଦାରି କାମାୟ୍ତ ମେହାତାକାର୍ ଝିଜାରିଂ ରଗ୍ ଟାଟିତ ତୁହିନାଂ ଆରି ହେଞ୍ଜାର୍ ବୟ୍ଜାର୍ ନନିତ ବଗ୍ କିଡାର୍ । ଜଦି ହେଞ୍ଜାର୍ ହେଦେଲ୍ଲ ଲାହାଂ କିଜି ମାନି ବାନ୍ୟାକାମାୟ୍ କାଜିଂ ମାନବାଦଲ୍ଲାଇୟ୍ କିଝିତିସ୍, ଝାଟିଂ ଆନ୍ ଇଦାଂ ହାଡ୍ପାନେ କିନାଙ୍ଗ୍ । ^{୨୩} ହେଦେଲ୍ଲ ପାରେହାନାକାରିଂ ପା ବୁଣାଙ୍ଗ୍ । ତା ଆତିସ୍, ମଣ୍ଡଲିଂ ଝିଜାର୍ ପୁଞ୍ଜେଙ୍ଗ୍ ଆଡ୍ନାର୍ ଜେ; ଆନ୍ ଝାସ୍ପିପୁନାକାଂ, ମାନାୟ୍ନି ଝିଜୁ ଚିନ୍ତା ଆରି ଦାରି ପୁଞ୍ଜେଙ୍ଗ୍ ଆଡ୍ନାଙ୍ଗ୍ । ଏପେଙ୍ଗ୍ ଜାଣକେ ଇନା ଇନାକା କିତାଦେଣ୍ଡା, ହେ ଇସାବ୍ରେ ଆନ୍ ମିଂ ପାତିପାଡ୍ ହିଦ୍ନାଙ୍ଗ୍ ।”

^{୨୪} “ମାତର୍ ତୁୟାତିରା ମି ବିତ୍ରେତାଂ ଇମ୍ମଣାକାର୍ ଇ ବାନ୍ୟାହିକ୍ୟାତିଂ ଇଡ୍ଡଞ୍ଜାତାଣ୍ଡା, ଆରି ସୟ୍ତାନତି ତୁଲ୍ଲି ଇଚି ବେରଣିକାଂ ହିକ୍ୟା କିଞ୍ଜାତାନ୍ନା, ଆନ୍ ହେଞ୍ଜାର୍ ଜପି ଆରେ ଇମ୍ମଣାକା ପା ବଜ୍ ଲାଦି କିଉଙ୍ଗ୍ । ^{୨୫} ମତର୍ ମି ତାକେ ଇନାକା ମାନାଡ୍, ହେଦାଂ ଆନ୍ ଝାନି ପାତେକ୍ ଆଟ୍ଝା କିଜି ଆସ୍ତି ମାନାଟ୍ ^{୨୬} ଇନେନ୍ ଜିତା ଆନାନ୍ ଆରି ହାରିହାରା ପାତେକ୍ ନା କାମାୟ୍ କିନାନ୍, ଆନ୍ ଇନେସ୍ ଆବାଂତାଂ ଆଦିକାର୍ ପାୟାତାଂନା, ହେଦାଂ ପା ହେ ଲାକେ ସବୁ ଜାତି ଜପି ଆଦିକାର୍ ହିନାଙ୍ଗ୍ ।

^{୨୭} ହେଞ୍ଜାନ୍ ହେଞ୍ଜାରିଂ ଲଞ୍ଜା ବାଡ୍ଗା ହୁକେ ରାଜ୍ କିଦେଙ୍ଗ୍, ଆରେ ହେଞ୍ଜାର୍ ଚିକ୍ଲା ଟାଣ୍ଡି ଲାକେ ଗନ୍ଦା ଗନ୍ଦା କିଦେଙ୍ଗ୍ ହେଞ୍ଜାରିଂ କେମ୍ତା ହିନାଙ୍ଗ୍ ।”

^{୨୮} ଆରେ ଆନ୍ ହେଞ୍ଜାରିଂ ଅଜଡ୍ ହୁକା ପା ହିନାଙ୍ଗ୍ । ^{୨୯} ଝେଞ୍ଜେଙ୍ଗ୍ ସାକ୍ତି ମାତିସ୍, ମଣ୍ଡଲିକାଂ ଇସ୍ପୁରତି ଜିରୁନ୍ ଇନାକା ଇନାତା, ଝେନାଟ୍

|

୩

ସାଦଂ ମଣ୍ଡଲିତିଂ କାରୁର୍

୧ ସାଦଂ ମଣ୍ଡଲିନି ଦୁତ୍ତ ଲାଗାଂ ଲେକିକିୟା । ଇନେର୍
 ଇସ୍ତତ୍ ସାତ୍ ଜିରୁନିଂ ଆରି ସାତ୍ଗଟା ହୁକାଂ ହେ ଲାକେ ଆତିକ୍,
 ହେଞ୍ଜାନ୍ ଇଦାଂ ଇନାନ୍, ଆପ୍ ମି କାମାୟ ପୁନାପ୍, ଏପେଙ୍ଗ୍ ତରଦିଂ
 ଜିତାଦେଶ୍ଟା, ମତର୍ ହାତ୍ପାନେ ହାତାଦେଶ୍ଟା । ୨ ଜାଗ୍ରତ୍ ଆଜି
 ମାନାଟ୍ ଆରେ ହାକି କାଜିଂ ଜାଲ୍ଦି ବାକି ବିସ୍ତେ ବାଡାକାସ୍ କିୟାଟ୍;
 ଇନେକିଦେଂକି ଆନ୍ ପୁନାଙ୍ଗ୍, ମି କାମାୟ ସବୁ ଇସ୍ତତ୍ ମୁମ୍ଦ
 ଇ ପାତେକ୍ ବାତ୍ ଆଉତେ । ୩ ଲାଗିଂ ଇନେସ୍ବାତ୍ ହିକ୍ୟା
 ପାୟା ତାଦେଶ୍ଟା ଆରି ଖେଚାଦେଶ୍ଟା, ହେଦାଂ ଏତୁ କିଜି ପାଲି କିୟାଟ୍
 ଆରି ମାନ୍ବାଦ୍ଲାୟ କିୟାଟ୍; ଜଦି ଜାଲ୍ଦି ଆଞ୍ଜିତିସ୍, ତା ଆତିସ୍
 ଆପ୍ ତର୍ ଲାକେ ଖାନାପ୍, ଆରେ ଇମ୍ଣି ସମୁତ ମି ଜପି ଖାଜି
 ଆର୍ଦାନାପ୍, ହେଦାଂ ଏପେଙ୍ଗ୍ ଇନେସ୍କିତିସ୍ପା ପୁଞ୍ଜେଙ୍ଗ୍ ଆଡୁଦେର୍;
 ୪ ଆତିସ୍ପା ଇମ୍ଣାକାର୍ ଜାର୍ ଜାର୍ ହେୟା କାଞ୍ଜି କିଞ୍ଜାତାଶ୍ଟା, ମି
 ବିତ୍ତେ ସାଦଂ ତ ଏଲେଙ୍ଗ୍ ଏତେକ୍ ମାନାର୍; ହେଞ୍ଜାର୍ ଡିଞ୍ଜିନି ହେୟା
 ଉସ୍ପିସ୍ ମା ଲାହାଙ୍ଗ୍ ବୁଲାଚାଲା ଆନାର୍, ଇନେକିଦେଂକି ହେଞ୍ଜାର୍ଡି
 ଜଗ୍ । ୫ ଇନେର୍ ଜିତା ଆନାର୍, ହେଞ୍ଜାନ୍ ଇ ଲାକେ ଡିଞ୍ଜିନି ହେୟା
 ଉସ୍ପାନାର୍, ଆରେ ଆନ୍ ଜିରୁନ୍ ପତିତାଂ ତା ତର୍ ଇନେସ୍କିତିସ୍ପା
 ବୁତାୟ କିଞ୍ଜାଦାଂ ନା ଆବା ଆରି ତା ଦୁତକ୍ ମୁମ୍ଦ ତା ତର୍
 ମାନିକିନାଙ୍ଗ୍ । ୬ ମଣ୍ଡଲିନିକାରିଂ ପୁଞ୍ଜପୁୟା ଜିରୁନ୍ ଇନାକା ଇନାତ୍,
 ଇନେରିଂ କିତୁଲ୍ ମାନାତ୍, ହେଞ୍ଜାନ୍ ହେଦାଂ ମାନ୍ ହିଜି ଖେନେନ୍ ।

ପିଲାଦେଲ୍ପିଆ ମଣ୍ଡଲି କାଜିଂ କାରୁର୍

୭ ପିଲାଦେଲ୍ପିଆ ମାନି ମଣ୍ଡଲିନି ଦୁତ୍ତ ଲାଗାଂ ଲେକିକିୟା ।
 ଇନେର୍ ପୁଞ୍ଜପୁୟା ଆରି ହାତ୍ପା,
 ଇନେର୍ କେଇଦ ଦାଉଦ୍ଡି କୁଚିକାଡି ମାନାତ୍, ଇନେର୍ ଜେତିସ୍
 ଇନେର୍ ଗେସ୍ତେଂ ଆଡୁର୍, ଆରେ ଗେସ୍ତିସ୍ ଇନେର୍ ଜେତେଙ୍ଗ୍

☆ ୩:୫ ଶା:୫ ହତ୍ତ ୨୦:୧୨; ମାତିଉ ୧୦:୩୨; ଲୁକ ୧୨:୮.

ଆତୁର, ଠ ହେଞ୍ଜାନ ଇଦାଂ ଇନାନ୍, ଆନ୍ ମି କାମାୟ ପୁନାଈ; ହୁଡ଼ାଟ୍ ଆନ୍ ମି ମୁମ୍ଦ ର ଦୁଞ୍ଜେର ଜେତାଈନା, ଇନେର ହେଦାଂ ଗେସ୍ତେଂ ଆତୁର, ଇନେକିଦେଂକି ମି ସାଈ ଅଲପ, ଆତିସ୍ପା ଏପେଈ ନା କାତା ମାନି କିଜି ନା ତର ପାତ୍ କିନାକାଦେର୍ ଆତାଦେର୍ଣ୍ଣା । ୯୮ ହୁଡ଼ାଟ୍, ଇମ୍ନାକାର୍ ଜିହୁଦିର୍ ଆକାୟ, ମାତର ମିଟ୍ତାଂ ଜାରଲଗାଂ ଜିହୁଦି ଇଞ୍ଜି ଇନାର୍, ଏଲେଈ ସୟତାନି କୁଟୁମ୍ ଇଞ୍ଜି କୁଦାନି ମାନାୟାରିଂ ଆପ୍ ତାସି ମି ପାନା ତାରେନ୍ ଜଞ୍ଜାରକୟକିଦ୍ନାପ୍, ଆରେ ଆନ୍ ଜେ ମିଞ୍ଜେଈ ଜିଉନଦ୍ନାଈ ଇଞ୍ଜି ହେଞ୍ଜାର ଝିଜାର୍ ପୁନାର୍ । ୯୯ ନା ବଲ୍ ଇସାପ୍ରେ ଏପେଈ ନା ସାସ୍ନି ବତନ୍ ରାକ୍ୟା କିତାଦେର୍ନା, ଇଦାଂ କାଜିଂ ପୁତ୍ ନିକାରିଂ ପରିକ୍ୟା କିନି କାଜିଂ ସବୁ ଜଗତ୍ ଜପି ଇମ୍ନା ପରିକ୍ୟା କାଡ୍ ଝାନାଡ୍, ହେବେତାଂ ଆନ୍ ପା ମିଞ୍ଜେଈ ରାକ୍ୟା କିଦ୍ନାଈ । ୧୦ ଆନ୍ ଦାପ୍ରେ ଝାନାଈ; ମିଦାଂ ଇନାକା ମାନାଡ୍, ହେଦାଂ ଜାତୁନ୍ କିଜି ଇଗାଟ୍, ଇନେସ୍ ଇନେର୍ ମିତାଂ, ମି ଜିତାତି ମୁକୁଟ୍ ତରି କିଜି ଅଦେଂ ଆତୁର । ୧୧ ଇନେର୍ ଜିତା ଆନାର୍, ଆନ୍ ତାଈଈ ମା ଇସ୍ତ୍ ମୟିର୍ନି ମୁଣ୍ଡା ଲାକେ କିନାଈ, ହେଞ୍ଜାନ୍ ଆରେ ହେବେତାଂ ବାରତ୍ ହାଲୁନ୍; ଆପ୍ ମା ଇସ୍ତ୍ ତର ଆରି ସାଗେତାଂ ତା ତାକେଣ୍ଡାଂ ଆତାକା ଇମ୍ନା ପୁନି ଜିରୁସାଲମ୍, ମା ଇସ୍ତ୍ ହେ ଗାଡ୍ନି ତର ଆରେ ନା ଜାରତି ପୁନି ତର ହେଦାଂ ଜପି ଲେକିକିନାପ୍ ।

୧୨ ମଣ୍ଡଲିକାଂ ଇସ୍ପରତି ଜିବୁନ୍ ଇନାକା ଇନାଡ୍, ଇନେରିଂ କିଡୁଲ୍ ମାନାଡ୍, ହେଞ୍ଜାନ୍ ହେଦାଂ ଝେନେନ୍ ।

ଲାଅଦିକିଆ ମଣ୍ଡଲି କାଜିଂ କାବୁର

୧୩ ଲାଅଦିକିଆ ମଣ୍ଡଲିନି ଦୁଡ୍ ଲାଗାଂ ଲେକିକିୟା । ଇନେନ୍ ସଡ୍, ଇନେନ୍ ପାତ୍ ନିକାନ୍ ଆରି ହାଡ୍ପା ସାକି, ଇସ୍ତ୍ ଝିଜୁ ଉଦ୍‌ଜାଣି ଆଗେ ରଚକାନ୍ ହେଞ୍ଜାନ୍ ଇଦାଂ ଇନାନ୍, ୧୪ ଆନ୍ ମି କାମାୟ ପୁନାଈ, ଏପ୍ କାକାର୍ ଆକାୟ୍ କି ଉହୁମ୍ ଆକାୟ୍; ଏପ୍ କାକାର୍ କି ଉହୁମ୍ ଆତିସ୍ ହାର୍ ଆତାମ୍ । ୧୫ ଲାଗିଂ ଏପେଈ କାକାର୍ କି ଉହୁମ୍ ଆଞ୍ଜାଦାଂ ଅଲପ୍ ଉହୁମ୍ ଆତିଲେ ଆନ୍ ମିଞ୍ଜେଈ ନା

☆ ୩:୧୭ ୩:୧୭ ହତ୍ତ ୨୧:୨.

ଝେଇଦାଂ କାକ୍ନାଙ୍ଗ । ୧୭ ଏପେଙ୍ଗ ଇନାଦେରା, ଆନେଙ୍ଗ ମାଜାନ୍, ନାଦାଂ ବେସି ଦନ୍ ମାନାଡ଼, ନାଂ ଇନାକା ଉଣା ଆକାୟ୍; ମତର୍ ଏପେଙ୍ଗ ଜେ ଦୟା ହିଲକାଦେର୍, ହିଲ୍‌ଝାକାଦେର୍, ଅକର୍, କାଣା ଆରି ନାଗ୍‌ଡ଼ା, ଇଦାଂ ପୁନ୍ନୁଦେର୍; ୧୮ ଲାଗିଂ ଆନ୍ ନିଙ୍ଗେଙ୍ଗ ଇଦାଂ ଝେର୍ଚାନାଙ୍ଗା, ଏପେଙ୍ଗ ମାଜାନ୍ ଆନି କାଜିଂ ନା ତାଂ ନିର୍ମଲ୍ ହନା କଡ଼ାଟ୍, ଆରେ ଏପେଙ୍ଗ ନାଗ୍‌ଡ଼ାନି ଲାଜୁ ଇନେସ୍ ଚଞ୍ଜିୟା ଆଉଡ଼, ଇଦାଂ କାଜିଂ ଉସ୍‌ପିନି କାଜିଂ ଡିଞ୍ଜିନି ହେୟା ନା ତାଂ କଡ଼ାଟ୍ । ଆରେ ହୁଡ଼ନି ସାକ୍ତି ନିର୍ମଲ୍ କିନି କାଜିଂ କାଜଲ୍ କଡ଼ଜି କାଣ୍‌କୁକାଂ କାଜାଟ୍ । ୧୯ ଆନ୍ ଏଚେକ୍ ମାନାୟାରିଂ ଜିଉନନାଙ୍ଗ୍, ହେଝାରିଂ ଲେଡ଼ନାଙ୍ଗ୍ ଆରି ସାସନ୍ କିନାଙ୍ଗ୍; ଇତିସ୍ ଝାସ୍‌ଲିହାଂ ମାନ୍‌ବାଦ୍‌ଲୟ୍ କିୟାଟ୍ । ୨୦ ହୁଡ଼ାଟ୍, ଆନ୍ ବାଡ଼ ନିଲ୍‌ତି ଦୁଝେର୍ତ ଇଡ଼ଦାନାଙ୍ଗା; ଜଦି ଇନେର୍ ନା କାଟ୍ ଝେନ୍‌ଞ୍ଜି ଦୁଝେର୍ ଜେଡନାନ୍, ତା ଆତିସ୍ ଆନ୍ ହଣ୍‌ଜି ତା ଲାଗାଂ ହାନାଙ୍ଗ୍, ଆରେ ଆନ୍ ତା ଲାହାଙ୍ଗ୍ ତିନାଙ୍ଗ୍ ଆରି ହେଝାନ୍ ନା ଲାହାଙ୍ଗ୍ ତିନାନ୍ । ୨୧ ଆନ୍ ଇନେସ୍ ଜିତା ଆଜି ନା ଆବା ଲାହାଙ୍ଗ୍ ତା ଗାଦିତ କୁର୍ଚାଙ୍ଗନା, ହେ ଲାକେ ହେଝାନ୍ ଜିତା ଆନାନ୍, ଆନ୍ ହେଝାନିଂ ନା ଲାହାଙ୍ଗ୍ ନା ଗାଦିତ କୁର୍ଚେଙ୍ଗ୍ ହିନାଙ୍ଗ୍ ।

୨୨ “ଝେଞ୍ଜେଙ୍ଗ୍ କିଡୁଲିଂ ମାତିସ୍, ଇସ୍‌ରତି ଜିରୁନ୍ ମଣ୍‌ଲିକାଂ ଇନାକା ଇନାଡ଼, ଝେନାଟ୍ ।”

୪

ସାଗେତ ପାର୍ତନା

୧ ଇଦାଂ ପାଚେ ଆନେଙ୍ଗ ହୁଡ଼ତାଂ, ଆରେ ହୁଡ଼ାଟ୍, ସାଗେତ ରଞ୍ଜାଙ୍ଗ୍ ଦୁଝେର୍ ଜେତାକା ମାଚାଟ୍; ଆରେ ମରି ଗାର୍ଜାନ୍ ଲାକେ ନା ଲାହାଙ୍ଗ୍ ଇଞ୍ଜି ମାନି ଇମ୍‌ଣି କାଟ୍ ଆନେଙ୍ଗ୍ ଆଗେ ଝେନ୍‌ଞ୍ଜି ମାଚାଂ, ହେଦାଂ ଇଚାଟ୍, ଇବେ ନିଙ୍ଗ୍‌ଜି ଝା; ଇନାକା ସବୁ ଇଦାଂ ପାଚେ ଆତିସ୍‌ପା ଗିଟାଆନାଟ୍, ହେ ସବୁ ଆନ୍ ମିଙ୍ଗେଙ୍ଗ୍ ଚର୍ଚାନାଙ୍ଗ୍ । ୨ ହେ ଦାପ୍ରେ ଆନେଙ୍ଗ୍ ପୁଇପୁୟା ଜିରୁନ୍‌ତ ବାଟ୍ ଆତାଂ, ଆରି ହୁଡ଼ତାଂ, ସାଗେତ ର ଗାଦିତ ରଝାନ୍ ଇନେର୍ କୁର୍ଚାନ୍ନା; ୩ କୁର୍ଚି ମାନାୟତିଂ ମୁମ୍ ହିରା ଆରି ମାଣିକ୍ୟ ଲାକେ, ଆରେ ଗାଦି ଚାର୍‌ବେଣ୍‌ତାଂ ରଞ୍ଜାଙ୍ଗ୍

☆ ଶା:୧୯ ଶା:୧୯ ଏବଂ ୧୭:୭.

ତୁବତ୍ତାରାତ୍, ହେଦାଂ କାଚାପାତ୍ରିୟା ବାନାନି ମୁକ୍ତା ଲାକେ ।^୪ ଆରେ, ଗାଦିନି ଚାର୍ବେଣ୍ଡତାଂ ୨୪ ଗାଦି ରତ୍ତଚାକା ଆରି ଗାଦିଂ ଜପି ୨୪ ପ୍ରାଚିନାର କୁଚ୍ଚାର୍ଚ୍ଚନା, ହେଞ୍ଜାର ତ୍ତିଞ୍ଜିନି ହେନ୍ଦା ଉସପାତାକାର୍ ଆରି ହେଞ୍ଜାର କାପଡ଼ା ଜପି ହନା ମୁକୁଚ୍ ।^୫ ଶଗାଦି ବିତ୍ତେ ବିଜ୍ଜଲି, ବାରବିନ୍ଦିନି କାର୍ ଆରି ବାଦାତ୍ ଗାର୍ଜାନ ହତ୍ତନାତା, ଆରେ ଗାଦି ଲାଗାଂ ନାଣିଲାକେ ସାତ୍ତଗଟା ବଇଟାଙ୍ଗ ଆହ୍ନିକା, ଇ ସାତ୍ତଗଟା ବଇଟାଙ୍ଗ ଇସ୍ତ ସାତ୍ତଗଟା ଜିବୁନ୍ ।^୬ ଗାଦି ମୁମ୍ଦ କାର୍ ଲାକେ ନିର୍ମଲ ର ହାମ୍ବୁର ।

ଗାଦି ଚାର୍ବେଣ୍ଡତାଂ ମାଦି ଚାର୍ ପାରାଣିଂ, ହେଞ୍ଜାର୍ତି ଆଗେ ଆରି ପାଚେ କାଣ୍ଡକୃତ ବାତ୍ ମାଚାତ୍ ।^୭ ପର୍ତ୍ତମ୍ ପାରାଣି ସିହ୍ ଲାକେ ଚନ୍ଦ୍ରି ମାଚାତ୍, ରିଣ୍ଡି ପାରାଣି ଅହ୍ରି ଲାକେ, ତିନ୍ ପାରାଣି ମୁମ୍ ମାନାୟ୍ ମୁମ୍ ଲାକେ, ଆରେ ଚାରିପାରାଣି ଉମ୍ନି ମୁକ୍ତି ପତି ଲାକେ ଚନ୍ଦ୍ରି ମାଚାତ୍ ।^୮ ଓଜ୍ଜୁ ପଟିକାଂ ଚଅ ଚଅ କେଲ୍ଲକ୍; ହେ କେଲ୍ଲକ୍ କାଂ ବାରତ ଆରି ବିତ୍ତେ କାଣ୍ଡକୃତ ବାତ୍ ମାଚାତ୍ । ହେଞ୍ଜେକ୍ ଶେଡ଼ାନାଣା ଜମ୍ପାଦାଂ ଇନିକା, ଇନେର୍ ସାକ୍ତିକାଟାକାନ, ଇନେର୍ ପ୍ଲୁନାକା, ନଙ୍ଗୟ୍ ଆରି ଖାନିଦିନ୍ତ, ହେ ମାପୁ ଇସ୍ବର୍ ପୁଇପୁୟା, ପୁଇପୁୟା, ପୁଇପୁୟା ।

^୯ ପାରାଣିଂ ଏଚେକାତ୍ତଦ୍ ହେ ଗାଦିତ କୁଚ୍ଚି ଓଜ୍ଜି ଜିତି ମାନାୟ୍ରିଂ ପାଣ୍ ଜାଜ୍ମାଲ, ଆରି ଦନ୍ୟବାଦ୍ ହିନିକ୍, ^{୧୦} ହେ ଏଚେକାତ୍ତଦ୍ ୨୪ ବୁଡ଼ାଲୁର୍ ଗାଦିତ କୁଚ୍ଚି ମାନାୟ୍ ମୁମ୍ଦ ଡାଣ୍ଡାହାତ୍ ମାଗ୍ଜି ଓଜ୍ଜି ଜିବୁନ୍ମାନି ମାନାୟ୍ତିଂ ଜଞ୍ଜାର କିତାର୍ ଆରି ଗାଦି ଲାଗାଂ ଜାର୍ ଜାର୍ ମୁକୁଚ୍ ଇଡ୍ଡଜି ଇଚାର୍,

^{୧୧} “ମା ମାପୁ ଆରି ଇସ୍ବର୍,
 ଏନେଙ୍ଗ୍ ଜାଜ୍ମାଲ, ମାନି ଆରି ସାକ୍ତି ପାୟାଦେଂ ଜଗ୍ ଆନାୟ୍,
 ଇନେକିଦେଂକି ଏନ୍ ଓଜ୍ଜୁ ଉବ୍ଜାଣ୍ କିତାୟନା ।
 ଆରେ ନି ଇଚାତ ହେ ସବୁକାଂ ଜିବୁନ୍ ହିତାୟନା, ପାରାଣିକାଂ
 ଜିପ୍ତାୟନା ।”

☆ ୪:୫ ୪:୫ ହତ୍ତି ୮:୫; ୧୧:୧୯; ୧୭:୧୮; ହତ୍ତି ୧:୪.



ପତି ଆରି ମେଣ୍ଡାହିମ୍‌ଣା

୧ ତା ପାଚେ ଆନ୍ ଗାଦିତ କୁଚ୍‌ଚି ମାନି ମାନାୟ୍‌ତିଂ ବୁଜ୍‌ଣି କେଇଦ ର ପତିତ ହୁଡ୍‌ତାଂ, ହେଦାଂ ରିକଣ୍ଡାଂ ଲେକାତାତ୍‌ନା ଆରି ସାତ୍‌ଗଟା ତିନ୍‌ତ ହେଦାଂ ତିନ୍ ଇଟ୍ୟାଜି ମାଚାତ୍ । ୨ ଆରେ ଆନ୍ ର ସାକ୍ତିକାଟି ଦୁଡ୍‌ତିଂ ହୁଡ୍‌ତାଂ; ହେଦେଲ୍ ଗାଜା କାଚ୍‌ତାଂ ସୁଣାୟ୍ କିଜି ଇଞ୍ଜି ମାଚାତ୍, “ଇନେର୍ ଇ ତିନ୍ ସବୁତିଂ ତ୍ରିକ୍‌ଚି ପତି ଜେତେକ୍ କାଜିଂ ଇନେର୍ ଜଗ୍ ମୁଣିକା ମାଚିସ୍, ହସି ଖାଏର୍ ।” ୩ ମାତର୍ ହେ ପତି ଜେସି ହେବେ ଇନାକା ଲେକାମାନାତ୍, ପଡ୍‌କିଦେଂ ସାଗେ, ପୁତ୍ ଚି ପାତାଲ୍‌ତ ଇନେର୍ ହତ୍‌ଖାତାର୍ । ୪ ହେ ପତି ଜେସି ହେବେ ଇନାକା ଲେକା ଆତ୍‌ନା, ପତି କିଦେକ୍ କାଜିଂ ରଖାନ୍ ପା ଜଗ୍ ମୁଣିକା ଗାଟାଆଦ୍‌ଝିତ୍‌ଲେ, ଆନ୍ ଦୁକ୍ ଆଜି ଆଡ୍‌ବେଦେଂ ଲାଗାତାଂ । ୫ ହେବେ ପ୍ରାଚିନାର୍ ବିତ୍ରେ ରଖାନ୍ ନାଜେକ୍ ଇନ୍‌ଚାନ୍, ଆଡ୍‌ବାମା, ହୁଡ୍‌ତା, ଇନେନ୍ ଜିହୁଦା ଲାତ୍ରାତାଂ ସିହିଁ ଆରି ଦାଉଦ୍‌ତି ଦଲ୍, ହେଖାନ୍ ପତିନି ସାତ୍‌ଗଟା ତିନ୍ ଇଡ୍‌ତାକା ତ୍ରିକ୍‌ଚି ହେଦାଂ ଜେନି କାଜିଂ ଜିତା ଆତାନ୍ନା ।

୬ ହେ ଏତେକାଡ୍‌ଦ୍ ଆନେକ୍ ହୁଡ୍‌ତାଂ, ଗାଦି, ଚାରି ପାରାଣିଂ ଆରି ପ୍ରାଚିନାର୍ ମାଦ୍‌ଣିବାହାତ ର ମେଣ୍ଡାହିମ୍‌ଣା ନିଲ୍‌ତାକା ହୁଡ୍‌ତାଂ, ହେଖାନ୍ ହାତି ଲାକେ ଚଞ୍ଜି ମାଚାନ୍, ହେଖାନ୍ତି ସାତ୍ କମକ୍ ଆରି ସାତ୍‌ଗଟା କାଣ୍‌ଗାଂ; ହେ ଝିଲ୍ କାଣ୍‌ଗାଂ ସବୁ ପୁତ୍ ଚି ପକ୍ୟାତି ଇସ୍‌ତ୍ ସାତ୍‌ଗଟା ଜିବୁନ୍ । ୭ ମେଣ୍ଡାହିମ୍‌ଣା ଖାଜି ଗାଦି ଜପି କୁଚ୍‌ଚିମାନି ମୁଣିକାତିତାଂ ବୁଜ୍‌ଣି କେଇଦାଂ ହେ ପତି ଅତାନ୍ । ୮ ହେ ପତି ଅତିଲେ ହେ ଚାରି ପାରାଣିଂ ଆରି ୨୪ ପ୍ରାଚିନାର୍ ମେଣ୍ଡାହିମ୍‌ଣା ମୁମ୍‌ଦ ଡାଣ୍ଡାହାଡ୍ ଇଡ୍‌ତାର୍; ହେଖାଚ୍‌ତି ଝିଜାଚ୍‌ତି କେଇଦ ଗମଣି ଆରି ପୁଇପୁୟା ଦାମ୍ ଚି ପାର୍ତ୍ତନା ଲାକେ ଦୁପ୍‌ନିତ ବାଚ୍ ହନା କଣ୍ଡି ମାଚାତ୍ । ୯ ହେଖାଚ୍ ର ପୁନି କେଚ୍‌କଣ୍ କେଚ୍‌ଜି ଇଚାର୍, ଏନ୍ ହେ ପତି ଅଦେଂ ଆରି ହେବେନି ସିଲ୍ ତ୍ରିକ୍‌ଚେଂ ଜଗ୍ ଆଡ୍‌ନାୟ୍, ଇନେକିଦେଂକି ଏନ୍ ହାଜି ମାଚାୟ୍, ଆରେ ଜାର୍ ନେତେର୍ ହୁକେ ସବୁ କୁଚ୍‌ମ, ବାସାନିକାର୍, ଲାତ୍ରା ଆରି ଜାତି ବିତ୍ରେତାଂ ଇସ୍‌ତ୍ କାଜିଂ ମାନାୟାରିଂ କଡ୍‌ତାୟ୍‌ନା,

୧୦ ✨ଆରେ ହେୱାରିଂ ମା ଇସ୍ତୁତ୍ ଇସାପ୍ତ ରାଜି ହେବା କିନି ରାଜା ଲାତ୍ରା ଆରେ
 ମାପୁ ହେବାକିନାକାନ କିଜି ହିତାୟନା; ଆରେ ହେୱାର୍ ପୁତ୍ ଜପି ରାଜ କିନାନ୍ ।

୧୧ ତା ପାଚେ ଆନ୍ ହୁଡ୍ତାଂ, ହାଜାର୍ ହାଜାର୍ ଆରି ଲାକେ ଲାକେ ସାଗେନି ଦୁଡ୍କୁ ଗାଦିତ, ଚାରିଗଟା ପାରାଣିଂ ପ୍ରାତିନାର୍ ବେଡ୍‌କିଜି ନିଲ୍‌ଡିକନା । ୧୨ ହେୱେକ୍ ଗାଜା କାଟ୍ତାଂ କେରଜି ମାଟିକ୍, ବାଡ୍‌କାସ୍, ଦାନ୍, ଗିଆନ୍, ସାଲ୍ଲି, ପାଣ୍, ଜାଜ୍‌ମାଲ୍ ଆରି ଦନ୍ୟବାଦ୍ ମାନିକିଦେଂ

ହାଜି ମାଟି ମେଣ୍ଡାହିମ୍‌ଶା ନେ ଜଗ୍ ଆନାନ୍ ।

୧୩ ଆରେ ଆନ୍ ସାଗେ, ପୁତ୍ତ, ପାତାଲ୍‌ତ ଆରି ହାମ୍‌ଦୁରତ୍ ମାନି ଝିଜୁ ଉଦ୍‌ଜାତି ପାରାଣିଂ, ଆଁ ହେ ବିତ୍ରେନି ଝିଜୁ ଇଦାଂ ଇଞ୍ଜିମାନାକା ୱେଚାଙ୍ଗ୍, ହେୱେକ୍ କେରଜି ମାଟିକ୍ ।

“ଗାଦିତ କୁର୍ଚି ମାନାୟତି ଆରି ତା ମେଣ୍ଡାଗଡ୍‌ୟାତି ଦନ୍ୟବାଦ୍ କିୟାଟ୍ ।

ତା ପାଣ୍, ଜାଜ୍‌ମାଲ୍ ଆରି ସାଲ୍ଲି ଝିଜ୍‌ଝି କାଡ୍‌ପାଚେକ୍ !”

୧୪ ହେବେଶ୍ଟାଂ ଚାର୍ ପାରାଣି ଇଟିକ୍, ଆମେନ୍, ଆରେ ପ୍ରାତିନାର୍ ମେଣ୍ଡାଙ୍ଗ୍‌କୁନ୍‌କିଜି ଜୱାର୍ କିତାର୍ ।



ଡାବୁଙ୍ଗ୍

୧ ତା ପାଚେ ଆନ୍ ହୁଡ୍ତାଂ, ମେଣ୍ଡାହିମ୍‌ଶାତିଂ ସାଡ୍‌ଗଟା ଡାବୁଙ୍ଗ୍ ବିତ୍ରେ ପର୍ତ୍ତୁମ୍ ସିଲ୍ ଡ୍ରିକ୍‌ନାକା ହୁଡ୍ତାଂ, ଆରେ ଚାରି ପାରାଣି ବିତ୍ରେତାଂ ରୱାନିଂ ବିଞ୍ଜି ଇଡ୍‌ନି କାଟ୍ ଲାକେ ଇଦାଂ ଇଞ୍ଜିମାନାକା ୱେଚାଂ, ୱାଡ୍ । ୨ ହେବେ ଆନେଙ୍ଗ୍ ହୁଡ୍ତାଂ, ଆରେ ହୁଡ୍‌ଟାଟ୍, ରଞ୍ଜାଙ୍ଗ୍ ଡ୍ରିଞ୍ଜିନି ଗଡ୍‌ଡା, ଆରେ, ଗଡ୍‌ଡାଦୁମ୍‌ନାକାର୍ କେଇଦ ର ଝିଲ୍ ଆସ୍ତି ମାଚାନ୍; ହେୱାନିଂ ର ମୁକୁର୍ ହିତାର୍, ଆରେ ହେୱାନ୍ ଜିତା ଆଜି ଜିଣାଦେଂ ହସି ହାଚାନ୍ ।

୩ ମେଣ୍ଡାହିମ୍‌ଶା ଏଚେକାଡ୍‌ଦ୍ ଜେଡି ସିଲ୍ ଡ୍ରିକ୍‌ତାନ୍, ହେପାଦ୍‌ନା ଆନେଙ୍ଗ୍ ରି ପାରାଣିକାଂ ଇଦାଂ ଇଞ୍ଜିମାନାକା ୱେଚାଙ୍ଗ୍ ୱାଡ୍ ।

✨ ୫:୧୦ ୫:୧୦ ହତ୍ତ ୧:୨

୪ ହେବେଣ୍ଡା ଆରେ ରଞ୍ଜାଙ୍ଗ ଗଡ଼ା ହସି ଖାତାଡ଼, ହେଦାଂ ଗେରୁବାନି; ଲକୁ ଇନେସ୍ ହାରି ରୁଣ୍ଠାପାନାର୍, ଇଦାଂ କାଜିଂ ପୁତ୍ତାଂ ସୁସ୍ତା ଦେହା କିନି କାଜିଂ ତା ଦୁମ୍ତାକାନିଂ ଆଦିକାର୍ ହିତାନ, ଆରେ ତାଙ୍ଗେଙ୍ଗ୍ ର ଗାଜା କାଣ୍ଡା ହିତାନ ।

୫ ମେଣ୍ଡାହିମ୍‌ଣା ଏତେକାଡ଼୍‌ଦ ତିନିଗଟା ସିଲ୍ ଡ୍ରିକ୍‌ତାନ, ହେପାଦନା ଆନେଙ୍ଗ୍ ତିନ୍ ପାରାଣିତିଂ ଇଦାଂ ଇଞ୍ଜିମାନାକା ଖେଟାଙ୍ଗ୍, ଖାତ । ହେବେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ାଟ୍, ରଞ୍ଜାଙ୍ଗ୍ କାର୍ହାତି ବାନାନି ଗଡ଼ା, ଆରେ ତା ଦୁମ୍ତାକାନତି କେଇଦ ର ଲିଟ୍‌କି ମାଟାଡ଼ । ୬ ଆରେ ଆନେଙ୍ଗ୍ ଚାର୍ ପାରାଣିଂ ବିଡ୍ରେତାଂ ହତ୍ତ ଲାକେ ଇ କାର୍ ଖେଟାଙ୍ଗ୍, “ଦିନେକ୍‌ନି କୁଲିନି ଟାକାଂ ପାଡେକ୍ ଗାମ୍ ଆରି ଟାକାତିଂ ତିନ୍ ଆଡା କୁଜା ଆନାଡ଼, ମାତର୍ ଏପେଙ୍ଗ୍ ଚିକାଣ୍ ଆରି ଅଙ୍ଗୁର୍ ରାସ୍ ନସ୍ଟୁକିମାଟ୍ ।”

୭ ମେଣ୍ଡାହିମ୍‌ଣା ଏତେକାଡ଼୍‌ଦ ଚାରିଗଟା ସିଲ୍ ଡ୍ରିକ୍‌ତାନ, ହେପାଦନା ଆନେଙ୍ଗ୍ ଚାର୍ ପାରାଣିତିଂ ଇଦାଂ ଇନାକା ଖେଟାଙ୍ଗ୍, ଖାତ । ୮ ହେବେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ା, ରଞ୍ଜାଙ୍ଗ୍ ମାରୁଝା ବାନି ଗଡ଼ା, ତା ଦୁମ୍ତାକାନତି ତର୍ ହାକି, ଆରେ ପାତାଲ୍‌ତାଂ ହେଦାଂ ପାଟେ ହାଲ୍‌ଜି ମାଟାଡ଼; କାଣ୍ଡା, କାତାର୍, ମାର୍ଡ଼ି ଆରି ପୁତ୍ତାଂ ନି ରାନ୍ ଜାଡ଼କୁ ହୁକେ ବୁଡାୟକିଦେଂ ପୁତ୍ତାଂ ନି ଚାର୍ ବାଗ୍‌ତାଂ ଜପି ହେଝାକାଂ ଆଦିକାର୍ ହିତାନ ।

୯ ମେଣ୍ଡାହିମ୍‌ଣା ଏତେକାଡ଼୍‌ଦ ପାଞ୍ଚଗଟା ସିଲ୍ ଡ୍ରିକ୍‌ତାନ, ହେପାଦନା ଇମ୍‌ଣାକାର୍ ଇସ୍‌ତ୍‌ ବଚନ୍ କାଜିଂ ଆରି ହେଝାରିଂ ହିଆଜିମାଟି ସାକି କାଜିଂ ହାଜି ମାଟାର୍, ହେଝାର୍‌ତି ଝାସ୍‌କାଂ ଆନେଙ୍ଗ୍ ଗାର୍‌ଣି ତାରେନ୍ ହୁଡ଼ତାଂ । ୧୦ ହେଝାର୍ ଗାଜା କାର୍‌ତାଂ କୁକ୍‌ତି ଇଞ୍ଜି ମାଟାର୍, ହେଝାନ୍ ପୁଇପୁୟା ଆରି ହାଡ଼ପା ମାପୁ ଇସ୍‌ର୍ ଆରେ ଏତେକ୍ କାଡ଼୍‌ଏନ୍ ବିଚାର୍ କିଝାଦାଂ ପୁତ୍ତାଂ ନିକାର୍‌ତାଂ ମା ନେତେରୁନି ବାଦୁଲ୍ ଆଉୟ୍ ? ୧୧ ହେବେ ହେଝାର୍‌ତି ଜାଣ୍‌କେତି ରଝାନ୍ ଡ୍ରିଞ୍ଜିନି ଆଜି ହିତାର୍, ଆରେ ହେଝାର୍‌ତି ଇମ୍‌ଣି ହାଙ୍ଗ୍‌ଦାକାନ ଆରି ଟଣ୍ଡାର୍ ହେଝାର୍ ଲାକେ ପା ରୁଣ୍ଠାୟାନାର୍, ହେଝାର୍‌ତି ଗିଣ୍‌ନି ବାଡ଼୍ ଆଞ୍ଜି ପାଡେକ୍ ଆରେ ଅଲ୍‌ପ୍ କାଡ଼୍ ପାଡେକ୍ ଜମ୍‌ନି କାଜିଂ ହେଝାରିଂ ଇତାନ ।

୧୨ ☆ତା ପାଚେ, ଆନ୍ ହୁଡ଼ତାଂ, ମେଣ୍ଡାହିମ୍‌ଣା ଚ ଗଟା ସିଲ୍
 ତ୍ରିକତିକ୍; ଦାପ୍ତେ ଜବର ମେଦ୍‌ନିଲେମ୍‌ତାଡ଼ । ଖେଡ଼ା କାର୍‌ହାତି ବାନାନି
 ତୁସା ଲାକେ ମାଜ୍‌ଗା ଆତାଡ଼ ଆରି ଲେଞ୍ଜ ପୁରା ନେତେର ବାନି ଆଜି
 ହାଚାଡ଼ । ୧୩ ଜବର ଡ଼ଲୁ ପଡ଼ତିସ୍ ତଗା ମାର୍‌ତାଂ ଇନେସ୍ ପାସେଦ୍
 ତଗା ହାଡ଼ଜିହାନାଡ଼, ହେ ଲାକେ ବାଦାଡ଼ନି ହୁକାଂ ସବୁ ପୁତ୍ ଡ଼
 ଆରତିକ୍ । ୧୪ ☆ଆକାସ୍‌ତ ତଲ୍ ପତିତ ଡାବାତି ଲାକେ ଡାବାଆସି
 ଗାର୍‌ଜାନ୍ ଆତାଡ଼, ଆରେ, ମାଡ଼ି ଆରି ସବୁ ଏସ୍‌କୁପ୍‌ଲିଂ ଗୁଚାତିକ୍
 । ୧୫ ଆରେ ପୁତ୍ ନି ରାଜାର୍, ପାଟ୍‌ମଡ଼ିର୍, ମୁଡ଼ମେଲ୍ୟା ଆରି
 ମାଜାନିଂ, ବାପୁନିକାର୍ ଆରି ଲକାର୍ ତଲ୍ୟା ଆଡ଼ିୟାର୍ ମାନାକାର୍
 ଆରି ଜାର୍‌ତାରେନ୍ ମାନାକାର୍ ଲକୁ ଝିଜାର୍ ପାରା ଆରି ମାଡ଼ି
 ପାରା ବିଡ୍ରେ ଜାର୍ ଜାର୍‌ତିଂ ଡ଼କୁଡାର୍, ୧୬ ☆ଆରେ, ହେଝାର୍ ମାଡ଼ି
 ଆରି କୁପ୍‌ଲିକାଂ ଇଚାର୍, ମା “ଜପି ଆଜ୍ ଗାଦିତ କୁଚ୍‌ତି ମାନାୟ୍
 ମୁମ୍‌ଦାଂ ଆରି ମେଣ୍ଡାହିମ୍‌ଣା ରିସାତାଂ ମାଜେଙ୍ଗ୍ ଡ଼କୁତି ଇଡ଼ଦାଟ୍,
 ୧୭ ଇନେକିଦେଂକି ହେଝାର୍‌ତି ରିସାତାଂ କସୁନିଦିନ୍ ଏକାଝାତାଡ଼ନା,
 ଆରେ ଇନେର୍ ନିଲ୍‌ତେଂ ଆଡ଼ନାର୍ ?”



୧୪୪,୦୦୦ ଇସ୍ରାଏଲିୟ

୧ ଇଦାଂ ପାଚେ ଆନେଙ୍ଗ୍ ହୁଡ଼ତାଂ, ପୁତ୍ ନି ଚାରି କନାତ ଚାରି
 ଜାଣ୍ ସରଗ୍ ଦୁଡ଼କୁ ନିଲ୍‌ତିକ୍‌ନା ଆରି ପୁତ୍ ନି ଚାର୍ ଦିଗ୍‌ତାଂ
 ଡ଼ଲୁ ହାନାକାଦ୍‌ଲିଂ ଟେବାୟ୍ କିଜି ଇଡ଼ତିକ୍‌ନା । ଇନେସ୍‌କି ପୁତ୍ ,
 ହାମ୍‌ଦୁର୍ କି ଇମ୍‌ଣାକା ପା ମାର୍ କୁଡ଼ି ଜପି ଅଲପ୍ ପା ଦୁକା
 ଆହ୍‌ଝାତାଡ଼ । ୨ ଆରେ ଆନ୍ ଆରେ ରଞ୍ଜେଲିଂ ଦୁଡ଼ତିଂ ଖେଡ଼ାହଡ଼ନି
 ନିପତାଂ ନିଙ୍ଗି ଝାନାକା ହୁଡ଼ତାଂ; ତା କେଇଦ ଜିତି ଇସ୍‌ତ୍ ସିଲ୍
 ମାଚାଡ଼ । ପୁତ୍ ଆରି ହାମ୍‌ଦୁର୍ ନସ୍‌କିନି କାଜିଂ ଆଦିକାର୍ ପାୟାତି
 ହେ ଚାରି ଜାଣ୍ ଦୁତକାଂ ହେଝାନ୍ ଗାଜା କାଟ୍‌ତାଂ କୁକ୍‌ତି ଇଚାନ୍,
 ୩ “ଆପେଂ ଜାର୍‌ତିଂ ଇସ୍‌ତ୍ ଆଡ଼ିୟାରିଂ ନିଦାଣ୍‌ତ ତିନ୍ ଇଡ଼ନି

☆ ୭:୧୨ ୭:୧୨ ହଡ଼ତି ୧୧:୧୩; ୧୭:୧୮; ମାତିଉ ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫.
 ☆ ୭:୧୪ ୭:୧୪ ହଡ଼ତି ୧୭:୨୦. ☆ ୭:୧୭ ୭:୧୭ ଲୁକ ୨୩:୩୦.

ପାତେକ ଏପେକ୍ ପୁତ କି ହାମ୍‌ଦୁର କି ମାର୍କୁ ନସ୍ କିମାଟ୍ ।”
 ୪ ତା ପାତେ ତିନ୍ ଇଡ଼ୟାତାକାର୍ ମାନାୟାର୍‌ତି ଗାଣ୍ଡି ଆନ୍ ଖେଟାକ୍,
 ଇସ୍ତାଏଲ୍ ହିମ୍‌ଶାକା° ସବୁ ଲାତ୍ରା ବିତ୍ରେତା° ଏକ୍ ଲାକ୍ ରିକଡ଼ିଚାରି
 ହାଜାର୍ ୧, ୪୪,୦୦୦ ମାନାୟାର୍ ତିନ୍‌ହିୟାତାର୍, ୫ ଜିହୁଦା ଲାତ୍ରାତା°
 ବାର୍ ହାଜାର୍, ତିନ୍ ଇଡ଼ୟାତି ରୁବେନ୍ ଲାତ୍ରାତା° ବାର୍ ହାଜାର୍, ଗାଦ
 ଲାତ୍ରାତା° ବାର୍ ହାଜାର୍, ୬ ଆସେର୍ ଲାତ୍ରାତା° ବାର୍ ହାଜାର୍, ନପ୍ତାଲି
 ଲାତ୍ରାତା° ବାର୍ ହାଜାର୍, ମନସି ଲାତ୍ରାତା° ବାର୍ ହାଜାର୍, ୭ ସିମିୟନ
 ଲାତ୍ରାତା° ବାର୍ ହାଜାର୍, ଲେବି ଲାତ୍ରାତା° ବାର୍ ହାଜାର୍, ଇସାକଡ଼ି
 ଲାତ୍ରାତା° ବାର୍ ହାଜାର୍, ୮ ଜରୁଲୁନ୍ ଲାତ୍ରାତା° ବାର୍ ହାଜାର୍, ଜସେପ୍
 ଲାତ୍ରାତା° ବାର୍ ହାଜାର୍, ବିନ୍ୟାମିନ୍ ଲାତ୍ରାତା° ବାର୍ ହାଜାର୍ ତିନ୍
 ଇଡ଼ୟାତି ଲଗୁ ।

ଦାଡ଼ ମାନାୟାର୍

୯ ଇଦା° ପାତେ ଆନ୍ ହୁଡ଼ତା°, ଆରେ ହୁଡ଼ାଟ୍, ସବୁ ଜାତି, ସବୁ
 କୁଟୁମ୍, ସବୁ ଲାତ୍ରାର୍ ଆରି ସବୁ ବାସାନିକାର୍ ଗାଣାକିୟାଞ୍ଜି ର
 ବେସି ମାନାୟାର୍ ଡ଼ିଞ୍ଜିନି ଆଜି ଉସ୍‌ପିସ୍ ଆରି କାଜି ତାଡ଼ କେଇଦ
 ଆସି ଗାଦି ଆରି ମେଣ୍ଡାହିମ୍‌ଶା ମୁମ୍‌ଦ ନିଲ୍‌ତାର୍‌ନା; ୧୦ ହେଝାର୍
 ଗାଜା କାଟ୍‌ତା° ଇଞ୍ଜି ମାଚାର୍, “କେବଲ୍ ଗାଦିତ କୁଚାକାନ୍ ଇସ୍‌ବର
 ଆରି ମେଣ୍ଡାହିମ୍‌ଶା ମାକ୍‌କେ ମୁକ୍‌ଡ଼ାୟକିଦ୍‌କାନ୍ ।” ୧୧ ଆରେ,
 ଝିଜେକ୍ ଦୁଡ଼ ଗାଦି, ପ୍ରାଚିନାର୍ ଆରି ଚାରି ପାରାଣିକ୍ ଚାର୍‌ବେଣ୍ଡା°
 ନିଲ୍‌ଡିକ୍‌ନା, ଆରେ ଗାଦି ମୁମ୍‌ଦ ତାଣ୍ଡାହାଣ୍ ମାଗ୍‌ଜି ଇସ୍‌ବରତି° ଜଝାର୍
 କିଜି. ୧୨ ଇଚିକ୍ “ଆମେନ୍, ଝାରିକିୟକିଦେ°, ଜାଜ୍‌ମାଲ୍, ଗିୟାନ୍,
 ଦନ୍‌ସବାଦ୍, ସାକ୍ତି, ବାଡ଼କାସ୍ ଜୁଗ୍ ଜୁଗ୍ ମା ଇସ୍‌ବତ୍ ; ଆମେନ୍ ।”

୧୩ ଆରେ ପ୍ରାଚିନାର୍ ବିତ୍ରେତା° ରଝାନ୍ ନାକ୍ ଝେନ୍‌ବାତାନ୍, ଡ଼ିଞ୍ଜିନି
 ଆଜି ଉସ୍‌ପିତି ଇ ମାନାୟାର୍ ଇନେର୍ ଆରି ହେଝାର୍ ଇମେଣ୍ଡା°
 ଝାତାଣ୍ଡା ? ୧୪ *ଆନ୍ ହେଝାନି° ଇଚାକ୍, ଏ ନା ମାପୁ, ଏନେକ୍ ନେ
 ହେଦା° ପୁନାୟ୍ ।

ହେବେ ହେଝାନ୍ ନାକ୍ ଇନ୍‌ଚାନ୍, ଇଝାର୍ ଗାଜା ଦୁକ୍‌ତା° ହସି
 ଝାତାନ୍ନା ଆରି ମେଣ୍ଡାହିମ୍‌ଶାତି ନେତେର୍‌ତ ଜାର୍ ଜାର୍ ଆଜି ହଗ୍‌ଜି
 ଡ଼ିଞ୍ଜି କିତାନ୍ନା । ୧୫ ହେଦା° କାଜି° ହେଝାର୍ ଇସ୍‌ବତ୍ ମନ୍ଦିର୍‌ତ ତା

☆ ୭:୧୪ ୭:୧୪ ମାଡିଉ ୨୪:୨୧; ମାର୍କ ୧୩:୧୯.

ଗାଦି ମୁମ୍ବଦ ମାନଜି ଖେଡ଼ାନାଣା ହେଖାନ୍ତି ପାର୍ତ୍ତାନା କିତାର, ଆରେ ଗାଦିତ କୁଟ୍ତାକାର ମୁଣିକା ହେଖାନିଂ ବାହା ହିନାନ । ୧୭ ଆରେ ହେଖାର୍ତ୍ତି ଇନାଖାଡ଼ାଂ ପା ନାସ୍‌କି କି ଏସ୍‌କି ଆଉର୍, ଆରେ, ଖେଡ଼ା କି ଇମ୍‌ଣାକା ପା କାରା ହେଖାରିଂ ବାଦା କିଉର୍, ୧୭ ଇନେକିଦେଂକି ଗାଦି ମାଦ୍‌ଣିବାହା ମେଣ୍ଡାହିମ୍‌ଣା ହେଖାର୍ତ୍ତି ଗଡ଼ିଆ ଆନାନ ଆରି ଜିବୁନ୍‌ହିନି ଜାରାଣ୍ ଲାଗାଂ ହେଖାରିଂ କାତାୟ୍ ଅନାନ, ଆରେ ଇସ୍‌ବର୍ ହେଖାର୍ କାଣ୍‌ଗାତାଂ ଖିଜୁ କାଣେଲିଂ ନେନ୍‌ନାନ ।

୮

ସାତ୍‌ଗଟା ସିଲ୍

୧ ମେଣ୍ଡାହିମ୍‌ଣା ଏରେକାଡ୍‌ସ୍ ସାତ୍‌ଗଟା ସିଲ୍ ତ୍ରିକ୍‌ତାନ; ହେପାଦ୍‌ନା ସାଗେତ ଇଚିସ୍ ଆଦା ଗଣ୍ଡା ପାତେକ୍ ଚିମ୍‌ରା ଆଜି ହାଚିକ । ୨ ତା ପାତେ ଆନ୍ ଇସ୍‌ବର୍ତ୍ତି ମୁମ୍ବଦ ନିଲ୍‌ତିକିକ୍ ସାତ୍ ଜାଣ୍ ଦୁଡ୍‌ତକାଂ ହୁଡ୍‌ତାଂ; ହେଖାକାଂ ସାତ୍‌ଗଟା ମରିଂ ହିତାନ ।

୩ ଆରେ ରଖାନ ଦୁଡ୍ ଖାଜି ଗାର୍‌ଣି ଲାଗାଂ ନିଲ୍‌ତାନ, ଇସ୍‌ବର୍‌ନି ପୁଇପୁୟା ମାନାୟାର୍ ପାର୍ତ୍ତାନା ଲାହାଙ୍ ବେସି ଗାନ୍‌ନି ଦୁପ୍‌ନି ମାଗାଡ୍, ଆରେ ଗାଦି ମୁମ୍ବଦ ହନା ଗାର୍‌ଣି ଜପି ଖିଜାର୍ ସାଦୁର୍ତ୍ତି ପାର୍ତ୍ତାନା ଲାହାଙ୍ ହିନି କାଜିଂ ତାଙ୍ଗେଙ୍ ବେସି ଦୁପ୍‌ନି ହିତାଡ୍ । ୪ ହେବେଣ୍ଡାଂ ଦୁଡ୍ କେଇଦାଂ ଦୁପ୍‌ନି କଦା ଦାମ୍‌ର୍ ପାର୍ତ୍ତାନା ଲାହାଙ୍ ପୁଇପୁୟା ଇସ୍‌ବର୍ ମୁମ୍ବଦ ଜପି ନିଙ୍‌ତାଡ୍ । ୫ ପାତେ ହେ ଦୁଡ୍ ଦୁପ୍‌ନି ଅଜି ଗାର୍‌ଣିନି ନାଣିତ ହେଦାଂ ବାତ୍ କିଜି ପୁତ୍ ଜପି ତୁହିହିତାଡ୍ । ହେବେ ବିଞ୍‌ଇଡ୍‌ନିକାଟ୍, ବାରବାନି କାଟ୍, ବଜ୍‌ଲି ଆରି ମେଦ୍‌ନିଦାଲ୍‌କା ଆତାଡ୍ ।

ମରି ବାଜା

୬ ହେ ଏରେକାଡ୍‌ସ୍ ସାତ୍‌ଗଟା ମରିଂ ଆସ୍ତାକା ସାତ୍ ଦୁଡ୍‌କୁ ମରିକାଟ୍ କିଦେଙ୍ ଜାଲ୍‌ଦି ଆତିକ୍ ।

☆ ୮:୫ ୮:୫ ହତ୍ତ ୧୧:୧୯; ୧୭:୧୮.

୭ ପର୍ତ୍ତୁମ୍ ଦୁତ୍ତ ମରିକାଟ୍ କିତି ଦାପ୍ତେ ଆଞ୍ଜଗା, ନାଣି ଆରି ନେତେର୍ ପୁତ୍ ଜପି ଆର୍ତାତ୍ । ପାଚେ ଝିଜୁ ମାରଦେର୍, କାଚାପାତ୍ରିୟା କାତ୍ରା ଲାହା° ପୁତ୍ ନି ର ତିନ୍ ବାଗ୍ କାଡ୍ତାତ୍ ।

୮ ଜେତି ଦୁତ୍ତ ମରିଗାଜ୍ରାୟ୍ କିତିଲେ, ଇନେସ୍ ନାଣି ଆହ୍ନି ର ଗାଜା ମାଡି ହାମ୍ଦୁରତ୍ ତୁହିୟାତାତ୍, ହେବେ ହାମ୍ଦୁରନି ତିନି ବାଗ୍ ଏଜୁଙ୍ଗ୍ ନେତେର୍ ଆତାତ୍ । ୯ ଆରେ, ହାମ୍ଦୁରତ୍ ମାନି ପାରାଣିଙ୍ଗ୍ ବିତ୍ତେତା° ତିନି ବାଗ୍ ହାତିକ୍ ଆରି ଜାଜନିକି° ତିନି ବାଗ୍ ବୁଡାଆତିକ୍ ।

୧୦ ମାଜଗାଚ୍ୟା ଦୁତ୍ତ ମରିଗାଜ୍ରାୟ୍ କିତିଲେ ନାଣିନିଙ୍ଗ୍ତାକା ଲାକେ ଅଜଡ୍ ର ଗାଜା ହୁକା ଆକାସ୍ତା° ଆଜ୍ ହେବେନି ଏଜୁଙ୍ଗ୍ତା° ତିନି ବାଗ୍ତା° ର ବାଗ୍ ଆରି ଜାରାଣି° ଜପି ମୁଞ୍ଚାତ୍; ୧୧ ହେ ହୁକାତି ତର୍ କେନାକା । ପାଚେ ହାଦ୍ ଏଜୁଙ୍ଗ୍ନି ର ତିନି ବାଗ୍ କେଡିକ୍ ଆରି ହେ ଏଜୁଙ୍ଗ୍ ଉଣ୍ଡି ବେସି ମାନାୟାର୍ ହାତାର୍ ।

୧୨ ଚାରି ଲମର୍ ଦୁତ୍ତ ମରିଗାଜ୍ରାୟ୍ କିତିଲେ ଝେଡା, ଲେଞ୍ଜ୍ ଆରି ହୁକା° ତିନି ବାଗ୍ ତୁକାବା ଆତିଲେ ହେ ଝିଜୁନି ତିନି ବାଗ୍ ମାଜଗା ଆତାତ୍, ଦିନି ତିନି ବାଗ୍ ଅଜଡ୍ ଆଜି ମାଚାତ୍ ଆରି ନାଣା ପା ହେ ଲାକେ ଅଜଡ୍ ଆଞ୍ଜାତାତ୍ ।

୧୩ ପାଚେ ଆନେଙ୍ଗ୍ ହୁଡ୍ତା°, ଆରେ ବାଦାଡ୍ନି ମାଦିବାଗ୍ଦ ଉମ୍ନି ର ମୁକ୍ତି ପଟି ଗାଜାକାଟ୍ତା° ଇଦା° ଇଞ୍ଜିମାନାକା ଝେଚାଙ୍ଗ୍, ହାଦି, ହାଦି, ହାଦି, ପୁତ୍ ନିକାର୍ ଦୁକ୍ ପାୟାନି ଲଗୁ, ଇନେକିଦେ°କି ଆରେ ତିନିଜାଣ୍ ଦୁତ୍ତ ମରିଗାଜ୍ରାୟ୍ କିଦେଙ୍ଗ୍ ହାନିକା ।

୯

୧ ତା ପାଚେ ପାଞ୍ଚଲମର୍ ଦୁତ୍ତ ମରି ଗାଜ୍ରାୟ୍ କିତିଲେ ଆନେଙ୍ଗ୍ ବାଦାଡ୍ତା° ର ହୁକା ପୁତ୍ ତ ଆଣ୍ଟାକା ହୁଡ୍ତା°; ହେଦେଲି° ପାତାଲ୍ କୁଣ୍ଡିନି କୁଚି ହିୟାଜିମାଚାତ୍ । ୨ ହେଞ୍ଜାନ୍ ହେ ପାତାଲ୍ କୁଣ୍ଡି ରିକ୍ତିଲେ ହେବେତା° ଗାଜା ବାଟିନି କଦା ଲାକେ କଦା ନିଙ୍ଗ୍ତାତ୍, ଆରେ ହେ ପାତାଲ୍ କୁଣ୍ଡିତ କଦା କାଜି° ଝେଡା ଆରେ ଆକାସ୍ ମାଜଗା ଆତାତ୍ । ୩ କଦା ବିତ୍ତେତା° ପାମିଙ୍ଗ୍ ହସି ପୁତ୍ ତ ଝାତିକ୍, ହେଝେକା° ପୁତ୍ ନି କାଚାକୁପିନି ବିସ୍ ଲାକେ ସାକ୍ତି ହିତାନ୍ । ୪ ପୁତ୍ ନି କାତ୍ରା କି କାଚାପାତ୍ରିୟା ବାନି କୁଚା କି ଇମ୍ଣାକା

ପା ମାର୍ତ୍ତିଂ ବୁଡ଼ାୟ କିଞ୍ଚାଦାଂ, ଇମଣାକାରତି ନିଦାଣ୍ଡ ଇସ୍ତତ୍
 ତିନ୍ ହିଲ୍ଲଞ୍ଜିତିସ୍, କେବଲ୍ ହେଞ୍ଜାରତି ବୁଡ଼ାୟ କିଦେଙ୍ଗ୍ ହେଞ୍ଜାରିଂ
 ଝେର୍ଚାର୍ । ୫ ହେଞ୍ଜାରିଂ ଅହ୍ୟାଞ୍ଚାଦାଂ ପାଞ୍ଚ ମାସ୍ ପାତେକ୍ ହେଞ୍ଜାରତି
 ନନାକା ଗିଟାୟକିଦେଂ ହେଞ୍ଜାରିଂ ପା ମିଂ ଆଦିକାର୍ ହିତାନ୍, କାଚାକୁପି
 ମାନାୟତିଂ କାପ୍ତିତିସ୍ ଇନେସ୍ ନାନାତ୍, ଇ ନନାକା ହେ ଲାକେ । ୬ ହେ
 ସମୁତ ମାନାୟାର୍ ହାନାକା ଦାହନାର୍, ମାତର ଇନେସ୍ କିଜି ପା ବାନି
 କିତିସ୍ ପା ପାୟା ଆଉର; ହେଞ୍ଜାର୍ ହାଦେଂ ମାନ୍ କିତାର୍, ମାତର୍ ହାକି
 ହେଞ୍ଜାରତାଂ ହନ୍ନାତ୍ ।

୭ ପାମିଂ ଜାଲ୍ଲଦି ଆତି ଜୁଜ୍ କିନି କାଜିଂ ଗଡ଼ା ଲାକେ ଚଞ୍ଜୟାଜି
 ମାତିକ୍, ହେଞ୍ଜେକ୍ତି କାପଡ଼ାନି ପ୍ଲୁକ୍ୟାତାକା ହନା ମୁକୁର୍ ଲାକେ
 ମାଚାତ୍, ଆରେ ହେଞ୍ଜେକ୍ତି ଝେଇ ମାନାୟାର୍ ଝେଇ ଲାକେ;
 ୮ କଗଲେ ହିମଣାଂତି ତେମୁଲ୍ ଲାକେ ହେଞ୍ଜାଙ୍ଗ୍ ତେମୁଲ୍, ସିହି
 ଚାଡ଼ାଙ୍ଗ୍ ଲାକେ ହେଞ୍ଜେକ୍ତି ଚାଡ଼ାଙ୍ଗ୍ ମାତିକ୍; ୯ ଲଞ୍ଜା ହାଜ ଉସ୍ପିତି
 ଲାକେ ହେଞ୍ଜେକ୍ତି ହାଜ ଉସ୍ପାନାକା, ଆରେ ଗଡ଼ାଗାଡ଼ି ଆରି ଜୁଜ୍
 ବାହାତ ହନ୍ଞ୍ଚିମାନି ଜବର୍ ଗଡ଼ାଙ୍ଗ୍ ଗାଜ୍ଜାନି ଲାକେ ହେଞ୍ଜେକ୍ତି
 ମାରାଂ ଗାର୍ଜାନାକା ହସି ମାଚାତ୍ । ୧୦ କାଚାକୁପିତି ନିଙ୍ଗୁଣ୍ ଆରି
 ବାଡ଼କାସ୍ ଲାକେ ହେଞ୍ଜେକ୍ତି ନିଙ୍ଗୁଣ୍ ଆରି ବାଡ଼କାସ୍; ପାଞ୍ଚ ମାସ୍
 ପାତେକ୍ ମାନାୟାର୍ତି ବୁଡ଼ାୟ କିଦେଙ୍ଗ୍ ହେଞ୍ଜେକ୍ ନିଙ୍ଗୁଣ୍ଡ ସାକ୍ତି
 ମାଚାତ୍ । ୧୧ ପାତାଲ୍ କୁଣ୍ଡିନି ଦୁଡ଼ ହେଞ୍ଜାକାଂ ରାଜା, ତା ତର ଏବ୍
 ବାସାତ ଅବଦନ୍ ଆରି ଗ୍ରିକ୍ ବାସାତ ଅପଲ୍ଲୟନ୍ ଇନେର୍ ଅରଡ଼
 ଅସ୍ପାନାକା ।

୧୨ ପର୍ତ୍ତମ୍ ଦୁକ୍ ଝିସ୍ତାଚାତ୍, ହୁଡ଼ାବ୍ ଇଦାଂ ପାଚେ ଆରେ ରିଣ୍ଡାଂ ଦୁକ୍
 ଞାନାତା ।

୧୩ ତାପାଚେ ଚଅ ଲମର୍ ଦୁଡ଼ ମରିକାଟ୍ କିତିଲେ, ଆନେଙ୍ଗ୍
 ଇସ୍ପରତି ମୁମ୍ଦ ହନା ଗାର୍ଣିନି ଚାରି କନାତାଂ ବିତ୍ରେତାଂ ର କାଟ୍
 ଝେଚାଙ୍ଗ୍ । ୧୪ ହେଦାଂ ମରି ଆସ୍ତି ମାନି ହେ ଚଅ ଲମର୍ ଦୁଡ଼ତିଂ
 ଇଚାନ୍, ପରାତ୍ ଗାଜା ନାଗୁଡ଼ତ ବାଦିମାନି ଚାରି ଦୁଡ଼ତିଂ ମୁକ୍ତାୟ
 କିଜିହିୟାଟ୍, ୧୫ ହେବେ ମାନାୟାର୍ତି ର ତିନି ବାଗ୍ ଟୁଣି କାଜିଂ ଇ
 ଇମ୍ଣି ଚାରି ଦୁଡ଼ ହେ ଡାଣ୍ଡ, ଦିନ୍, ମାସ୍ ଆରି ବାହୁଁ କାଜିଂ ଜାଲ୍ଲଦି
 କିୟା ଆଜି ମାତିକ୍, ହେଞ୍ଜାର୍ ମୁକ୍ତାୟ କିୟାତାର୍ । ୧୬ ପାଚେ ଆନ୍
 ହୁଡ଼ତାଂ, ଗଡ଼ା ଦୁମ୍ତାକାର୍ ମେଲ୍ଲୟାର୍ତାଂ ଲମର୍ ୨୦୦,୦୦୦ ଲକ୍ୟ

ରି କଟି; ଆନେଙ୍ଗ ହେଞ୍ଜାର ଗାଣ୍ଡି ଖେରାଙ୍ଗ । ୧୭ ଆରେ ଆନେଙ୍ଗ ହୁଡ଼ତାଂ ଗଡ଼ା ଆରି ହେଞ୍ଜାର ଦୁମ୍‌ତାକାରିଂ ଇ ଲାକେ ହୁଡ଼ତାଂ, ହେଞ୍ଜାରତି ଜିଦ୍‌ନି ହାଜ୍‌ଦ ନାଣିବାନି ନିଲିବାନି ଆରି ଗନ୍‌କବାନି, ଗଡ଼ା କାପ୍‌ଡ଼ାଙ୍ଗ ସିହିଁ କାପ୍‌ଡ଼ା ଲାକେ ଆରେ ହେଞ୍ଜାଙ୍ଗ ଖେଇଦାଂ ନାଣି, କଦା ଆରି ଗନ୍‌କ ହସି ମାଚାଡ଼ । ୧୮ ହେଞ୍ଜାଙ୍ଗତି ଖାଇଦାଂ ହତ୍‌ନି ନାଣି, କଦା ଆରି ଗନ୍‌କ ଲାକେ ଇ ତିନି ଦୁକ୍ ହୁକେ ମାନାୟାରତି ର ତିନି ବାଗ୍ ଅହ୍ୟାତିକ୍ । ୧୯ ଇନେକିଦେଂକି ଗଡ଼ାଙ୍ଗ ସାଲି ହେଞ୍ଜେକ୍ତି ଖେଇ ଆରି ନିଙ୍ଗୁଣ୍ଡ ମାଚାଡ଼, ଲାଗିଂ ହେଞ୍ଜାଙ୍ଗତି ନିଙ୍ଗୁଣ୍ଡ ରାଡ଼ ଲାକେ ଆରି କାପ୍‌ଡ଼ା, ଲାକେ ତା ହୁଦାଂ ହେଞ୍ଜାଙ୍ଗ ରୁଡ଼ାୟ୍ କିନିକ୍ ।

୨୦ ଇମଣି ବାକି ମାନାୟାର ଇ ଖିଜୁ ଦୁକ୍ ହୁକେ ଅହ୍ୟାଖାଦାଂ ମାତିକ୍, ହେଞ୍ଜେକ୍ ଜାର୍ ଜାର୍ କେଇଦାଂ ରଚ୍‌ଚି କାମାୟତାଂ ମାନବାଦଲ୍ଲାୟ୍ କିଞ୍ଚିତିକ୍, ଇତିସ୍ ବୁଡ଼କୁତି ପୁଜା ଆରି ହୁଡ଼ନାକା, ଖେନାକା ଆରି ବୁଲାରାଲାଦେଂ ଆଡ଼ଞ୍ଚିତି ହନା, ରୁପା, ପିତାଡ଼, କାଲ୍ ଆରି ଖେଜ୍‌ଗୁ ରଚ୍‌ଚି ପୁଡ଼ତାଂ ପୁଜା ପିସ୍ତେଙ୍ଗ ଆଡ଼ଞ୍ଚିତିକ୍, ୨୧ ଆରେ ହେଞ୍ଜେକ୍ ଜାର୍‌ତିଂ ନାର୍‌ଚୁଣାକା, ପାଙ୍ଗାଣି, ଦାରି ଆରି ଗାଣ୍ଡୁ କାମାୟତାଂ ମାନବାଦଲ୍ଲାୟ୍ କିଞ୍ଚିତିକ୍ ।

୧୦

ସାରେନ୍‌ଦୁଡ଼ ଆରି ହାରୁ ପତି

୧ ତା ପାଚେ ଆନ୍ ହୁଡ଼ତାଂ, ଆରେ ରଞ୍ଜନ୍ ସାଲିକାଟି ଦୁଡ଼ତିଂ ସାରେନ୍‌ତାଂ ଜୁଜି ଖାନାତା । ହେଦେଲ୍ ବାଦାଡ଼ତ ଡାବାୟକିଆ ଆଜି ମାଚାଡ଼ ଆରି ତୁବ୍‌ଡ଼ାରାଡ଼ ହେଦେଲ୍‌ତି କାପ୍‌ଡ଼ାତିଂ ହୁରଚି ମାଚାଡ଼ । ହେଦେଲ୍‌ତି ମୁମ୍ ଖେଡ଼ା ଲାକେ ଆରି କାଲ୍‌କୁ ରିଣ୍ଡାଙ୍ଗ ନାଣି ମୁଣ୍ଡାଙ୍ଗ ଲାକେ ଚଞ୍ଜାୟାଜି ମାଚାଡ଼ । ୨ ତା କେଇଦ ର ଜେୟାତି ହିରୁ ପତି ମାଚାଡ଼ । ହେଦେଲ୍‌ତି ଜାର୍ ବୁଜ୍‌ଣି ପାନା ହାମ୍‌ଦୁର୍ ଜପି ଆରି ଡେବ୍‌ରି ପାନା ପୁତ୍ ଜପି ଇଡ଼ଜି ମାଚାଡ଼ । ୩ ସିହିଁ ଗାର୍ଜାନି ଲାକେ ଆଡ଼ବିସ୍ ହେଦେଲ୍ କୁକ୍‌ତାଡ଼, ସମାନ୍ ହେ ଲାକେ ଆଡ଼ବିସ୍ ସାଡ଼ଗଟା ବାଦାଡ଼ିଂ ଇଦେଲ୍ କୁକ୍‌ନି ତାକେ ଉଡ଼ର୍ ହିତିକ୍ । ୪ ତିନି ଇଡ଼ନାକା ହେଞ୍ଜେକ୍ ଇନାକା କାତାବାଡ଼ା ଆତିକ୍, ହେଦାଂ ଆନ୍ ଲେକିକିଦେଂ

ହାଲ୍ଲି ମାଚାଙ୍ଗ, ମାତର ସାଗେତାଂ ରଞ୍ଜାଙ୍ଗ କାଟ୍ ଖେଚାଙ୍ଗ । ହେ କାଟ୍ ନାଂ ଇଞ୍ଚାଡ଼ । “ବାଦାଡ଼୍ ଗାର୍ଜାନ୍ତ ଇନାକା ଖେନାୟା, ହେଦାଂ ଡ଼ୁଚ୍ଚି ଇଟା; ଲେକି କିମା ।”

୫ ତାପାଚେ ଇମ୍ଣି ଦୁଡ଼ତିଂ ହାମ୍‌ଦୁର୍ ଆରି ପୁତ୍ ଜପି ନିଲ୍‌ତାକା ଆନ୍ ହୁଡ଼ି ମାଚାଙ୍ଗ, ହେଦେଲ୍ ତା ବୁଜ୍‌ଣି କେଇ ସାଗେ ନିପ ନିକ୍‌ତାଡ଼, ୬ ଆରି ଇନେନ୍ ସାଗେ, ପୁତ୍, ହାମ୍‌ଦୁର୍ ଆରି ତା ତାରେନ୍‌ନି ସବୁ ବିସ୍ତେ ଉଦ୍‌ଜାୟ୍ କିତାର୍‌ନା ହେ ନିତ୍ରେଜିନାକାନ୍ ଇସ୍‌ବୁଡ଼ି ତରଦ ପାର୍ମାଣ୍ କିଜି ଇଟିକ୍, “ଆରେ କାଡ଼୍ ବିଲମ୍ ଆଡ଼ତ । ୭ ଏଚେକାଡ଼୍‌ଦ ସାଡ଼ ଦୁଡ଼ ମରି ତୁବ୍‌ତାଡ଼, ଇସ୍‌ବୁ ହେଞ୍ଚାନ୍ତି ଆଡ଼ିୟା ବେଶ୍‌ବାକ୍‌ଶାୟ୍‌କିନାକାନ୍‌ତି ଲାଗାଂ ଇମ୍‌ଣି ଡ଼ୁଚ୍ଚି ନେକ୍‌କାବୁର୍ ହପ୍‌ତି ମାଚାନ୍, ହେଦାଂ ଖିହ୍‌ନାନ୍ ।”

୮ ତାପାଚେ ସାଗେନି ହେ କାଟ୍ ନାଂ ଆରେ ଇଞ୍ଚାଡ଼, “ହାଲା, ହାମ୍‌ଦୁର୍ ଆରି ମେଦ୍‌ନି ଜପି ନିଲ୍‌ତିମାନି ଦୁଡ଼କ୍‌ତି କେଇଦାଂ ଜେତାକା ପତି ଅଞ୍ଜା ।”

୯ ଆନ୍ ଦୁଡ଼କ୍‌ତି ଲାଗାୟ୍ ହାଲ୍ଲି ହେ ହିରୁ ତଲ୍ ପତିତିଂ ଏନ୍ନାଙ୍ଗ । ହେଦେଲ୍ ନାଂ ଇଞ୍ଚାଡ଼, “ଅଜି ତିନା । ନି ପଟ୍ କାଜିଂ ଇଦାଂ କେନାକା, ମାତର ନି ମୁମ୍‌ଦ ଇଦାଂ ପୁକି ଲାକେ ହଞ୍ଜାଦ୍ ହଡ଼ନାଡ଼ ।”

୧୦ “ହେବେ ଆନ୍ ଦୁଡ଼କ୍ କେଇଦାଂ ହେ ହିରୁ ପତିଂ ଅଜି ହେଦାଂ ଚିଚାଙ୍ଗ । ହେଦାଂ ନା ଖେଇଦ ପୁକି ଲାକେ ହଞ୍ଜାଦ୍ ଆତାଡ଼, ମତର ଗୁସ୍‌ତି ଦାପ୍‌ପେ ପଟ ବିତ୍ରେ କେସି ହାଚାଡ଼ । ୧୧ ତା ପାଚେ ନାଙ୍ଗ ଇନେନ୍ ନାଂ ଇନ୍‌ଚାର୍, ବେସି ଦେସ୍, ଜାତି, ବାସାନିକାର୍ ଆରି ରାଜାର୍ ବିସ୍ତେ ଇସ୍‌ବୁଡ଼ି କାବୁର୍ ଏନ୍ ହାଲ୍ଲି ଆରେରଗ ସୁଶାୟ୍ କିୟା ।”

୧୧

ରିୟାର୍ ସାକି

୧ ତା ପାଚେ ଇନେନ୍ ରଞ୍ଜାନ୍ ଲାଟ୍‌ନି ବେଡ଼ଗା ଲାଗ୍‌ଦି ର କୁତା ବାଡ଼ଗା ନାଂ ହିଜି ଇଞ୍ଚାନ୍, “ହାଲା, ଇସ୍‌ବୁଡ଼ି ମନ୍ଦିର୍ ଆରି ଗାର୍‌ଶି ଲାଚା ଆରି ମନ୍ଦିରତ ପାର୍ତ୍ତାନା କିନାକାରିଂ ଗାଶା କିୟା । ୨ *ମାତର ମନ୍ଦିରନି ବାର୍‌ତ ମାନି ହାକ୍‌ଡ଼ିତିଂ ଲାଟ୍‌ମାଟ୍ । ଇନେକିଦେଂକି,

☆ ୧୧:୨ ୧୧:୨ ଲୁକ ୨୧:୨୪.

ହେଦାଂ ପାତଂ କିଞ୍ଚି ଜିହୁଦିରିଂ ଦାନ ହିତାରନା । ହେଞ୍ଜାର ରିକଡ଼ି ଦୁଇ ୪୨ ମାସ ପାତେକ୍ ଇ ପୁଇପୁୟା ଗାଡ଼ିଂ ପାନା ତାରେନ୍ କିଜି ଇଟନାର୍ । ୩ ହାରୁ ବାସ୍ତା ଉସପାତାକାର୍ ନା ରିଆର୍ ସାକିରିଂ ଆନ୍ ପକ୍ତାନାଂ । ହେଞ୍ଜାର୍ ୧,୨୬୦ ଦିନ୍ ପାତେକ୍ ବେଶ୍‌ବାକ୍‌ଶାୟକିନାନ୍ ।”

୪ ହେଞ୍ଜାର୍ ପୁତଂ ନି ସାକି ମାପୁତି ମୁମ୍ଦ ନିଲ୍‌ତିମାତି ରିଣ୍ଡି ଜିତମାର୍ ଆରି ରିଣ୍ଡି ବଇଟା ଲାକେ । ୫ ଜଦି ଇନେର୍ ହେଞ୍ଜାର୍‌ତି ବୁତାୟ୍ କିଦେଙ୍ଗ୍ ସେସ୍ତା କିତାର୍, ତେବେ ହେଞ୍ଜାର୍‌ତି ଖେଇଦାଂ ନାଣି ହସି ସାତୁରିଂ ନାସ୍ କିନିକ୍ । ଏଲେଙ୍ଗ୍ ଜେ ଇନେନ୍ ହେଞ୍ଜାର୍‌ତି ବୁତାୟ୍ କିଦେଙ୍ଗ୍ ହନାଡ଼, ହେଞ୍ଜାନ୍ ବୁତାନାନ୍ । ୬ ଇସ୍‌ସ୍‌ରତି କାରୁର୍ ସୁଶାୟ୍ କିନି ଖେଡାଲିଂ ଆକାସ୍‌ତିଂ ମୁନାକିଜି ବାର୍‌ହା ଆଦେଂ ବନ୍ଦ୍ କିଦେଙ୍ଗ୍ କେମ୍‌ତା ହେଞ୍ଜାକ୍‌କାଂ ହିୟାତାନା । ଏସ୍ ଜାରାଣିକାଂ ନେତେରତ ମେହାୟ୍ କିଦେଙ୍ଗ୍ ଆରି ଜାର୍ ଇଟା ଇସାବ୍ରେ ପୁତଂ ତ ବାର୍‌ବାର୍ ମାର୍‌ତି ଉବ୍‌ଜାୟ୍ କିଦେଙ୍ଗ୍ ହେଞ୍ଜାରିଂ ଆଦିକାର୍ ମାନାଡ଼ ।

୭ ✨ହେଞ୍ଜାର୍‌ତି ସାକି ଖିସ୍ତି ପାତେ ପାତାଲ୍ କୁଣ୍ଡାଂ ର ପସୁ ନିଙ୍ଗି ଖାଜି ହେଞ୍ଜାର୍‌ତି ବିରୁଡ଼ତାଂ ଜୁଜ୍ କିନାଡ଼ । ୮ ହେଞ୍ଜାନ୍ ହେଞ୍ଜାକ୍‌କାଂ ଆରାୟ୍ କିଜି ଟୁଶାଡ଼ ଆରି ଇମ୍‌ଣି ଗାଜା ଗାଡ଼ିଂ, ଆମ୍‌କ୍ ବାବ୍ରେ ସଦମ୍ ଆରି ମିସର୍ ଇଞ୍ଜି ଇନ୍‌ମାନାଡ଼, ରାଜାର୍ ହାସ୍‌ଦ ମାପୁ କୁସ୍ ଇଡ଼ିୟା ଆଜି ମାଗାନ୍, ହେବେ ହେଞ୍ଜେକ୍‌ତି ମାଡ଼ା ଆଜିଂ ମାନ୍‌ଗାନାଡ଼ । ହେ ବସ୍ତିତ ସଦମ୍ କି ମିସର୍ ଇଞ୍ଜି ଇନ୍‌ମାନାଡ଼ । ୯ ଖିଜୁ ଦେସ୍, କୁଟୁମ୍, ବାସାକିନାକାର୍ ଆରି ଜାତିର୍ ମାନାୟ୍ ତିନି ଦିନ୍ ଆଦା ପାତେକ୍ ହେ ମାଡ଼ାତିଂ ହୁଡ଼ନାର୍ ଆରି ହେଞ୍ଜାକାଂ ମୁର୍‌ତେଂ କାଜିଂ ପିସ୍ତି ହିଉର୍ । ୧୦ ହେ ରିୟାରିଂ ହାକି କାଜିଂ ପୁତଂ ନି ମାନାୟାର୍ ଖାର୍‌ୟାନାର୍, ସାର୍ଦା ଗିଆଣ୍ କିଜି ହାରି ଲାଗାୟ୍ ଦାନ୍ ପପ୍‌କାନାର୍; ଇନେକିଦେଂକି, ହେ ବେଶ୍‌ବାକ୍‌ଶାୟକିନାର୍ ଲାଗିଂ ପୁତଂ ନିକାର୍ ବେସି ହର୍‌ବର୍ ଆଜି ମାଗାର୍ । ୧୧ ମାତର୍ ତିନି ଦିନ୍ ଆଦା ପାତେ ଇସ୍‌ସ୍‌ରତାଂ ଜିବୁନ୍ ଡ଼ଲୁ ଖାଜି ହେଞ୍ଜାର୍ ଗାଗାଡ଼ତ୍ ହଟାଡ଼ ଆରି ହେଞ୍ଜାର୍ ନିଂଜି ନିଲ୍‌ତାର୍ । ଇମ୍‌ଣାକାର୍ ଇ ଗର୍‌ଶା ହୁଡ଼ଜି ମାଗାର୍, ହେଞ୍ଜାର୍ ପାଣ୍ଡା ଆତାର୍ । ୧୨ ଆରେ, ହେ ରିୟାର୍

✨ ୧୧:୭ ୧୧:୭ ହଡ଼ତି ୧୩:୫-୭; ୧୭:୮.

ବେଶ୍‌ବାକ୍‌ଶାୟକିନାକାର ହେଞ୍ଜାରିଂ ସାଗେତାଂ ଗାଜା କାଟ୍‌ତାଂ ଇ
 କାତା ଇଞ୍ଜିମାନାକା ର କାବୁର୍ ଝେଟାର୍; “ଇବେ ଝାଡ଼” ହେଞ୍ଜାରିତି
 ସାତୁର୍ ହୁଡ଼ ହୁଡ଼ ହୁଡ଼ ହୁଡ଼ ବାଦାଡ଼୍ ବିତ୍ରେ ଆଜି ସାଗେତ ଦୁମ୍‌ତାର ।
 ୧୩ ହେ ସମୁତ ବେସି ମେଦ୍‌ନିଦାଲ୍‌କାତାଡ଼, ଗାଡ଼୍‌ନି ଦସ୍ ବାଗ୍‌ତାଂ ର
 ବାଗ୍ ଦୁଡ଼ିତ ମେହାତାଡ଼, ଆରି ମେଦ୍‌ନିଦାଲ୍‌କାତିଲେ ସାଡ଼ ହାଜାର୍
 ମାନାୟାର ହାତାର । ଜିଜିମାନି ମାନାୟାର ପାଣ୍ଡା ଆଜି ସାଗେନି
 ଇସ୍‌ସତ୍ ସବୁମେଞ୍ଜି ଜାଜ୍‌ମାଲ୍ ଏଦ୍‌ନାୟ କିତାର ।

୧୪ ଜେତି ଦୁକ୍ ଝିସ୍‌ସାଡ଼; ତିନିଗଟା ଦୁକ୍ ବେଗି ଝାନାତା ।

ସାଡ଼ ମରି

୧୫ ସାଡ଼ ଦୁଡ଼ ମରିକାଟ୍ କିତିଲେ ସାଗେ ରାଜିନି ଗାଜା ସବଦ୍
 ଲାହାଞ୍ ଇ ବେଶ୍ ଆତାଡ଼, ଜଗଡ଼ ଜପି ରାଜକିନାକା ମା ମାପୁଡ଼ି ଆରି
 ତା ମସିୟା କେଇଦହାତାକା, ଆରେ ହେଞ୍ଜାନ୍ ଜୁଗ୍ ଜୁଗ୍ ରାଜ୍ କିନାନ୍
 । ୧୬ ହେବେ ଇସ୍‌ସତ୍ ମୁମ୍‌ଦ ଜାର୍ ଜାର୍ ଗାଦିତ କୁଚ୍‌ତି ୨୪ ପ୍ରାତିନାର୍
 ମେଣ୍ଡାକୁଦିକିଜି ଇସ୍‌ସତ୍ ଜଞ୍ଜାର୍ କିଜି ।

୧୭ ଇଚାର୍ ଏ “ମାପୁ, ସବୁତିଂ ସାକ୍ତି କାଟି ଇସ୍‌ସତ୍, ନଞ୍ଜୟ ଆରି
 ପାଚେନିକାୟ ଜେ ଏନେଞ୍,
 ଆପ୍ ନିଞ୍ ଜୁଞ୍ଜାର୍ କିଦ୍‌ନାପା,
 ଇନେକିଦେଂକି ଏନ୍ ଜାର୍ ଗାଜାସାକ୍ତି ଆଜି କିଜି ରାଜ୍ କିନାକା
 ଇଡ଼ତାୟନା ।

୧୮ ପାତ୍ କିଞ୍ଜି ଜିହୁଦିର୍ ନାସ୍‌କି ଆତାଣ୍ଡା;
 ଇନେକିଦେଂକି, ମି ରିସାନି ସମୁ ଏକାଞ୍ଜାତାଡ଼, ହାତାକାର୍ ନଞ୍
 ବିଚାର୍ କିୟାନାର ।

ମି ଆଡ଼ିଏନ୍ ବେଶ୍‌ବାକ୍‌ଶାୟକିନାକାର, ଆରି ଇମ୍‌ଶାକାର୍ ମିଞ୍ଜେଞ୍
 ପାଣ୍ଡା ଆଦ୍‌ନାର୍,
 ଗାଜାହାରୁ ଝିଜାର୍ ପୁଇପୁୟାତାଂ ନିର୍ମଲ୍ ଆନାର୍
 ଆରି ଇମ୍‌ଶାକାର୍ ପୁତ୍‌ତିଂ ନାସ୍ କିତାର୍, ହେଞ୍ଜାର୍ ପା ନାସ୍
 ଆନାର୍ ।”

୧୯ ✨ହେ ଏଚେକାଡ଼ଦ ସାଗେତ ମାନି ଇସ୍ବତ୍ ମନ୍ଦିରତ ମାନି ଦୁଝେର ଜେୟାତାଡ଼ ଆରି ମନ୍ଦିରନି ନିୟମ୍ ସିନ୍ଧୁକ୍ ପେଡ଼ି ମାନାକା ଚଞ୍ଜିୟା ଆତାଡ଼ । ତା ପାଚେ ବିଜ୍ଲି, ଇଡ଼ତାଡ଼, ବାଦାଡ଼ ଗାର୍ଜାନାକା, ମେଦ୍ନିଦାଲ୍ଲାନାକା ଆରି ଗାଜା ଆଞ୍ଜଗା ବାରହା ଆତାଡ଼ ।

୧୨

କଗଲେ ଆରି ରାଡ଼

୧ ଓଁଜୁଝି ଆକାସ୍ତ ର ଗାଜା ଚିନ୍ ଚଞ୍ଜିୟାତାଡ଼; ରଞ୍ଜେଲ୍ କଗଲେ ଲେଞ୍ଜ ଜପି ନିଲ୍ଲତି ମାଚାଡ଼ ଆରି ଝେଡ଼ା ଅଜଡ଼ ଉସ୍ସିସ୍ ମାଚାଡ଼ । ତା କାପଡ଼ାତ ବାରଗଟା ହୁକାଂ ରଚାକା ର ମୁକୁର୍ ମାଚାଡ଼ ।^୨ ହେଦେଲ୍ ଏସ୍ପିସ୍ସି ମାଚାଡ଼ । ଜଲମ୍‌କିନିତ ନନାକା କାଜିଂ ଆଡ଼ବିସ୍ ମାଚାଡ଼ ।

୩ ଆକାସ୍ତ ଆରେ ରଞ୍ଜାଙ୍ଗ୍ ଚିନ୍ ଚଞ୍ଜିୟାତାଡ଼; ହୁଡ଼ାଟ୍, ଗେରୁ ବାନି ରାଡ଼ ଲାକେ ର ବେସିଗାଜା ପାରାଣି, ହେଦେଲ୍ ସାଡ଼ଗଟା କାପଡ଼ାଙ୍ଗ୍, ଦସଗଟା କମଙ୍ଗ୍, ଓଁଜୁ କାପଡ଼ାଙ୍ଗ୍ ର ମୁକୁର୍ ମାଚାଡ଼ ।^୪ ହେଦାଂ ତା ନିଙ୍ଗୁଣ୍ ଆକାସ୍ନି ର ତିନିବାଗ୍ ହୁକାକାଂ ଜେଲ୍‌ଜି ପୁତ୍ ତ ତୁହିତାଡ଼ । କାଡ଼ଦେ ଜଲମ୍ ଆତି ସାଙ୍ଗେ ସାଙ୍ଗେ ହେଞ୍ଜାନିଂ ଚିଞ୍ଜେଙ୍ଗ୍ ଉଦେସ୍ତ ରାଡ଼ ହେ କଗଲେ ଲାଗାଂ ଝାଜି ନିଲ୍‌ତାଡ଼ ।^୫ ସମାନ୍ ସମୁତ କଗଲେ ର ମାଜି ହିମ୍‌ଣା ଜଲମ୍ କିତାଡ଼ । ମାତର ବାଡ଼ଗାତାଂ ଉପକାରତ ଓଁଜାର୍ ଜାତି ଜପି ରାଜ୍ କିନି କାଜିଂ ବାଚିକତି ହେ ମାଜି ସାସ୍ତ ରିସା ଆଜି ଇସ୍ବରତି ଗାଦି ଲାଗାଂ ଅୟାତାନ୍ ।^୬ ଆରେ, ହେ କଗଲେ ବାଗାତ ହନ୍‌ତାଡ଼, ହେବେ ୧,୨୬୦ ଦିନ୍ ପାଚେକ୍ ତା ମାନାକା କାଜିଂ ଇସ୍ବର ବିଦି କିଜି ମାଚାନ୍ ।

୭ ✨ତାପାଚେ ସାଗେତ ଜୁଜ୍ ଆରାମ୍ ଆତାଡ଼, ମିକାୟେଲ୍ ଆରି ତା ଦୁତକ୍ ହେ ଗାଜା ରାଡ଼ ଆରି ତା ହେବାକାରିୟାର୍ ଲାହାଙ୍ଗ୍ ଜୁଜ୍ କିତାର୍ ।^୮ ଜୁଜ୍‌ତ ରାଡ଼ ଆରି ତା ହେବାକାରିୟାର୍ ଆରା ଆତାର୍ ଆରି ହେଞ୍ଜାର୍ ଆରେ ସାଗେତ ବାହା ଗାଟା ଆଓଡ଼ିକ୍ ।^୯ ✨ହେବେ ସବୁ ଜଗତ୍‌ନି ବୁଲ୍‌କାୟକିନି ଦିଆବଲ୍ ଆରି ସୟତାନ୍ ତରଦ ତାକ୍‌ପୁଟା

✨ ୧୧:୧୯ ୧୧:୧୯ ହଡ଼ତି ୮:୫; ୧୭:୧୮; ହଡ଼ତି ୧୭:୨୧. ✨ ୧୨:୭ ୧୨:୭ ଜିହୁଦା ୧:୯.

✨ ୧୨:୯ ୧୨:୯ ଲୁକା ୧୦:୧୮.

ଜେ ଆଗେନି ରାଟ୍, ହେ ପ୍ଲାନି ନାଗ, ହେଞ୍ଜାନ ତା ଦୁତକ୍ ଲାହାଙ୍ଗ୍ ପୁତ୍ ତ ଖାଜି ତୁହ୍ୟାତିକ୍ ।

୧୦ ତା ପାତେ ଆନେଙ୍ଗ୍ ସାଗେତ ଗାଜା କାଟ୍ ର ସବଦ୍ ଖେଟାଙ୍ଗ୍, “ନଙ୍ଗ୍ ଇସ୍ତ୍ ମୁକ୍ତା ଆନାକା ଏକାଞ୍ଜାତାତ୍ । ତା ରାଜା ସାକ୍ତି କାଟାକାନ୍ ଆରି ତା କ୍ରିସ୍ତୁତି କେମ୍ତା ଚାଲାତାତ୍ନା-ଇମ୍ଫାଣି ବୁଲ୍‌କାୟକିନାକା, ଖେଡାନାଣା ଇସ୍ତ୍ରିତି ମୁମ୍ଦ ନିଲ୍‌ତି, ମା ଟଣ୍ଡାଟ୍ ଆରି ତଣ୍ଡେକାଦେର୍ ବିରୁଦ୍‌ତ ମିର୍ ଦାବା କିଜି ମାଟାଟ୍, ହେଞ୍ଜାନିଂ ସାଗେତାଂ ହପ୍ତି ତୁହିତାନ୍ । ୧୧ ଆରେ ହେଞ୍ଜାର୍ ମେଣ୍ଡାହିମ୍‌ଣା ନେତେର୍ ଆରି ଜାର୍ ଜାର୍ ସାକିନି ବଚନ୍ ହୁକେ ତାଙ୍ଗେଙ୍ଗ୍ ଜିତା ଆତାଣ୍ଡା, ଆରି, ହେଞ୍ଜାର୍ ହାକି ପାତେକ୍ ଜାର୍ ଜାର୍ ଜିରୁନ୍ତିଂ ଖାରିନି ରିଆନ୍ କିଞ୍ଜାଦାଂ ମାଟାର୍ । ୧୨ ଲାଗିଂ; ସାଗେ ଆରି ସାଗେନିକାର୍ ଖିଜାଦେର୍ ଖାରି ସାର୍ଦା କିୟାଟ୍ । ମାତର୍ ହାୟ୍, ପୁତ୍ ନି ଜଡିନାଗୁଡ୍, ସବୁ ! ମି ଦସା ଏଚେକ୍ ବଇକାର୍ ! ନଙ୍ଗ୍ ସୟ୍ତାନ୍ ମି ଲାଗାଂ ଆରି ହେଦେଲ୍ ବେସି କମ୍‌ପାତାତ୍, ଇନେକିଦେଂକି ହେଦେଲ୍ ପୁଟାତ୍ନା, ତା କାଡ୍ ପୁରାଜି ଖାନାତା ।”

୧୩ ରାଟ୍ ପୁତ୍ ତ ତୁହିୟାନି କାଜିଂ ହୁଡ଼ଜି ହେ ମାଜିହିମ୍‌ଣାଂ ଜଲ୍‌ମ୍‌କିନାକାଦେଲ୍ କଗଲେଙ୍ଗ୍ ଏକାତାତ୍ । ୧୪ ତା ବିପତ୍‌ତାଂ ରକ୍ୟା ପାୟାନି କାଜିଂ ରାଟ୍ କଗଲେହିମ୍‌ଣାତିଂ ରିଣ୍ଡି ରାମାଣ୍ ପଟିନି ମାରା ହିତାତ୍ । ତା ଉପକାର୍‌ତାଂ ହେଦେଲ୍ ବାଲିବାଟାତ ଜାର୍ ମାନି ବାହାତ ଉମ୍‌ଜି, ହେବେ ତିନି ବାର୍ହୁ ଆଦା ପାତେକ୍ ବିପଦ୍‌ଞ୍ଜାଦାଂ ମାଞ୍ଜେଙ୍ଗ୍ ରାଜି ଆତାତ୍ । ୧୫ ତା ପାତେ କଗଲେହିମ୍‌ଣାତିଂ ଏସୁଙ୍ଗ୍‌ହାନିତ୍ ବଡାୟ୍ କିନି କାଜିଂ ରାଟ୍ ଜାର୍ ଖେଇଦାଂ ତା ପାତେ ପାତେ ର ପୁର୍ ଲାକେ ଏଜୁଙ୍ଗ୍ କାକ୍‌ତାତ୍ । ୧୬ ମାତର୍ ତାଙ୍ଗ୍ ରାକ୍ୟା କିନି କାଜିଂ ପୁତ୍ ଜାର୍ ଖେଇ ଜେସି ରାଟ୍‌ନି ଖେଇଦାଂ ହସି ମାନି ଖିଜୁ ଏଜୁକାଂ ଉଟାତ୍ । ୧୭ ହେବେ ରାଟ୍ କଗଲେ ଜପି ରିସାଜି ତା ଲାତ୍ରା ଇମ୍ଫାଣି ମାନାୟାର୍ ଇସ୍ତ୍ରିତି ବଲ୍ ମାନି କିତାର୍, ଆରି ଜିସ୍ତୁତି ବିସ୍ତେ ସାକି ଦାନ୍ ହିତାର୍ ହେଞ୍ଜାର୍ ଲାହାଂ ଜୁଜ୍ କିନାକା ସାକି ହିନାର୍ । ୧୮ ଆରେ ହେଞ୍ଜାନ ହାମ୍‌ଦୁରନି ବାଲି ଜପି ନିଲ୍‌ତାତ୍ ।

୧୩

ରିଶ୍ମି ପସୁ

୧ ତା ପାଚେ ଆନେଙ୍କ ହୁଡ଼ତାଙ୍କ, ର ପସୁ ହାମ୍ବୁର ବିତ୍ରେତାଂ ନିଙ୍ଗି ଖାନାତା । ହେଦେଲିଂ ଦସ୍‌ଗଟା କମଙ୍କ ଆରି ସାଡ଼ଗଟା କାପଡ଼ାଙ୍କ । ଜାଣକେ କମକାଂ ରଞ୍ଜାଙ୍କ ରଞ୍ଜାଙ୍କ ମୁକୁଟ୍ ମାଗାଡ଼ ଆରି ଜାଣକେ କାପଡ଼ାତ ରଞ୍ଜାଙ୍କ ରଞ୍ଜାଙ୍କ ଇସ୍‌ର ନିନ୍ଦା କିନିକିଂ ବାରବିନି ତର ମାଗାଡ଼ । ୨ ର ପସୁ ବିଜାପଲିଆ ବୁର୍କା ଲାକେ ଚଞ୍ଜି ମାଗାଡ଼ । ତା ପାନା ବାଲୁ ପାନା ଲାକେ ଆରି ଖେଇ ସିହ୍ ଖେଇ ଲାକେ । ଆଗେ ରଚ୍‌ଚି ନେତେର ବାନିନି ଗାଜା ରାଚ୍ ଇ ପସୁତିଂ ଜାର୍ ସାଲି, ଗାଦି ଆରି ବେସି କେମତା ହେଲ୍ୟାୟ କିତାଡ଼ । ୩ ପସୁତି ରଞ୍ଜାଙ୍କ କାପଡ଼ା ଅଲପ୍ ଗାଉ ପାୟାତି ଲାକେ ମାନେ ଆଜି ମାଗାଡ଼ । ମାତର ଆତିଗାଉ ବାହା ଉଜ୍ ଆଜି ମାଗାଡ଼ ଆରି ପୁତ୍ ନିକାର୍ ଝିଜାର୍ କାବାଜି ପସୁ ଦାସ୍‌ତେଂ ଲାଗାତାର୍ । ୪ ଆରେ, ଝିଜୁ ପସୁତିଂ ଆଦିକାର୍ ହିଜି ମାନି ରାଚ୍‌ନି ପୁଜା କିତାର୍ । ହେଝାର୍ ପସୁତିଂ ପା ପୁଜା କିଜି ଇତାର୍, “ଇନେର ଇ ପସୁ ଲାକେ ସମାନ୍ ଆଦେଂ ଆଡ଼ନାର୍ ? ଇନେର ତା ବିରୁଦ୍‌ତ ଜୁଜ୍ କିଦେଙ୍କ ଆଡ଼ନାର୍ ?”

୫ ପସୁ ବାତାୟ କିଜି କାତା ଇଞ୍ଜି ମାଗାଡ଼ ଆରି ଇସ୍‌ର ନିନ୍ଦା କିଜି ମାଗାଡ଼, ଆତିସ୍‌ପା ରିକଡ଼ି ଦୁଇ ୪୨ ମାସ୍ ପାଚେକ୍ ଆଦିକାର୍ କିନି କାଜିଂ ତାଙ୍କ୍ କେମତା ହିତାର୍ । ୬ ଇସ୍‌ରତିଂ ତା ତର ଆରି ମାନି ଇଲ୍ ଆରି ସାଗେନିକାର୍ ଝିଜାରିଂ ହେଝାନ୍ ସାଇପ୍ ହିଜି ନିନ୍ଦା କିଦେଙ୍କ ଲାଗାତାର୍ । ୭ ଜିସୁ ପୁଇପୁୟା ଲକ୍‌କ୍‌ରିଂ ବିରୁଦ୍‌ତ ଜୁଜ୍ କିଜି ହେଝାରିଂ ଆରାୟ୍ କିଦେଙ୍କ୍ ହେଝାନ୍ ଆଦିକାର୍ ପାୟାତାନ୍ ଆରି ଜାଣକେ କୁଟୁମ୍, ରାଜିନି ବାସାବାସି ଆରି ଜାତି ଜପି ତାଙ୍କ୍ କେମତା ହିତାର୍ । ୮ ପୁତ୍ ନି ଉବ୍‌ଜାଣ୍ ଆଗେ ଇମଣାକାର୍‌ତି ତର ଆସ୍ତି ମାତି ମେଣ୍ଡାହିମଣା ଜିବୁନ୍ ପତିତ ଲେକାଜି ମାଗାଡ଼, ହେଝାରିଂ ପିସ୍ତି ପୁତ୍ ନି ବିନ୍ ଝିଜାର୍ ହେ ପସୁତିଂ ପୁଜା କିତାର୍ ।

୯ “ଇନେରିଂ କିଡୁଲ୍ ମାନାଡ଼, ହେଝେନ୍ ଝେନେନ୍ । ୧୦ ଇସ୍‌ରତି ଇନି ଇସାବ୍ରେ ଇନେର ବନ୍ଦି ଆଦେଂ ମାନାଡ଼, ହେଝାନ୍ ହାଡ଼ପା ବନ୍ଦି ଆନାନ୍ । ଇନେର ବିନ୍ କାଣ୍ଡାତାଂ ଅହ୍‌ନାର୍, ହେଝାନ୍ ଜାର୍ କାଣ୍ଡା

ହୁକେ ନେ ହାନାର୍ । ଇ ସମୁତ ପୁଇପୁୟା ଇସ୍ବରତି ମାନାୟାର୍ କାଜିଂ ସାସ୍ ଆରି ପାତର୍ ରବେ ମାନାକା ଲଡ଼ା ।”

^{୧୧} ତା ପାଚେ ଆନେଙ୍ଗ୍ ହୁଡ଼ତାଂ, ଆରେ ରଞ୍ଜାଙ୍ଗ୍ ପସୁତିଂ ମେଦନି ବିତ୍ତେତାଂ ନିଙ୍ଗ୍ଜି ଖାନାକା ହୁଡ଼ତାଂ; ମେଣ୍ଡାହିମ୍ଣା କମ ଲାକେ ତା ରିଣ୍ଡି କମଙ୍ଗ୍ ମାଚିକ୍, ଆରି ହେଦେଲ୍ ଆରେରଗ ରାଚ୍ ଲାକେ କାତା ଇଞ୍ଜି ମାଚାଚ୍ । ^{୧୨} ଇ ରି ପସୁ ପର୍ତ୍ତୁମ୍ ପସୁ ମାଚିଲେ ତା ଆଦିକାର୍ ବେବାର୍ କାଜିଂ ପର୍ତ୍ତୁମ୍ ପସୁନି ହାକି ଗାଉ ଉଜ୍ ଆଜି ମାଚିଲେ ପୁଜାକିନି କାଜିଂ ପୁତର୍ ନିକାରିଂ ଝିଜାରିଂ ଟାଟାୟ୍ କିତାଚ୍ । ^{୧୩} ରି ପସୁ ବେସି କାବାଆନି କାମାୟ୍ ସବୁ ସାଦନ୍ କିନିକ୍ । ଝିଜାର୍ ଝେଇଦ ସାଚେତାଂ ପୁତର୍ ଜପି ନାଣି ବାରହା କିଇକିନାଚ୍ । ^{୧୪} ଆରି ପର୍ତ୍ତୁମ୍ ପସୁନି ମାନିତ ଇ ଲାକେ ବେସି କାବାଆନି କାମାୟ୍ କିଜି ପୁତର୍ ନିକାର୍ ଝିଜାରିଂ ବୁଲ୍‌କାୟ୍ କିଜି । କାଣ୍ଡା ହୁକେ ହାଜି ଦୁମ୍‌ନି ଲାବ୍ କିଜିମାନି ପର୍ତ୍ତୁମ୍ ପସୁ ସମାନତ ତା ର ଡିଗା ରଚ୍‌ନି କାଜିଂ ରି ପସୁ ମାନାୟାରିଂ ବଲ୍ ହିତାଚ୍ । ^{୧୫} ପର୍ତ୍ତୁମ୍ ପସୁତି ଡିଗାତ ପୁଡ଼ଡ଼ା ନେଞ୍ଜେନାକା ହିଜି ତା ଜିବୁନ୍ କିନାକା ରିଣ୍ଡାଙ୍ଗ୍ ପସୁ ପୁଞ୍ଜିମାଚିକ୍ । ଝିଜଝି ଡିଗା କାତା ଇଚାଚ୍ ଆରି ଇମ୍‌ଣାକାର୍ ତା ପୁଜା କିଞ୍ଜାତାର୍, ହେଞ୍ଜାରିଂ ଆରେ କିଦେଙ୍ଗ୍ ଆଡ଼ତାର୍ । ^{୧୬} ଆରେ ହେଦେଲ୍ ହାରୁ ଆରି ଗାଜାକାର୍, କଡ଼କାଆଡ଼ିଏନ୍ କି ଜାର୍‌ତାରେନ୍, ମାଜାନ୍, ହିଲ୍‌ଞ୍ଜାକାର୍ ହାରିହାରା ଝିଜାର୍‌ତି ତିନିକେଇଦ କି ନିଦାଣ୍ଡତ ର ଚିନ୍ ରଚି କିଦେଙ୍ଗ୍ ହେଞ୍ଜାନ୍ ମାନାୟାରିଂ ଟାଟାୟ୍ କିତାଚ୍ । ^{୧୭} ପସୁତି ତର୍ କି ହେ ତର୍‌ନି ଚିନ୍ ର ଲମର୍ ବୁଲ୍ କିଜି ମାନ୍‌ଝି ଇନେର୍ ପଡେଙ୍ଗ୍ କଡ଼ଦେଂ ଆଡୁର୍ ଇଞ୍ଜି ପସୁ ବଲ୍ ହିତାଚ୍ ।

^{୧୮} ଇବେ ଗିଆନ୍ ଲଡ଼ା । ଇନେରିଂ ବୁଦି ମାନାଚ୍, ହେଞ୍ଜାନ୍ ପସୁତି ଲମର୍ ଗାଣା କିଏନ୍, ଇନେକିଦେଂକି ହେଦାଂ ମନାୟତି ଲମର୍, ଆରେ ତା ଲମର୍ ଆନାତା ୨୨୨ ଚ ସହ ଚସଟି ।

୧୪

ମେଣ୍ଡାହିମ୍ଣା ଆରି ତା ପାଚେ ହାନି ମାନାୟାର୍

^୧ *ତାପାଚେ ଆନେଙ୍ଗ୍ ହୁଡ଼ତାଂ; ଆରେ ହୁଡ଼ାଚ୍, ସିୟନ୍ ମାଡ଼ି ଜପି

☆ ୧୪:୧ ୧୪:୧ ହତ୍ତ ୭:୩।

ନିଲତାରନା । ତା ଲାହାଁ ଏକ ଲକ୍ୟ ଚାଲିସ୍ ଚାର ହାଜାର ଜାଣି
 ମାନାୟାର ମାତାର । ୧୪୪,୦୦୦ ହେୱାର ନିଦାଣ୍ଡତ ମେଣ୍ଡାହିମଣା
 ଆରି ଆବାତି ତର ଲେକା ଆଜି ମାତାତ ।^୨ ତା ପାଚେ ଆନ୍ ଖେଚାଙ୍ଗ,
 ଏଜୁଙ୍ଗ ଚାଲାନାକା ଡିଡ଼ନି ଲାକେ ଆରି ସାଗେତାଂ ର କାଟ୍ ଖେଚାଙ୍ଗ
 । ଇମ୍ଣି କାଟ୍ ଆନେଙ୍ଗ ଖେଚାଙ୍ଗ; ହେଦାଂ ଗମଣ୍ ଡ଼ହନାକାରିଂ
 ଗମଣିନି ସବଦ୍ ଲାକେ ଖେନ୍ୟାଜି ମାତାତ ।^୩ ହେ ଲାକେ
 ତୁରାଲିସି ହାଜାର ୧୪୪,୦୦୦ ସାଗେ ଗାଦି, ଚାରିଗଟା ପାରାଣିଙ୍ଗ
 ଆରି ମଣ୍ଡଲିନି ବୁଡ଼ାଲୁର୍ ନେତାର ମୁମଦ ର ପୁନି କେରକଣ କେରଜି
 ମାତାର । ଆରେ ପୁତ୍ରତାଂ କଡ଼ିୟା ଆତାକାର ହେୱାରିଂ ପିସ୍ତି
 ବିନ୍ ଲଗୁ ଇନେର୍ କେରକଣ୍ କେରଦେଂ ଆଡ଼଼ାଦାଂ ମାତାର ।
 ସବୁ ନାର ଜାତି ବିତ୍ରେତାଂ କେବଲ୍ ହେୱାର ମୁକ୍ତାଜି ମାତାର
 ।^୪ ହେୱାର କଗଲେହିମଣା ଲାହାଙ୍ଗ ଜାରତଂ ଇନାଖାଡ଼ାଙ୍ଗ ଦସି
 କିଖାଦାଂ ମାତାର, ହେୱାର ମାତାର ପୁଇପୁୟା । ହେୱାର ନିତ୍ରେ
 ମେଣ୍ଡାହିମଣା ପାଚେ ହାଲ୍ଜି ମାତାର । ହେୱାର ମାନାୟାରତ୍ରଂ
 ବିତ୍ରେତାଂ ପର୍ତ୍ତୁମ୍ ମୁକ୍ତାଜି ଇସ୍ପର ଆରି ମେଣ୍ଡାହିମଣା ଲାଗାଂ ଆକାଡ଼
 ହିତାରନା ।^୫ ହେୱାର ଖାଇଦ ଇମ୍ଣାକା ପା ମିଟ୍ କାତା ହିଲୁଡ଼,
 ହେୱାର ଦସି ଆକାୟ ।

ତିନିଜାଣ୍ ଦୁଡ଼କୁ

^୨ ପାଚେ ଆନେଙ୍ଗ ଆରେ ରଞ୍ଜେଲ୍ ଦୁତଙ୍ଗ ଆକାସ୍ନି
 ମାଦଣିବାଗଦ ଉମନାକା ହୁଡ଼ତାଂ, ହେୱାନ ପୁତ୍ରତ ମାନି ଖିଜୁ
 ଜାତି, କୁଚୁମ୍, ବାସାନିକାର ଆରି ଲାତ୍ରା ମାନାୟାର ଲାଗାଂ ସୁଣାୟ
 କିନି କାଜିଂ ର ଖିଜୁଖିକାଡ଼ନି ନେକ୍ତିକାରୁର୍ ପାୟାଜି ଗାଜା କାଟ୍ତାଂ
 ଇଚାର ।^୩ ହେୱାନ ଗାଜା କାଟ୍ତାଂ ଇଞ୍ଜି ମାଚାନ୍ । “ଇସ୍ପରତିଂ
 ପାଣ୍ଡା ଆଡ ତାଙ୍ଗେଙ୍ଗ ଜାଜମାଲ୍ କିୟାଟ୍, ଇନେକିଦେଂକି ହେୱାରତି
 ବିଚାର ସମୁତ ଏକାଖାତାଡ଼, ଆରେ ଇନେନ୍ ସାଗେ, ପୁତ୍ର, ହାମ୍ଦୁର୍
 ଆରି ହନି ଏସୁଙ୍ଗ ଉବଜାଣ୍ କିତାନନା ତାଙ୍ଗେଙ୍ଗ ଜଖାର କିୟାଟ୍ ।”

^୮ ହେ ପର୍ତ୍ତୁମ୍ ଦୁଡ଼ତି ପାଚେ ପାଚେ ଆରେ ରିଣ୍ଡି ଦୁଡ଼କୁ ଖାଜି
 ଇତିକ୍, “ତାଦି ଖିଜୁଡ଼ି ଖାନାତା । ତାକ୍ପୁଟା ବାବିଲନ୍ ଦୁଡ଼ିମାସତାଡ଼ ।

ହେୱାନ ତା ଜାତିନି ଦାରି କାମାୟ ଲାକେ ଅଜୁର୍ ରାସ୍ ଉର୍ପାତାର୍ଣ୍ଣା, ହେଦେଲ୍ ମୁଞ୍ଜତାଡ୍ ଆଦା ମୁନ୍ୟାତାନନା ।”

୯ ଇ ରି ଦୁଡ୍ କୁ ପାଚେ ଆରେ ରଞ୍ଜେଲ୍ ଦୁଡ୍ ୱାଜି ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାଡ୍, ଜଦି ଇନେର୍ ହେ ପସୁ ଆରି ତା ପୁଡ୍ଡାତିଂ ଜଞ୍ଜାର କିନାନ୍, ଆରେ ଜାର୍ ନିଦାଣତ କି କେଇଦ ତା ତିନ୍ ଇର୍ଯ୍ୟାନାନ୍, ୧୦ ହେୱାନ ଇସ୍ତ ରିସାଲାକେ ଇମ୍ଫାଣି କାଲିଂ ଗାବାୟକିଞ୍ଜିତି ବାବ୍ରେ ତା ରିସାନି କଣ୍ଡିତ ରର୍ଚାରନା, ହେଦାଂ ଉଣାଟ୍ ଆରେ ପୁଇପୁୟା ଦୁଡ୍ କ ଆରି ମେଣ୍ଡାହିମଣା ମୁମ୍ବଦ ନାଣି ଆରି ଗନ୍ଦକ୍ ହୁକେ କସୁ ପାୟା ଆନାଦେର୍ । ୧୧ ଏଲେଙ୍ଗ୍ ମାନାୟାର୍ତି କସୁନି କଦା ଜୁର୍ ଜୁର୍ ନିଙ୍ଗି ମାନାଡ୍; ଇମ୍ଫାଣାକାର୍ ପସୁ ଆରି ତା ପୁଡ୍ଡାତିଂ ଜଞ୍ଜାର କିତାର୍, ଆରେ ତା ତର୍ନି ତିନ୍ ଇଟ୍ୟାନାର୍, ହେୱାର୍ତି ଶ୍ରେତାନାଣା ଜମ୍ନାକା ଆକାୟ ।

୧୨ ଇମ୍ଫାଣାକାର୍ ଇସ୍ତରତି ବଲ୍ ମାନି କିନାର୍ ଆରି ଜିସୁ କାଜିଂ ପାଟ୍ କିଜି, ଇସ୍ତରତି ହେ ପୁଇପୁୟା ମାନାୟାର୍ ପାକ୍ୟାତ ସାସ୍ ମାନାକା ଲଡା ।

୧୩ ତା ପାଚେ ଆନ୍ ଶ୍ରେଚାଙ୍ଗ୍, ସାର୍ଗେତାଂ ଇ କାତା ଶ୍ରେଚାଙ୍ଗ୍, ଇ କାତା ଲେକିକିୟାଟ୍, ଇମ୍ଫାଣାକାର୍ ଏଲେଙ୍ଗ୍ ମାପୁତାକେ ମାନ୍ଞି ହାନାର୍,

ହେୱାର୍ ଦନ୍ୟ; ଆରେ ଆନ୍ ଶ୍ରେଚାଙ୍ଗ୍, ପୁଇପୁୟା ଜିବୁନ୍ ଇନାଡ୍, “ଇଦାଂ ହାଡ୍ପା ଗିଟାତାଡ୍ । କସୁ କାମାୟ ଲାହାଂ ହେବାନି ପାଡ୍ ଲାକେ, ହେୱାର୍ ଜମ୍ନାକା ତିନାଉଣା କିତାର୍ ।”

ତାସ୍ ତ୍ରେସ୍ଜି ତାନାକା

୧୪ ତା ପାଚେ ଆନେଙ୍ଗ୍ ହୁଡ୍ଡାଂ; ଆରେ ହୁଡ୍ଡାଟ୍ ତ୍ରିଞ୍ଜିନି ବାନି ଅଲପ୍ ବାଦାଡ୍, ତା ଜପି ମାନାୟ ମାଜିତି ଲାକେ ରଞ୍ଜାନ୍ କୁର୍ଚାକାନ୍, ହେୱାନ କାପ୍ଡାତ ହନା ମୁକୁର୍ । ଆରି କେଇଦ ତାହ୍ନି କଞ୍ଜେସ୍ । ୧୫ ହେବେ ମନ୍ଦିରତାଂ ଆରେ ରଞ୍ଜାନ୍ ଦୁଡ୍ ହସି ହେ ବାଦାଡ୍ ତାବାୟ କିତି ମାନାୟତିଂ ଗାଜା କାଟ୍ତାଂ ଇତାଡ୍, ନି କଞ୍ଜେସ୍ ଆହି କିଜି ତାସ୍ ତ୍ରେସ୍ଜାଟ୍, ଇନେକିଦେଂକି ତ୍ରେସ୍ନି ସମ୍ପୁ ଏକାଞ୍ଜାତାଡ୍, ଆରେ ପୁଟ୍ ନି ତାସ୍ ହେନ୍ତାତେ । ୧୬ ପାଚେ ହେ ବାଦାଡ୍ ବିତ୍ରେ

ମାନି ମୁଣିକା ପୁତ୍ର ତ ଜାର କଞ୍ଚେସ୍ ଆହି କିତିଲେ ହେବେଣ୍ଡା ତାସ୍
ତ୍ରେଜ୍ଞୟା ଆତାଡ଼ି ।

୧୭ ତା ପାଚେ ଆନ୍ ହୁଡ଼ତା, ଆରେ ରଞ୍ଜେଲ୍ ଦୁଡ଼ ସାଗେ ବାହା
ମନ୍ଦିରତାଂ ଖାନାତା; ତା କେଇଦ ପା ର ଡାହନି କଞ୍ଚେସ୍ ମାଚାଡ଼ ।

୧୮ ତା ପାଚେ ଗାର୍ଣି ନାଣି ଜପି ଆଦିକାର ପାୟାତି ଇନେର
କେଇଦ ଡାହନି କଞ୍ଚେସ୍ ଅଜି ମାନି ରି ଦୁଡ଼ତି କିକିରାତି କିଜି
ଇଚାଡ଼, “ଡାହନି କଞ୍ଚେସ୍ ଆହିକିୟା ଆରି ପୁତ୍ର ନି ଅଜ୍ଞୁରପାଡ଼
ତ୍ରେଜାଡ଼; ହେଖାଙ୍ଗ୍ ହେଡ଼ାତେ ।” ୧୯ ହେବେ ହେ ଦୁଡ଼ ପୁତ୍ର ତ
ଜାର କଞ୍ଚେସ୍ ଆହି କିଜି ହେବେ ଅଜ୍ଞୁର ପାଡ଼ସବୁ ରୁଣ୍ଡାୟ କିତାନ୍
ଆରି ଇସ୍ତ ଚିସାଲାକେ ଗାଜା ଅଜ୍ଞୁରକୁଣ୍ଡିତ ହେ ସବୁ ତୁହିତାଡ଼
। ୨୦ ଗାଡ଼ନି ବାରତ ମାନି ହେ ଅଜ୍ଞୁରକୁଣ୍ଡିତ କୁସ୍ପିଆତାଡ଼, ଆରେ
ହେବେତାଂ ନେତେର ହସି ଗଡ଼ାଙ୍ଗ୍ ବାକାର ପାତେକ୍ ରି ମିଚେର
ନିଙ୍ଗ୍ଜି ତିନ୍ଦସ ୩୦୦ କିଲମିଚେର ପାତେକ୍ ମେଙ୍ଗ୍ତାଡ଼ ।

୧୫

ହାରିହାରାନି ଦୁକ୍ତଦୁକା ସାଡ଼ ଦୁଡ଼

୧ ଇଦାଂ ପାଚେ ଆନ୍ ଆକାସ୍ତ ଆରେ ର ଗାଜା କାବାନି ତିନ୍
ହୁଡ଼ତାଂ; ସାଡ଼ ଜାଣ୍ ସାଗେ ଦୁଡ଼କୁ, ଜାଣ୍କେ ର ର ଦୁକ୍ତଦୁକାଂ ଆଜି
ତଞ୍ଚାର । ଇ ଦୁକ୍ତଦୁକାଂ ମାଚାଡ଼, ଇସ୍ତ ଚିସା ଝିସ୍ତାଡ଼ ।

୨ ଆରେ ଆନ୍ ହୁଡ଼ତାଂ, ନାଣିମେହା ର କାଡ଼ ଲାକେ ହାମ୍ଦୁର,
ଆରେ ଇମ୍ଣାକାର ପସୁ, ତା ପୁଡ଼ତା ଆରି ତା ତରନି ଲମାର ଜପି
ଜିତା ଆତାଣ୍ଡା, ହେଖାର ଇସ୍ତ ଗମଣ୍ ଆସ୍ତି, ହେ କାଡ଼ବାତ
ହାମ୍ଦୁର ଗୁଚିତ ନିଲ୍ତାନ୍ନା । ୩ ହେଖାର ଇସ୍ତ ହିଜି ମାନି ଗମଣ୍
ଇଡ଼ଜି ଇସ୍ତ ଆଡ଼ିଏନ୍ ମସାତି କେରକଣ୍ ଆରି ମେଣ୍ଡାହିମ୍ଣାତି
କେରକଣ୍ କେରଜି ମାଚାର ।

“ଏ ମାପୁ, ଝିଜୁ ସାଲ୍ଲିକାଟି ଇସ୍ତର,
ମି କାମାୟ୍ ସବୁ ଗାଜା ଆରି କାବାଆନାକା;
ଏ ଜାତି ସବୁନି ରାଜା, ମିହାଜି ଝିଜୁ ନ୍ୟାୟ୍ ଆରି ହାଡ଼ପା ।
୪ ଏ ମାପୁ, ଇନେର ନିଙ୍ଗେଙ୍ଗ୍ ପାଣ୍ଡା ଆଦୁର ?
ନି ଜାଜ୍ମାଲ୍ ସୁଣାୟ୍ କିଦେଙ୍ଗ୍ ଇନେର ମାନି କିଡ଼ର ?

କେବଳ ଏନ୍ ନେ ପୁଇପୁୟା
 ଝିକୁ ଜାତି ଖାଜି ନି ପୁଜା କିଦନାର ।
 ଲାଗିଂ ନି ବିଦି କାମାୟ ଝିଜାର ହୁଡ଼ତାରନା ।”

୫ ଇଦାଂ ପାଚେ ଆନ୍ ହୁଡ଼ତାଂ, ସାର୍ଗେନି ସାକି ତୁମ୍ନି ମନ୍ଦିରନି ଦୁଝେର ଜେୟା ଆତାଡ଼ । ୬ ସାଡ଼ ଦୁକ୍‌ଦୁକା ଆସ୍ତି ମାନି ସାଡ଼ ଦୁତକ୍ ସାର୍ଗେ ମନ୍ଦିର ବିତ୍ରେତାଂ ହସି ଖାତିକ୍, ହେଝେକ୍ ସକଟ୍ ଡ଼ିଞ୍ଜିନି ହେୟା ଆରି ହେଝେକ୍ ନେଞ୍ଜେତାକିତ ହନା ତଲ୍ ଡ଼ରି ଗାଟ୍‌ୟା ଆଜି ମାଟିକ୍ । ୭ ହେବେ ଚାରି ପାରାଣିଂ ବିତ୍ରେ ର ପସୁ ଝିଜୁଝି ଜିନି ଇସ୍‌ତ ଟାକ୍ତିତାଂ ବାତ ଯାଡ଼ ହନା କଣ୍ଡି ହେ ସାଡ଼ ଦୁତକ୍‌କାଂ ହିତାଡ଼ । ୮ ଆରେ ଇସ୍‌ତ୍‌ତି ଜାଜମାଲ୍ ଆରି ସାକ୍ତିନି କଦାତ ମନ୍ଦିର ବାତ ଆତାଡ଼, ସାଡ଼ ଦୁତକ୍ ସାଡ଼ ଦୁକ୍ ଝିଜୁଝି ପାତେକ୍ ଇନେର ମନ୍ଦିରତ ହଣ୍ଡେକ୍ ଆଡ଼ଝାତାର ।

୧୬

ଇସ୍‌ତ ଚିସାତ ବାତ ଯାଡ଼ ବାହା

୧ ଇଦାଂ ପାଚେ ଆନ୍ ର ଗାଜା କାଟ୍ ଝେଚାକ୍, ମନ୍ଦିରତାଂ ଇନେର ରଝାନ୍ କିକିରାତିଂ ଆଜି ହେ ସାଡ଼ ଦୁତ୍‌ତିଂ ଇଟିକ୍, “ହାଲାଟ୍ ସାଡ଼ କଣ୍ଡି ମାନି ଇସ୍‌ତ୍‌ତି ଚିସା ପୁତ ଜପି ଝାକାଟ୍ ।

୨ ଇଦାଂ ଝେନଞ୍ଜି ପର୍ତୁମ୍ ଦୁଡ଼ ହାଲ୍‌ଜି ତା କଣ୍ଡିତ ଇନାକା ମାନାଡ଼, ପୁତ ଜପି ଝାକ୍‌ତାଡ଼ । ସାଙ୍ଗେ ସାଙ୍ଗେ ଇମ୍‌ଣାକାର ପସୁନି ଚିନ୍ ଇଡ଼ୟାଜି ମାଚାର ଆରି ତା ପୁଡ଼ତାତିଂ ପୁଜା କିଜି ମାଚାର, ହେଝାଟ୍‌ତି ଗାଗାଡ଼ତ ବେସି କସୁନିକା ଗାଝ୍ ଆତାଡ଼ ।

୩ ତା ପାଚେ ଜେତି ଦୁଡ଼ ତା କଣ୍ଡିତିଂ ହାମ୍‌ଦୁର ଜପି ଝାକ୍‌ତାଡ଼ । ହାମ୍‌ଦୁର ଏଜୁକ୍ ହାତି ମାନାୟତି ନେତେର ଲାକେ ଆତାଡ଼ ଆରି ହାମ୍‌ଦୁରନି ଝିକୁ ପାରାଣିକ୍ ହାତିକ୍ ।”

୪ ତା ପାଚେ ତିନ୍ ଦୁଡ଼ତି କଣ୍ଡିତ ଇନାକା ମାଚାଡ଼, ହେଦାଂ ହେଦେଲ୍ ନାଗୁଡ଼ ଆରି ଜଡ଼ିଂ ଜପି ଝାକ୍‌ତାଡ଼; ହେବେ ହେଦାଂ ଝିକୁ ନେତେର ଆଜି ହାଚାଡ଼ । ୫ ଏଚେକାଡ଼୍‌ଦ୍ ଆନ୍ ଝେଚାକ୍, ଏସ୍ ଦାୟିତ୍‌ତ ମାନି ଦୁଡ଼ ଇନାତା । “ଏପେକ୍ ପୁଇପୁୟା, ଏପେକ୍ ଆରି

ଆଗେନିକା; ଏପେଙ୍ଗ ସମାନ ବିଚାର କିତାଦେଣ୍ଟି । ^୭ ଲାଗିଂ ହେଝାର୍ ପୁଇପୁୟା ସାଦୁରତି ଆରି ବେଣ୍ଟବାକ୍‌ଶାୟକିନାକରତି ନେତେର୍ ହପ୍ତି ମାଚାର୍, ଆରେ ଏପ୍ ହେଝାରିଂ ଉଣି କାଜିଂ ନେତେର୍ ହିତାଦେର୍ନା, ହେଝାର୍ କାମାୟନି ପାଡ୍ ପାୟାତାଣ୍ଟି ।” ^୭ ତା ପାଚେ ଆନ୍ ଗାରଣିତାଂ ର କାଟ୍ ଝେଚାଙ୍ଗ୍, “ମାପୁ, ଝିନ୍ତୁ ସାଲ୍ଲିମାନି ଇସ୍‌ସର୍, ନି ଝିନ୍ତୁ ବିଚାଣ୍ଟି ହାଡ୍‌ପା ଆରି ନ୍ୟାୟନିକା ।”

୮ ତା ପାଚେ ଚାର୍ ଦୁଡ୍ ତା କଣ୍ଡିତ ମାନି ଜିନିସ୍ ଝେଡ଼ା ଜପି ଝାକ୍‌ତାଡ୍; ହେବେ ତାଙ୍ଗେଙ୍ଗ୍ ମାନାୟାରିଂ ନାଣିତ କାଡିକିଦେଂ ସାଲ୍ଲି ହିୟାତାଡ୍ । ^୯ ହେପାଦ୍‌ନା ମାନାୟାର୍ ବେସି କାରାତ କାଡ୍‌ତାର୍, ଆରେ ଇନେର୍ ଇସ୍‌ସର୍ତି ଇ ଝିନ୍ତୁ ଦୁକ୍ ଜପି ଆଦିକାର୍ ମାନାଡ୍, ହେଝାନ୍ତି ତର୍ଦ ନିୟା କିତାର୍, ହେଝାନିଂ ଜାଜ୍‌ମାଲ୍ ହିନି କାଜିଂ ମାନ୍‌ବାଦ୍‌ଲାୟ କିଝାତାର୍ ।

^{୧୦} “ତା ପାଚେ ପାଞ୍ଚ ଦୁଡ୍ ଜାର୍ କଣ୍ଡିତିଂ ପସୁନି ଗାଦି ଜପି ଝାକ୍‌ତାଡ୍; ପସୁତି ରାଜି ମାଜ୍‌ଗା ଆତାଡ୍, ଆରେ ମାନାୟାର୍ ନନି କାଜିଂ ଜାର୍ ଜାର୍ ଝେୟୁଲ୍ କାପ୍‌ତେଂ ଲାଗାତାର୍; ^{୧୧} ହେଝାର୍‌ତି ଗାଗାଡ୍‌ନି ଗାଅକୁ କାଜିଂ ଆରି ନନାକା କାଜିଂ ସାଗେନି ଇସ୍‌ସର୍ତିଂ ନିୟା କିତାର୍ । ମାତର୍ ଜାର୍ ବାନ୍‌ସାହାଜିତିଂ ମାନ୍‌ବାଦ୍‌ଲାୟ କିଝାତାର୍ ।

^{୧୨} ଚଅ ଦୁଡ୍ ବେସିଗାଜା ଯୁପ୍ରେଟିସ୍ ଜପି ତା କଣ୍ଡିତ ପରାଡ୍‌ତ ଝାକ୍‌ତାଡ୍ । ସାଙ୍ଗେ ସାଙ୍ଗେ ନାଗୁଡ୍ ନିଗ୍‌ଜି ହାଚାଡ୍ ଆରି ଝେଡ଼ାହନିପଣ୍ଟାଂ ସତୁ ରାଜାର୍‌ତି ଝାନାକା କାଜିଂ ହାଜି ଜେୟାତାଡ୍ ।

^{୧୩} ତା ପାଚେ ଆନେଙ୍ଗ୍ ହୁଡ୍‌ତାଂ, ରାଚ୍‌ନି ଝେଇଦାଂ, ପସୁ ଝେଇଦାଂ ଆରି ଚାକ୍ରାୟ ବେଣ୍ଟବାକ୍‌ଶାୟକିନାକାନ୍ ଝେଇଦାଂ ପାଣା ଲାକେ ତିନିଗଟା ପୁଇପୁୟାଆଝିତି ଜିବୁନିଂ ହତିକ୍; ^{୧୪} ଇଝାଙ୍ଗ୍ ପୁଦାଂ ଜିବୁନ୍ ଆଜି କାବାନି କାମାୟ କିଜି ସାଦନ୍ କିଦେଙ୍ଗ୍ ଆଡ୍‌ନିକ୍ । ହେଝେକ୍ ଝିନ୍ତୁ ସାଲ୍ଲିକାଟି ଇସ୍‌ତ ଗାଜା ଦିନ୍‌ନି ଜୁଜ୍ କାଜିଂ ସବୁ ପୁଡ୍‌ନି ରାଜାରିଂ ରୁଣ୍ଡାୟ କିନି କାଜିଂ ହେଝାର୍ ଲାଗାଂ ହସି ଝାଡିକ୍ ।”

^{୧୫} ☆ “ହୁଡ଼ାଟ୍ ଆନ୍ ଚର୍ ଲାକେ ଝାନାଙ୍ଗ୍ । ଇମ୍‌ଣି ମାନାୟ ଜାଗ୍ରତ୍ ମାନ୍‌ଜି ଜାର୍ ହେୟା ରାକ୍ୟା କିନାନ୍, ହେଝେନ୍ ଦନ୍‌ସ । ନାଗ୍‌ଡା ଆଜି

☆ ୧୭:୧୫ ୧୭:୧୫ ମାଡିଉ ୨୪:୪୩,୪୪; ଲୁକ ୧୨:୩୯,୪୦; ହଡ଼ତି ୩:୩.

ବୁଲୀଆଉନ୍, ଆରି ମାନାୟାର ତା ଲାଜୁ ହୁଡ଼ରୁର ।”

୧୭ ବୁଡ଼କୁ ସମାନ ସମୂତ ପୁତ୍ ନି ରାଜାରିଂ ଇମ୍ମଣି ଜୁଜ୍ ହିକାନି ବାହାତ ରବେ ରୁଣ୍ଡାୟ କିତାତାର, ଏହି ବାସାତ ତା ତର୍ ହର୍ମି ଗିଜନ୍ ।

୧୭ ତା ପାଚେ ସାତ ଦୁଡ଼ ତା କଣ୍ଟିନି ଆସ୍ତିବାଡ଼ି ଆକାସ୍ତ ଖାକ୍ତାତ୍; ହେବେ ମନ୍ଦିରତ ମାନି ଗାଦିତାଂ ଗାଜା କାଟ୍ତାଂ ର ବେରଣ୍ ଖେନ୍ୟାତାତ୍ । “କାମାୟ୍ ଖିସ୍ତାତ୍ ।” ୧୮ ☆ହେ ଦାପ୍ତେ ବିଜ୍ଜିଲି ଇଡ଼ତାତ୍, ବିଞ୍ଜିଇଡ଼ନାକା ଆରି ର ଗାଜା ମେଦ୍ନିଦାଲ୍ଲକା ଆତାତ୍; ପୁତ୍ ତ ମାନାୟାର ଉଦ୍ଜା ଆନି ସମୂତାଂ ଏଲେଜ୍ ବଇଁକାର୍ ମେଦ୍ନିଦାଲ୍ଲକାନାକା ଆରେ ଇନାଖାଡ଼ାଜ୍ ଆଖାଦାଂ ମାତାତ୍ । ୧୯ ଗାଜା ଗାଡ଼୍ ତିନ୍ ବାଗ୍ତ ବାଗ୍ ଆତାତ୍, ପୁତ୍ ନି ସବୁ ଜାତି ଗାଡ଼୍ ନାସ୍ ଆତାତ୍ । ଇସ୍ପୁର ଗାଜା ଗାଡ଼୍ ବାବିଲନ୍ତିଂ ବାଣାଖାଦାଂ ମାତାନ୍ । ହେଖାନ୍ ତା ଉଣିବାହା ବେସି ରିସା ଲାକେ କାଲିଂ ତାଜ୍ ଉଡ଼ପାତାର । ୨୦ ☆ଏସ୍କୁପଲି ସବୁ ହୁଡ଼ିୟା ଆଖାତାତ୍, ଆରି ମାଡ଼ିଂ ଆରେ ଚଞ୍ଜିଞ୍ଜିତିକ୍ । ୨୧ ☆ପଚାସ୍ କେଜି ୫୦ କେଜି ବଜ୍ ବେସିଗାଜା ଆଞ୍ଜିଗା ଆକାସ୍ତାଂ ମାନାୟାର ଜପି ଆର୍ତିକ୍, ମାନାୟାର ଇ ଗାଜା ପର୍ମାଦ୍ ଲାଗିଂ ଇସ୍ପୁରତିଂ ନିନ୍ଦା କିତାର୍ ।

୧୭

ଗାଜା ଦାରି

୧ ତା ପାଚେ ସାତଗଟା କଣ୍ଟିଆସ୍ତି ସାତ ଦୁଡ଼କ୍ ବିଡ୍ରେତାଂ ରଞ୍ଜେଲ୍ ନା ଲାଗାଂ ଖାଜି ଇଞ୍ଜାତ୍, ଖା, ବେସି ନାଗୁଡ଼୍ ଲାଗାଂ ରଡ଼ତି ଦାରି ଲାଗ୍ଦି ହେ ଗାଜା ଗାଡ଼୍ ଇନେସ୍ ତାଣ୍ ପାୟାନାତ୍, ହେଦାଂ ଚର୍ଚାନାଜ୍ । ୨ ପୁତ୍ ନି ରାଜାର୍ ହେ ଦାରି ଲାହାଂ ଦାରିକିତାର୍ନା ଆରି ପୁତ୍ ତ ମାନାକାର୍ ଇନେର୍ ପାପ୍ ଲାକେ କାଲିଂ ଉଣ୍ଜି ହର୍ଚାଣ୍ଣା ।

୩ ☆ହେପାଦନା ପୁଇପୁୟା ଜିବୁନ୍ ନା ତାକେ କୁର୍ଚାତ୍ ଆରି ହେ ଦୁଡ଼ ନାଜ୍ ର ବାଟା ବିଡ୍ରେ ଅସିହାନ୍ଞିଲେ, ଆନ୍ ରଞ୍ଜେଲ୍

☆ ୧୭:୧୮ ୧୭:୧୮ ହଡ଼ତି ୮:୫; ୧୧:୧୩,୧୯. ☆ ୧୭:୨୦ ୧୭:୨୦ ହଡ଼ତି ୬:୧୪.
☆ ୧୭:୨୧ ୧୭:୨୧ ହଡ଼ତି ୧୧:୧୯. ☆ ୧୭:୩ ୧୭:୩ ହଡ଼ତି ୧୩:୧.

କଗ୍ଲେହିମ୍‌ଶାତିଂ ର ଗେରୁ ବାନି ପସୁ ଜପି କୁଚ୍ଚି ମାନାକା ହୁଡ଼ତାଂ, ହେ ପସୁନି ସବୁ ଇସ୍‌ବର ନିନ୍ଦା କିନି ତରଦ ବାତ୍, ଆରେ ତାଦାଙ୍ଗ୍ ସାତ୍ କାପଡ଼ାଙ୍ଗ୍ ଆରି ଦସ୍‌ଗଟା କମଙ୍ଗ୍ ।^୪ କଗ୍ଲେହିମ୍‌ଶା ଖାଙ୍ଗାବାନି ଆରି ଗେରୁ କାର୍ହା ବାନି ହେନ୍ଦ୍ରା ଉସ୍‌ପାତାଡ଼ନା, ଆରେ ହନା ବେସି ମଲ୍ ମଣି ଆରି ମୁଲ୍ଲାତ ରଞ୍ଜାଡ଼ନା; ତା କେଇଦ ରଞ୍ଜାଙ୍ଗ୍ ହନା ବାହା, ହେଦାଂ ଗିଣ୍ ଆଡ଼ମାଡ଼୍ ଆରି ତା ଦାରି ଲାକେ ରାଡ଼ା କାମାୟ୍‌ତ ବାତ୍; ^୫ ତା ନିଦାଶ୍‌ତ ଇ ଡ଼କୁଚି ତର୍ ଲେକା ଆଜି ମାଚାଡ଼, ଗାଜା ଗାଡ଼୍ ବାବିଲନ୍, ପୁର୍ତ୍ତିନି ଝିଲ୍ଲୁ ଦାରି ଆରି ଗିଣ୍ ବିସ୍ତେନି କଗ୍ଲେ । ^୬ ଆନ୍ ଆରେ ହୁଡ଼ତାଂ, ହେ କଗ୍ଲେହିମ୍‌ଶାତିଂ ପୁଲ୍‌ପୁୟା ସାଦୁରତି ଆରି ଜିସୁତି ସାକିର୍ କାଜିଂ ପାତ୍ କିନାକାନ୍ ମାନ୍‌ଜି ହାଜି ମାନି ମାନାୟାର୍‌ତି ନେତେର୍ ଉଣ୍‌ଜି ହଜ୍‌ଜି ମାଚାଡ଼ ।

ତାଙ୍ଗେଙ୍ଗ୍ ହୁଡ଼ଜି ଆନ୍ କାବା ଆତାଙ୍ଗ୍ । ^୭ ହେବେଣ୍ଡାଂ ଦୁଡ଼ ଇଚାଡ଼ । “ଇନେକିଦେଂ କାବା ଆତାୟ୍ ? ହେ କଗ୍ଲେହିମ୍‌ଶାତି ଆରି ସାତ୍ କାପଡ଼ାଙ୍ଗ୍ ଆରି ଦସ୍‌ଗଟା କମଙ୍ଗ୍‌ଲାର୍‌ଦି ଇମ୍‌ଣି ପସୁ, ତା, ଡ଼କୁଚି ବିତ୍ରେ ନନାଡ଼ ଆନ୍ ଇଞ୍ଜନାଙ୍ଗା ଝେନାଡ଼ ! ।^୮ ହେଦାଂ ଇମ୍‌ଣି ପସୁ ଦିନେକ୍ ଜିଜି ମାଚାଡ଼; ନଙ୍ଗ୍‌ୟ ଆରେ ଜିଝାତାଡ଼ନା, ହେଦାଂ ପାତାଲ୍ କୁଣ୍ଡତାଂ ନିଙ୍ଗ୍‌ଜି ନସ୍‌ଆନାଡ଼ । ହେବେ ପୁର୍ତ୍ତିତ ମାନାକାର୍ ଏଚେକ୍ ମାନାୟାର୍ ତର୍ ଜଗଡ଼ନି ଆରାମ୍‌ତାଂ ଜିବୁନ୍ ପତିତ ଲେକାଆଝାତାଡ଼ନା, ହେଝାର୍ ଏଚେକାଡ଼ଦ ହେ ପସୁତିଂ ହୁଡ଼ନାର୍ ଜେ ହେଦାଂ ମାଚାଡ଼, ନଙ୍ଗ୍‌ୟ ଆକାୟ୍ ଆରି ପାଚେ ଝାନାଡ଼, ହେ ଏଚେକାଡ଼ଦ ହେଝାର୍ କାବା ଆନାର୍ ।

^୯ ଇ ସବୁ ବିସ୍ତେ ବୁଜାନି କାଜିଂ ମାନ୍ ଲଡ଼ା । ପସୁତି ସାତ୍‌ଗଟା କାପଡ଼ାଙ୍ଗ୍ ହାତେନେ ସାତ୍‌ଗଟା ମାଡ଼ିଂ ଇମ୍‌ଣି ଜପି କଗ୍ଲେହିମ୍‌ଶା କୁଚ୍ଚାଡ଼ନା । ହେଝାଙ୍ଗ୍ ପା ସାତ୍‌ଗଟା ରାଜାର୍‌ତି ତିନ୍ ଲାକେ । ^{୧୦} ହେ ସାତ୍ କାପଡ଼ା ସାତ୍ ରାଜାରିଂ ବୁଜା ଆନାଡ଼, ହେଝାର୍ ବିତ୍ରେତାଂ ପାଞ୍ଜିଜାଣ୍ଡି ଝିସ୍ତାରେ । ରଝାନ୍ ନଙ୍ଗ୍ ରାଜ୍ କିନାନା, ବିନ୍ ରଝାନ୍ ନଙ୍ଗ୍‌ୟ ପାଚେକ୍ ଝାଉନେ । ହେଝାନ୍ ଝାଜି ଅଲ୍‌ପ୍ ସମ୍‌ପାଚେକ୍ ରାଜ୍ କିନାନ୍ । ^{୧୧} ଆରେ ଇମ୍‌ଣି ପସୁ ଦିନେକ୍ ଜିଜି ମାଚାଡ଼ ଆରେ ନଙ୍ଗ୍‌ୟ

☆ ୧୭:୮ ୧୭:୮ ହତ୍ତ ୧୧:୭.

ହିଲୁଡ଼, ହେୱାନ ଆବ୍‌ଜାଣ୍ ରାଜା ହେୱାନ ହେ ସାଡ଼ଜାଣ୍ ରାଜାର ବିଦ୍ରେତାଂ ରୱାନ, ଆରେ ହେୱାନ ନସ୍‌ଆନାନ ।”

୧୨ “ଏପେଙ୍ଗ ହୁଡ଼ଜି ମାନି ଦସ୍ କମଙ୍ଗ ହୁଡ଼ତାଦେର୍, ହେ ସବୁ ଦସ୍ ରାଜାରିଂ ବୁଜାନାଡ଼; ହେୱାର୍ ଇ ପାତେକ୍ ରାଜି ପାୟାଆଖାତାର୍‌ନା, ମାତର ପସୁ ଲାହାଙ୍ଗ୍ ର ଗଣ୍ଡା ପାତେକ୍ ରାଜାର ଲାକେ ଆଦିକାର୍ ପାୟାନାର୍ । ୧୩ ଇ ଦସ୍ ଜାଣ୍ ରାଜାର୍‌ତି ଉଦେସ୍ ଏକ୍ । ହେୱାର୍ ଜାର୍‌ତି ଓଜୁ ସାଲ୍ଲି ଆରି କେମ୍‌ତା ପସୁତିଂ ହେଲାଇ କିତାର୍ । ୧୪ ହେୱାର୍ ମେଣ୍ଡାହିମ୍‌ଣା ବିରୁଦ୍‌ତ ଜୁନ୍ କିତାର୍, ଆରେ ମେଣ୍ଡାହିମ୍‌ଣା ହେୱାରିଂ ଜିତା ଆନାଡ଼, ଇନେକିଦେଂକି ହେୱାନ ମାପୁତି ମାପୁ ଆରି ରାଜାର୍‌ତି ରାଜା ଆରେ ଇମ୍‌ଣାକାର୍ ହେୱାନ ଲାହାଂ ମାନାର୍, ହେୱାର୍ କୁକ୍ୟାତାକାର୍, ବାଟିକିୟାତାକାର୍, ଆରି ପାତ୍‌ନିକାର୍ ମାନାୟାର୍ ପା ଜିଣା ଆନାର୍ । ଇନେକିଦେଂକି ହେୱାନ ମାପୁର୍‌ତି ମାପୁ ଆରି ରାଜାତାଂ ରାଜା ।”

୧୫ ଦୁଡ଼ ନାଙ୍ଗ୍ ଆରେ ଇନ୍‌ତାଡ଼, “ଏପେଙ୍ଗ ଇମ୍‌ଣି ଏଜୁଙ୍ଗ୍ ଲାଗାଂ ଏପେଙ୍ଗ ଦାରିକ୍ କୁର୍‌ତି ମାନାକା ହୁଡ଼ତାଦେର୍, ହେ ଏଜୁଙ୍ଗ୍ ବାରବିନି ଲାଡ଼ା, ମାନାୟାର୍, ଜାତିର୍ ଆରି ବାସାକିନାକାରିଂ ବୁଜାନାଡ଼ । ୧୬ ଏପେଙ୍ଗ ହୁଡ଼ଜି ମାନି ସାଡ଼ଗଟା କମଙ୍ଗ୍ ଆରି ହେ ପସୁ, ଦାରିଂ ଗିଣ୍ କିନିକ୍; ହେୱାର୍ ତାକେଣ୍ଡା ତା ଓଜୁ କ୍ଳିସି ଅଜି ତାଙ୍ଗ୍ ନାଗଡ଼ା କିଜି ପିହ୍‌ନିକ୍ । ଆରେ ତା ଜେଇ ତିନିକ୍ ଆରି ତାଙ୍ଗେଙ୍ଗ୍ ନାଣିତ ଦେହ୍‌ନିକ୍; ୧୭ ଇନେକିଦେଂକି ଇସ୍‌ତ୍ ଜାର୍ ଉଦେସ୍‌ତ ସାଦନ୍ କିନି କାଜିଂ ହେୱାରିଂ ଇ କାତା ଚେଡ଼ନା ହିତାନ୍ନା । ଆରି ଇସ୍‌ରତି ବଚନ୍ ଏଚେକାଡ଼୍‌ଦ ପୁରା ଆଉଡ଼, ହେ ପାତେକ୍ ରାଜି ସାସନ୍ ବଜ୍ ହେୱାରିଂ ମାନ୍ତ ପସୁ କେଇଦ ପିସ୍ତି ହିନାର୍ ।”

୧୮ “ଏପେଙ୍ଗ ଇମ୍‌ଣି କଗ୍‌ଲେହିମ୍‌ଣାତିଂ ହୁଡ଼ତାଦେର୍, ହେଦେଲ୍ ଆନାତା, ଇ ପୁର୍‌ତି ରାଜାର୍ ରାଜି ଜପି ରାଜ୍ କିଜି ମାନି ହେ ଗାଜାଗାଡ଼ ।”

୧୮

ବାବିଲ୍ ବୁତାତାକା

୧ ତା ପାଚେ ଆନ୍ ଆରେ ରଞ୍ଜେଲ୍ ଦୁଡ଼ତିଂ ସାଗେତାଂ ଜୁଜି ଖାନାକା ହୁଡ଼ତାଂ; ହେଦେଲ୍ ବେସି ଆଦିକାର୍ ମାଚାଡ଼, ତା ପାଣତ ପୁତ୍ ଅଜଡ଼ ଆଜି ହାଚାଡ଼ ।^୨ ହେଦେଲ୍ ଗାଜା କାଚ୍ତାଂ ଇଚାଡ଼, “ଗାଜା ଗାଡ଼ ବାବିଲନ୍ ଦୁଡ଼ିମାସ୍ତାଡ଼ ! ଆଦା ମୁନ୍ଚାଡ଼ନା, ହେଦାଂ ବୁଡ଼କୁ ବାହା ଆରେ, ବାନ୍ୟା ପୁଦାଂ ଆରି ରାଡ଼ା ଆରି ଗିଣ୍ ପଟିଂତି ଆରି ପସୁ ଜମ୍ନିବାହା ଆତାଡ଼ନା ।^୩ ଇନେକିଦେଂକି ହେଦେଲ୍ ପୁତ୍ ନି ନାର୍ ଜାତିଂ ତା ଦାରିନି କାମାୟ୍ ଲାକେ କାଲିଂ ଉଚାଡ଼ନା, ପୁତ୍ ନି ରାଜାର୍ ତା ଲାହାଙ୍ଗ୍ ଦାରି କିନାରା, ଆରି ପୁତ୍ ନି ବେପ୍ରିୟାର୍ ପାପ୍ତ ମାଜାନ୍ ଆନାରା ।”

୪ ଇଦାଂ ପାଚେ ଆନ୍ ଖେଚାଙ୍ଗ୍, ସାଗେତାଂ ଆରେ ରଞ୍ଜାଙ୍ଗ୍ କାଚ୍ ଖେଚାଙ୍ଗ୍

“ନା ମାନାୟାର୍ ଖିଜାଦେର୍ ହସି ଖାଡ଼ !

ତା ଲାଗାଂତାଂ ହସି ଖାଡ଼ !

ଏପେଙ୍ଗ୍ ଇନେସ୍ ତା ପାପ୍ତ ମେହା ଅମାଟ୍;

ହେଦେଲ୍ ଇମ୍ଫି ସାସ୍ତି ପାୟାନାଡ଼, ହେବେ ମେହାଆମାଟ୍ !

୫ ତା ପାପ୍ କିନାକା ଗାଦି ଆଜି ସାଗେ ପାଚେକ୍ ପା ନିଙ୍ଗ୍ତାଡ଼ନା,

ଆରେ ଇସ୍ପର୍ ତା ଅଦାମ୍ ସବୁ ଏଡୁକିତାର୍ନା ।

୬ ହେଖାନ୍ ଇନେସ୍ ମି କାଜିଂ ବେବାର୍ କିତାନ୍ନା,

ଏପେଙ୍ଗ୍ ତା କାଜିଂ ସମାନ୍ ହେ ଲାକେ ବେବାର୍ କିୟାଟ୍ ।

ହେଖାନ୍ ଇନାକା କିତାନ୍ନା, ତା କାମାୟ୍ ଇସାପ୍ତେ ହୁଡ଼ତି ତାଙ୍ଗେଙ୍ଗ୍

ରି ଗୁଣ୍ ପୁଲିଂ ହିୟାଟ୍,

ଆରେ ହେଖାନ୍ ଇମ୍ଫି ବାହାତ କାଲିଂ ମେହାୟ୍ କିତାନ୍ନା,

ହେବେ ହେଦାଂ କାଜିଂ ରି ଗୁଣ୍ କାଲିଂ ମେହାୟ୍ କିୟାଟ୍ ।

୭ ହେଖାନ୍ ଜାର୍ତିଂ ଜାଜ୍ମାଲ୍ କିତାନ୍ନା

ଆରି ଦାର୍ଜ୍ୟାରେ ଦିନ୍ କାଟିକିନାତା, ତାଙ୍ଗେଙ୍ଗ୍

ହେଏଚେକ୍ କସ୍ ଆରି ଡାଡ଼ପାଟ୍;

ଇନେକିଦେଂକି ହେଦେଲ୍ ମାନ୍ତ ମାନ୍ତ ଇନାତା,

ଆନେଙ୍ଗ୍ ରାଣି ଆଜି କୁଚ୍ଚାଙ୍ଗ୍ନା,

ଆନେଙ୍ଗ୍ ରାଣି ଆକାୟ୍ ।

୮ ତା ଇ ସବୁ ପାପ୍ ଲାଗିଂ ଖିଜୁ ଦୁକ୍, ଇଚିସ୍ ହାନାକା, ଦୁକ୍,

ଆରି କାତାର ଆରନାଡ଼,
 ଆରେ ହେଦେଲ୍ ପୁରା ବାବେ ନାଣିତ କାଡ଼ନାଡ଼,
 ଲାଗିଂ ତା ବିଚାର କାରିୟା ମାପୁ ଇସ୍‌ବର ସାକ୍ତିକାଟାକାନ ।”

୯ ପୁତ୍ର ନି ଇମ୍‌ଣି ସବୁ ରାଜା ଜେ ଝିଜାର ରାଜାର ତା ଲାହାଙ୍ଗ ଦାରି ଆରି ପାପ୍ ବେବାର କିଜି ମାଚାର, ହେଝାର ତା କାଡ଼ୟାଜିମାନି ଗାଗାଡ଼ତା ଆହୁନି କଦା ହୁଡ଼ି ହେଦାଂ କାଜିଂ ଆଡ଼୍‌ବାନାର ଆରି ଦୁକ୍ କିନାର । ୧୦ ତା ଦୁକ୍ କସୁନି ମେହାଆଦେଂ ପାଣ୍ଡାଜି ହେଝାର ତା ତାଂ ବେସି ଦେହା ନିଲ୍‌ଚି ମାନାର ଆରି, ହାୟ, ହାୟ, କିଜି ଇନାର, ଏଚେକ୍ ବଇକାର ! ନିୟା ଏନ୍ ଇନାକା ହେ ଗାଜାଗାଡ଼, ବାପୁକାଟିଗାଡ଼ ବାବିଲ୍‌ନ, ଇନେକିଦେଂକି ର, ଗନ୍‌ଟା ବିଡ୍ରେ ନି ଡାଣ୍ଟ ଏକାଝାତାଡ଼ ।

୧୧ ଆରେ, ପୁତ୍ର ନି ବେପ୍‌ରିୟାର ହେଦାଂ କାଜିଂ ଆଡ଼୍‌ବାନାର ଆରି ଦୁକ୍ କିନାର, ଇନେକିଦେଂକି ଇନେର୍ ହେଝାରୁଡ଼ି ବେପାର୍‌ନି ଦିନିସ୍ ଆରେ କଡ଼ଦେଂ ଆଡୁର୍, ଇଚିସ୍, ୧୨ ହନା, ରୁପା, ମଣି, ମୁକ୍ତା, କଝାଣ୍ ହେହା, ଝାଙ୍ଗାବାତ୍ର ବାନି ହେହା, ମାଟ୍‌ଆ ହେହା, ଗେରୁବାନି ହେହା ଝିଜୁ ବାନି ଚନ୍‌ନ୍ ଝେଜ୍‌ଗୁ, ଆତି ଗାଡ଼ାଙ୍ଗିନି ସବୁ ବାନି ଆଡ଼୍‌ମାଡ଼, ବେସି ମଲ୍‌ନି ଝେଜ୍‌ଗୁ, ପିତାଡ଼, ଲଝା, ଆରି କାଲ୍ ରଚ୍‌ଚାକା ଲାହାଙ୍ଗ ରଚ୍‌ଚି ସବୁବାନି ଆଡ଼୍‌ମାଡ଼ । ୧୩ ଚରାମାଲି, ଗାନ୍ଧାଟିକାଣ, ଦୁପ୍‌ନି, ବାସ୍‌ନା କାସ୍‌ନି ଚିକାଣ, କୁନ୍‌ହୁର୍, କାଲିଂ, ଚିକାଣ, ମଇଦା, ଗାଁମ୍, ପସ୍, ମେଣ୍ଡାଙ୍ଗ୍, ଗଡ଼ା, ଗଡ଼ାହାଗାଡ଼, କଡ଼କାଆଡ଼ିଏନ୍, ଆରି ମାନାୟାରୁଡ଼ି ପାରାଣ୍ । ୧୪ ବେପାର୍ କିନାକାର ତାଙ୍ଗ୍ ଇନାର । ଆହାଂ ସବୁ ଲକୁ ହାଦ୍ର ନିତାଂ ଦେହା ଆତାଡ଼ନ୍ନା, ଆରି ମି ଦନ୍ ସଂପତି ହଲ୍‌ନାକା ଆରେ ଆକାୟ । ଏପେଙ୍ଗ୍ ହେଝାକାଂ ଆରେ ଇନାଝାଡ଼ାଂ ପାୟା ଆଉଦେର୍ । ୧୫ ଇମ୍‌ଣି ବେପ୍‌ରିୟାର ହେ ଗାଡ଼ଦ ବେପାର୍ କିଜି ମାଜାନ୍ ଆଜି ମାଚାର, ହେଝାର ତା ଦୁକ୍‌ବଗ୍‌ତ ମେହାଆଦେଂ ପାଣ୍ଡାଜି ବେସି ଦେହା ନିଲ୍‌ଚି ଆଡ଼୍‌ବିସ୍ ଆରି ଦୁକ୍‌କିଜି ଇନାର । ୧୬ ହେଝାର ଆଡ଼୍‌ବିସ୍ ଇନାର, “ହାୟ, ଗାଜାଗାଡ଼ନି ଅବସ୍ତା ନଙ୍ଗ୍ ଏଚେକ୍ ବଇକାର, ଏଚେକ୍ କସ୍ ! ହେଝାନ୍ କଝାଣ୍ ହେହା, ଝାଙ୍ଗାବାନି ଆରି ଗେରୁବାନି ହେହାଙ୍ଗ୍ ଉସ୍‌ପିସ୍ ମାଚାଡ଼, ଆରେ ହନା,

ମଣି ଆରି ମୁକ୍ତାତ ଡ଼ୟାଆଜି ମାଚାଡ଼ । ୧୭ ମାତର ର ଗଣ୍ଠା ବିତ୍ରେ ହେ
ଇ ଝିଜୁ ଦାନ ବୁଡ଼ା ଆତାଡ଼ ।”

ଜାଜ୍ ମୁଣିକା, କେଉଟାର ଆରି ହାମ୍ବୁର ବେପରିୟାର ବେସି
ଦେହା ନିଲ୍ତାର ୧୮ ଆରି କାଡ଼ୟାଜିମାନି ଗାଡ଼ ଗାଜା କାଟ୍ତା ହୁଡ଼ଜି
ଇଚାର, “ଇ ଗାଜାଗାଡ଼ ଲାକେ ଆରେ ଇମ୍ଫଣି ଗାଡ଼ ହିଲ୍ଫାତାଡ଼ ।”
୧୯ ହେଝାର କାପ୍ତା ଜପି ଦୁଡ଼ି ଚୁଡ଼ି ଆଡ଼ବିସ୍ ଇଚାର, “ଏଚେକ୍
ବଇଁକାର ! ଗାଡ଼ନି ଇ ଏଚେକ୍ ନନାକା କସ୍ ! ହାମ୍ବୁରତ ମାନି
ଜାଜନି ହାଉକାରିଂ ମାଜାନ୍ ଆଜି ମାଚାର; ନଙ୍ଂ ର ଗଣ୍ଠା ବିତ୍ରେ ବୁଡ଼ା
ଆତାଡ଼ ।”

୨୦ ଏ ସାର୍ଗେନିକାଦେର ! ହେଝାନ୍ ବୁଡ଼ାଜି ମାଚିଲେ ଝାରି
କିୟାଟ୍ । ଏ ପୁଇପୁୟା ସାଦୁକାଦେର, ଏ ପକ୍ୟାତାକାନ୍ ଚେଲା ଆରି
ବେଣ୍ଠାକ୍‌ଶାୟକିନାକାଦେର ! ଝାରିୟା ଆଡ଼, ଇନେକିଦେକି ମି
କାଜିଂ ହେଝାନ୍ ଇନାକା କିଜି ମାଚାନ୍, ହେଦାଂ କାଜିଂ ଇସ୍‌ର ତାଙ୍ଗ୍
ତାଣ୍ଡ ହିତାନ୍ନା ।

୨୧ ତା ପାଚେ ରଞ୍ଜେଲ୍ ବାଡ଼କାସ୍‌କାଟି ଦୁଡ଼ ର ଗାଜା ଜାତାକାଲ୍
ଲାକେ ର କାଲ୍ ହାମ୍ବୁରତ ତୁହି ହିଜି ଇଚାଡ଼, “ଗାଜାଗାଡ଼ ବାବିଲନ୍
ଇ ଲାକେ ବାବ୍ରେ ତୁହିୟାମାଡ଼ ଆରି ତାଙ୍ଗ୍ ଆରେ ଇନେର ଇନାଝାଡ଼ାଂ
ହୁଡ଼ଦେଂ ଆତୁର । ୨୨ କି ଗମଣ, କେରକଣ୍ ଝାଡ଼ିୟାର, କି ହୁରଡ଼ି
ତୁବ୍‌ନାକାର, ଆରି ମରି ତୁବ୍‌ନାକାରତି ଗାର୍ଜାନି, ଇନାଝାଡ଼ାଂ ଆରେ
ନି ବିତ୍ରେ ଝେନ୍‌ୟାଆଡ଼ । ଇମ୍ଫଣି ରବ୍‌ନାକାର ନି ବିତ୍ରେ ଆରେ
ଇନାଝାଡ଼ାଂ ପା ଚଞ୍ଜୟାଡ଼, ଜାତା କାଲ୍‌ନି ଗାର୍ଜାନି ନି ବିତ୍ରେ ଆରେ
ଇନାଝାଡ଼ାଂ ପା ଝେନ୍‌ୟାଡ଼, ୨୩ ନି ବିତ୍ରେ ଆରେ ଇନାଝାଡ଼ାଂ
ପା ଅଜଡ଼ କାତା ଆଡ଼, ନଲେ ବିବାଦାଙ୍ଗ୍‌ଶେନ୍ ଗାଡ଼ଚେ ସବ୍‌ଦ୍
ନି ବିତ୍ରେ ଆରେ ଇନାଝାଡ଼ାଂ ପା ଝେନ୍‌ୟାଡ଼, ଇନେକିଦେକି ନି
ବେପରିୟାର ପୁଡ଼ି ତ ଗାଜା ସାଲ୍‌କାଟାକାର ଆଜି ମାଚାର, ନି
ମାୟାତ ହୁକେ ଏନ୍ ପୁଡ଼ି ନି ସବୁ ଜାତିରିଂ ବୁଲ୍‌କାୟ କିଜି ଇଡ଼ଜି
ମାଚାୟ ।”

୨୪ ଆରେ ଇ ଗାଡ଼ଦ ପୁଡ଼ି ନି ହେନି ବେଣ୍ଠାକ୍‌ଶାୟକିନାକାର
ଆରି ପୁଇପୁୟା ସାଦୁରତି ନେତେର ବଡ଼ାଜି ମାଚାଡ଼ । ଇ ସବୁ ପାପ୍
କାଜିଂ ହେଦେଲ୍ ସାସ୍ତି ଦାଣ୍ଡ ପାୟାତାନ୍ନା ।

୧୯

ସାଗେତ ଖାରି

୧ ଇଦାଂ ପାଚେ ଆନ୍ ଇନାକା ଖେଚାଙ୍ଗ୍, ହେଦାଂ ସାଗେତ ବେସି ମାନାୟାର୍ ସବଦ୍ ଲାକେ ର ବେସି ସବଦ୍ ଇଦାଂ ଇନାକା ଖେଚାଙ୍ଗ୍, “ଇସ୍ପୁରତି ତରଦ କେରାଟ୍ । ମା ଇସ୍ପୁର୍ ମୁକ୍ତାୟକିନାକାନ୍, ଜାଜ୍‌ମାଲ୍, ଆରି ସାକ୍ତିନି ଆଦିକାରି । ୨ ଇନେକିଦେଂକି, ତା ବିଚାର୍ ହାଡ଼ପା ଆରି ନ୍ୟାୟ୍; ଇମ୍‌ଣି ବେସି ଦାରି ଜାର୍ ଦାରି ହୁକେ ପୁତ୍ ଚିଂ ନାହାୟ୍ କିଜି ମାଚାଡ଼, ହେଞ୍ଜାନ୍ ତାଙ୍ଗେଙ୍ଗ୍ ତାଣ୍ଡ୍ ହିଜି ଜାର୍ ଆଡ଼ିୟାର୍ ନେତେର୍ ହପ୍ତି ହୁଜାନାକା ତାକେଣ୍ଡାଙ୍ଗ୍ ଅତାନ୍ନା । ୩ ଆନ୍ ଖେଚାଙ୍ଗ୍, ହେଞ୍ଜାର୍ ଆରେ ଗାଜା କାଟ୍‌ତାଂ ଇନାରା, ଇସ୍ପୁରତି ତରଦ କେରକଣ୍ କେରାଟ୍ । ହେ ଗାଜା ଗାଡ଼ିଂ ନାସ୍ କିଜିମାନି ନାଣି କଦା ଜୁଗ୍ ଜୁଗ୍ ଜପି ନିଙ୍ଗି ମାନାଡ଼ ।” ୪ ଗାଦିତକୁଚି ଇସ୍ପୁରତି ମୁମ୍‌ଦ କଡ଼େ ଚାରି ୨୪ ଜାଣ୍ ପ୍ରାଚିନାର୍ ଆରି ହେ ଚାରି ପସୁ ତାଣ୍ଡ୍‌ହାଡ଼୍ ଆଜି ଇସ୍ପୁରତିଂ ପାର୍ତାନା କିତାର୍ । ହେଞ୍ଜାର୍ ଇଚାର୍, “ଆମେନ୍ ! ଇସ୍ପୁରତି ପାର୍ତାନା କିୟାଟ୍ ।”

ମେଣ୍ଡୁହିମ୍‌ଣାତି ବିବା ବଜି

୫ ହେ “ଏଚେକାଡ଼୍‌ଦ ଗାଦିତାଂ ର ସବଦ୍ ଖେନ୍ୟାତାଡ଼ । ଏ ଇସ୍ପୁତ୍ ଆଡ଼ିୟାକାଦେର୍, ଏ ହେଞ୍ଜାନିଂ ପାଣ୍ଡା ଆନାକାଦେର୍ ହାରୁ ଆରି ଗାଜା ମାନାୟାର୍, ହେଞ୍ଜାନ୍ତି ପାର୍ତାନା କିୟାଟ୍ ।” ୬ ହେ ସମୁତ ଆନେଙ୍ଗ୍ ଖେଚାଙ୍ଗ୍, ହାମ୍‌ଦୁର୍ ଗାର୍ଜାନାକା ଆରି ବିଞ୍ଜିଇଡ଼ନାକା ଲାହାଂ ମାନାୟାର୍ ସବଦ୍ ଲାକେ କେଡ଼ାଜି ଖାନାତା । ମାନାୟାର୍ ଆରେ ପାର୍ତାନା କିଜି ଇନାରା । “ଇସ୍ପୁରତି ତରଦ କେରକଣ୍ କେରାଟ୍, ଇନେକିଦେଂକି ମା ମାପୁ ଖିଜୁତିଂ ସାକ୍ତିକାଟାକାନ୍ ଇସ୍ପୁର୍, ହେଞ୍ଜାନ୍ କେବଲ୍ ମା ରାଜା । ୭ ଖାଡ଼, ଆସେଙ୍ଗ୍ ଖାରି ଆରି ସାର୍‌ଦା କିନାସ୍, ଆରି ତାଙ୍ଗେଙ୍ଗ୍ ଜାଜ୍‌ମାଲ୍ ହିନାସ୍, ଇନେକିଦେଂକି ମେଣ୍ଡୁହିମ୍‌ଣାତି ବିବାନି ସମୁ ଏକାଖାତାଡ଼, ଆରେ ତା ଗାଡ଼୍ ଜାର୍‌ଚିଂ ରଞ୍ଜାଡ଼ନା ।” ୮ ତାଙ୍ଗେଙ୍ଗ୍ ଡିଞ୍ଜିନି ଆରି ସକଟ୍ ହେନ୍ଦା ଉସ୍‌ପିନି କାଜିଂ ହିତାର୍; ହେ କଖାଣ୍ ହେନ୍ଦା ପୁଇପୁୟା ସାଦୁରତି ଆନାତା ହେ କଖାଣ୍ ହେନ୍ଦା ।

୯ ✧ହେ ଏତେକାତ୍ମକ ଦୁତ ନାଲୋଙ୍କ ଇସ୍ରାନ୍, “ଲେକିକିଜି ଇଟାଟ୍, ଇମ୍ନାକାର୍ ମେଣ୍ଡାହିମ୍ନାତି ବିବା ବଜିତ କୁକ୍ୟାତାକାର୍, ହେଝାର୍ ଦନ୍ୟ ।” ଆରେ ପା ହେଝାନ୍ ନାଲୋଙ୍କ ଇସ୍ରାନ୍, “ଇଦାଂ ଇସ୍ୱତ୍ ହାତ୍ପା ବଚନ୍ ।”

୧୦ “ହେବେ ଆନ୍ ହେଝାନିଂ ଜୁଝାର୍ କିନି କାଜିଂ ତା ପାନା ତାରେନ୍ ତାଣ୍ଡହାତ୍ ମାଗତାଙ୍ । ହେବେ ହେଝାନ୍ ନାଲୋଙ୍କ ଇସ୍ରାନ୍, ଜାଗ୍ରତ୍, ଇଦାଂ କିମାଟ୍, ଆନ୍ ମିଦାଂ ଆରି ଜିସ୍ୱତି ସାକି ଜେ ମି ଚଣ୍ଡାର୍, ହେଝାର୍ତି ହାଙ୍ଗଦାକାନ୍; ଇସ୍ୱରତିଂ ଜୁଝାର୍ କିୟାଟ୍ । ଜିସ୍ୱତି ବିସ୍ତେନି ସାକି ତ ସାରି ।”

ଡ଼ିଞ୍ଜିନି ଗଡ଼ା ଦୁମ୍ତାକାନ୍

୧୧ ତା ପାଚେ ଆନେଙ୍କ୍ ସାଗେଁ ଜେୟାତାକା ହୁଡ଼ତାଂ, ଆରେ ହୁଡ଼ାଟ୍, ର ଡ଼ିଞ୍ଜିନି ଗଡ଼ା; ତା ଦୁମ୍ତାକାନ୍ତି ତର୍ ପାତ୍ ଆରି ହାତ୍ପା ହେଝାନ୍ ନିୟାୟ୍ ଲାକେ ବିଚାର୍ ଆରି ହେଝାନ୍ ଦାମ୍ ଜୁଜ୍ କିନାନ୍ । ୧୨ ତା କାଣ୍କୁ ଗୁଦ୍ଗିନି ନାଣି ଲାକେ, ତା କାପ୍ତାତାକେ ବେସି ମୁକୁଟ୍ ମାଚାତ୍ । ତା ଜପି ର ତର୍ ଲେକାଜି ମାଚାତ୍, ହେ ପୁନି ତର୍ ତାଙ୍ ପିସ୍ୱସି ବିନେନିକାନ୍ ଇନେର୍ ପୁନୁର୍ । ୧୩ ହେଝାନ୍ ନେତେରତ ଦୁସ୍ତି ହେନ୍ଦା ଉସ୍ପାତାକାନ୍, ଆରେ ତା ତର୍ ଆଜି ମାଚାତ୍ ହେଝାନ୍ “ଇସ୍ୱତ୍ ବଚନ୍” ଇଞ୍ଜି ଜାଣାତିନା । ୧୪ ସାଗେନି ମେଲ୍ୟାଟ୍ ଡ଼ିଞ୍ଜିନି ଆରି ସକଟ୍ କଝାଣ୍ ହେନ୍ଦା ଉସ୍ପିତି ଡ଼ିଞ୍ଜିନି ବାନି ଗଡ଼ାଙ୍ ଜପି ଦୁମ୍ତାଜି ତା ପାଚେ ହାଞ୍ଜେଙ୍ ଲାଗାତାର୍ । ୧୫ ତା ଝାଈଦାଂ ଦାରାକାଣ୍ଡା ହତ୍ନାତ୍, ତା ହୁଦାଂ ହେଝାନ୍ ଜାତିରିଂ ଗାଅ କିନାନ୍; ହେଝାନ୍ ହେଝାରିଂ ଲଝା ବାଡ଼ଗାତାଂ ସାସନ୍ କିନାନ୍ ଆରେ ହେଝାନ୍ ନିଜେ ଝିଜୁ ସାକ୍ତିକାଟାକାନ୍ ଇସ୍ୱତ୍ ଜବର୍ କାକ୍ତି ଲାକେ ଅଜୁର୍କୁଣ୍ଡି ଜାତା କଣ୍ଡି ଝିହ୍ନାନ୍ । ୧୬ ତା ହେନ୍ଦାତ ତା କୁଟାତ ଇ ତର୍ ଲେକାତାତ୍ନା, “ରାଜାର୍ଜପି ରାଜା ଆରି ମାପୁଜପି ମାପୁ ।”

୧୭ ତା ପାଚେ ଆନେଙ୍କ୍ ରଝାନ୍ ଦୁଡ଼ତିଙ୍ ଝେଡ଼ା ବିତ୍ତେ ନିଲ୍ଲତି ମାନାକା ହୁଡ଼ତାଂ; ହେଝାନ୍ ଆକାସ୍ତ ଉମ୍ନି ସବୁ ପଟିକାଙ୍ ଗାଜା କାଟ୍ତାଂ କୁକ୍ତି ଇଚାର୍, “ଝାତ ଇସ୍ୱତ୍ ଗାଜା ବଜିତ

✧ ୧୯:୯ ୧୯:୯ ମାତିଉ ୨୨:୨,୩.

ରୁଣ୍ଡା ଆଡ଼, ୧୮ ଇନେସ୍ ଏପେଙ୍ଗ୍ ରାଜାର୍ତି, ମେଲ୍ୟାମୁଡ଼୍‌ଦାକାନ, ବାପୁକାଟାକାର୍ତି, ଗଡ଼ା ଆରି ଗଡ଼ାଦୁମ୍‌ତାକାତ୍, ଜାର୍ତ୍ତାରେନ୍ ଆରି ଲକାର ତାରେନ୍, ଆଡ଼ିୟା ହାରୁ ଆରି ଗାଜା ଝିଜାର୍ ମାନାୟାର୍ତି ଜେୟ୍ ତିନାଟ୍ ।

୧୯ ତା ପାଚେ ଆନେଙ୍ଗ୍ ପସୁତିଂ ଆରି ପୁର୍ତ୍ତିନି ରାଜାରିଂ ଆରି ହେଝାର୍ତି ମେଲ୍ୟାର୍ତିଂ କି ହେ ଗଡ଼ାଦୁମ୍‌ତାକାର୍ ଆରି ତା ମେଲ୍ୟାତ୍ ଲାହାଙ୍ଗ୍ ଜୁଦ୍ କିନି କାଜିଂ ରୁଣ୍ଡା ଆଜି ମାନାକା ହୁଡ଼ତାଂ । ୨୦ *ହେବେଣ୍ଡାଂ ହେ ପସୁ ଦାରାପଡ଼ା ଆତାଡ଼, ଆରେ ଇମ୍‌ଣି ଚାକ୍ରାୟ୍ ବେଣିବାକ୍‌ଶାୟ୍‌କିନାକାନ ତା ମୁମ୍‌ଦ କାବାଆନି କାମାୟ୍ ସବୁ କିଜି ତା ହୁଦାଂ ପସୁନି ଚିନ୍ ଇଡ଼ିୟାତି ମାନାୟାରିଂ ଆରି ତା ପୁଡ଼ତା ପୁଜାକିନାକାରିଂ ବାଶାୟ୍ କିଜି ମାତାଡ଼, ହେଝାନ୍ ପା ତା ଲାହାଙ୍ଗ୍ ଦାରାପଡ଼ା ଆତାଡ଼; ହେଝାର୍ ହାରି ଜିତିତାଂ ଅବସ୍ତାତ ଗନ୍‌କ୍ ଆହ୍‌ନି ହାମ୍‌ଦୁରତ ତୁହ୍ୟାତାର୍ । ୨୧ ଆରେ ହେଝାର୍ତି ମେଲ୍ୟାର୍ ଗଡ଼ାଦୁମ୍‌ତାକାନ୍ ଝେଇଦିଂ ହନାକା କାଣ୍ଡା ହୁକେ ହାତାର୍; ଆକାସ୍‌ନି ପଚିଂ ମାନ୍ ଇଚା ହେଝାର୍ତି ଜେଇ ତିନ୍‌ଜି ହାଟିକ୍ ।

୨୦

ହାଜାର୍ ବାହୁନି ରାଜ୍

୧ ତାପାଚେ ଆନେଙ୍ଗ୍ ରଞ୍ଜେଲ୍ ଦୁଡ଼ତଂ ସାଗେତାଂ ଜୁଜି ଝାନାକା ହୁଡ଼ତାଂ । ତା କେଇଦ ପାତାଲ୍ କ୍ଳୁଇନି କୁଚି ଆରି ରଞ୍ଜାଙ୍ଗ୍ ଗାଜା ହିକ୍ତିଂ ମାତାଡ଼, ୨ ହେଝାନ୍ ହେ ରାଟ୍, ହେ ପ୍ଲୁନି ନାଗ୍ ଇତିସ୍ ଦିଆବଲ୍ ଆରି ସୟ୍‌ତାନତିଂ ଆସ୍ତି ହାଜାର୍ ବାହୁଁ ପାଚେକ୍ ଗାର୍ତି ତୁହିତାର୍, ୩ ଆରେ ତାଙ୍ଗେଙ୍ଗ୍ ପାତାଲ୍ କୁଣ୍ଡିତ ତୁହିଜି ହେବେଣ୍ଡାଂ ଝେଇ ଗେସ୍‌ତାନ୍ ଆରି ତା ଜପି ଚିନ୍ ଇଡ଼ତାର୍, ଇନେସ୍ ହେ ହାଜାର୍ ବାହୁଁ ଝିଜିଝି ପାଚେକ୍ ହେଝାନ୍ ଜାତିରିଂ ଆରି ବୁଲ୍‌କାୟ୍ କିଦେଙ୍ଗ୍ ଆଡୁଡ଼; ଇଦାଂ ପାଚେ ଅଲ୍‌ପ୍ କାଡ଼୍ କାଜିଂ ତାଙ୍ଗେଙ୍ଗ୍ ମୁକ୍‌ଡ଼ା ଆଦେଂ ଆନାଡ଼ ।

୪ ପାଚେ ଆନେଙ୍ଗ୍ ଗାଦିକାଂ ହୁଡ଼ତାଂ; ହେ ସବୁ ଜପି ଏଚେକ୍ ଲଗୁ କୁଚ୍‌ଚାର୍, ହେଝାରିଂ ବିଚାର୍ କିନି କେମ୍‌ତା ହିତାର୍ । ଆରେ

* ୧୯:୨୦ ୧୯:୨୦ ହଡ଼ି ୧୩:୧-୧୮.

ଜିସୁତି ସାକି ଆରି ଇସ୍ବତ୍ ବଚନ୍ କାଜିଂ ଇମ୍ନାକାର୍ତି କାପ୍ତା ରାଜ୍ଯା ଆଜି ମାଗଡ଼, ଆରେ ଇମ୍ନାକାର୍ ହେ ପସୁତିଂ କି ତା ପୁତ୍ତାକାଂ ଜଞ୍ଜାର୍ କିଞ୍ଜାଦାଂ ମାଗଡ଼ ଆରି ତା ଚିନ୍ ଜାର୍ ଜାର୍ ନିଦାଣ୍ଡତ ଆରି କେଇଦ ଇଡ଼୍ଯାଞ୍ଜାଦାଂ ମାଗଡ଼, ହେଞ୍ଜାର୍ତି ଖାସ୍ତିକାଂ ହୁଡ଼ତାଂ; ହେଞ୍ଜାର୍ ଜିଜି କ୍ରିସ୍ଟ ଲାହାଙ୍ଗ୍ ହାଜାର୍ ୧,୦୦୦ ବାହୁଁ ପାତେକ୍ ସାସନ୍ କିତାର୍ । ^୫ ବାକି ହାତି ମାନାୟାର୍ ହେ ହାଜାର୍ ୧,୦୦୦ ବାହୁଁ ଝିଜ୍ଝି ପାତେକ୍ ଜିଞ୍ଜାତାର୍ । ଇଦାଂ ନେ ପର୍ତ୍ତୁମ୍ ଆରେ ନିଂନାକା । ^୬ ଇମ୍ନାକାର୍ ପର୍ତ୍ତୁମ୍ ଆରେ ନିଂନାକା ମିହାନାର୍, ହେଞ୍ଜାର୍ ଦନ୍ୟ ଆରି ପୁଇପୁୟା; ହେଞ୍ଜାର୍ ଜପି ରିହା ହାନାକା ଇନାକାପା ଆଦିକାର୍ ଆକାୟ୍, ଇଚିସ୍ ହେଞ୍ଜାର୍ ଇସ୍ବତ୍ ଆରି ଜିସୁତି ମାପୁହେବାକିନାନ୍ ଆଜି ର ହାଜାର୍ ବାହୁଁ ପାତେକ୍ ତା ଲାହାଙ୍ଗ୍ ରାଜ୍ କିତାର୍ ।

ସୟତାନ୍ତି ହାରିହାରା ଆରାନାକା

^୭ ହେ ର ହାଜାର୍ ୧,୦୦୦ ବାହୁଁ ଝିସ୍ତିଲେ ସୟତାନ୍ତିଂ ଜଇଲ୍ଲଞ୍ଜାଙ୍ଗ୍ ପିହ୍ନାର୍; ି ହେବେଣ୍ଡାଂ ହେଦେଲ୍ ପୁତ୍ ନି ଚାରିଗଟା କନାତ ମାନି ଜାତିତିଂ, ଇଚିସ୍ ହାମ୍ବୁରନ୍ ବାଲି ଲାକେ ଗାଣାକିୟା ଆଉଡ଼ ଜେ ଗର୍ ଆରି ମାଗର୍ ହେଞ୍ଜାରିଂ ବୁଲ୍କାୟ୍କିଜି ଜୁଜ୍ କାଜିଂ ଚବେ ରୁଣ୍ଡାୟ୍ କିଦେଙ୍ଗ୍ ହସି ହାନାଡ଼ । ^୮ ମେଲ୍ୟାର୍ ପୁତ୍ ନି ସବୁ ବାହାତ ମେଗ୍ୟାଜି ସାଦୁରତି ବାହା ଆରି ଜିଉନନି ଗାଡ଼ିଂ ହୁରିମୁକ୍ତାର୍ । ହେ ଏଚେଞ୍ଜେଡାଲିଂ ସାଗେତାଂ ନାଣି ଆଜିଂ ହେଞ୍ଜାରିଂ ଚିତାଡ଼ । ^{୧୦} ଇମ୍ନା ସୟତାନ୍ ହେଞ୍ଜାରିଂ ବୁଲ୍କାୟ୍ କିଜି ମାଗଡ଼, ତାଙ୍ଗ୍ ନାଣି ଆରି ଗନ୍ଦକ୍ ମାନି ହାମ୍ବୁରତ ତୁହିତାର୍, ହେବେ ହେ ପସୁ ଆରି ଚାକ୍ରାୟ୍ ବେଶ୍ବାକ୍ଶାୟ୍କିନାକାର୍ ପା ମାନାର୍; ଆରେ ହେଞ୍ଜାର୍ ଝେଡାନାଣା ଜୁଗ୍ ଜୁଗ୍ କସ୍ ବଗ୍ କିତାର୍ ।

ହାରିହାରା ବିଚାର୍

^{୧୧} ତାପାଚେ ଆନେଙ୍ଗ୍ ର ଗାଜା ଡିଞ୍ଜନାକା ଗାଦି ଆରି ହେବେ କୁଚ୍ଚି ରଞ୍ଜାନ୍ ମାନାୟ୍ତିଂ ହୁଡ଼ତାଂ; ତା ଲାଗାତାଂ ପୁତ୍ ଆରି ଆକାସିଂ ହନ୍ଦତାଡ଼, ଆରି ହେଦାଂ ହୁଡ଼ଝିତିକ୍ । ^{୧୨} ଆରେ ଆନେଙ୍ଗ୍ ହାରୁ ଆରି ଗାଜା ଝିଜାର୍ ହାତାକାରିଂ ଗାଦି ଲାଗେ ନିଲ୍ଚି ମାନାକା

ହୁଡ଼ତାଂ, ଆରେ ପତିସବୁ ଜେୟାତାଡ଼; ପାଚେ ଜିବୁନ୍ ପତି ତରନି ଆରେ ରଞ୍ଜାଙ୍ଗ ପତି ଜେୟାତାଡ଼; ହେ ପତିକାଂ ଲେକାତି ବିସ୍ତେ ପାର୍ମାଣତାଂ ହାତାକାର୍ ଜାର୍ ଜାର୍ କାରମ୍ ଇସାପ୍ତେ ବିଚାର୍ କିୟାତାକାର୍ ।^{୧୩} ହେ ସମୁତ ହାମ୍‌ଦୁର୍ ବିତ୍ରେ ହାଜି ମାନି ମାନାୟାର୍ ନିଙ୍ଗି ଖାତାର୍ । ପାତାଲ୍‌ପୁର୍ତ ମାନି ହାତି ମାନାୟ ପା ହସି ଖାତାର୍ । ହେଖାର୍ ଖିଜାର୍ ଜାର୍ ଜାର୍ କାରୁମ୍ ଇସାପ୍ତାଂ ବିଚାର୍ କିୟାତାର୍ ।^{୧୪} ତା ପାଚେ ହାକି ଆରି ପାତାଲ୍‌ତିଂ ନାଣିମେହା ହାମ୍‌ଦୁର୍ତ ତୁହିତାର୍ । ଇ ହାକି ଇତିସ୍ ନାଣିମେହା ହାମ୍‌ଦୁର୍, ରି ହାକି ।^{୧୫} ଇନେର୍ ତର୍ ଜିବୁନ୍ ପତିତ ଲେକା ଆଜି ମାନି ତଞ୍ଜୟାଖାତାଡ଼, ତାଙ୍ଗେଙ୍ଗ ନାଣି ଆହ୍‌ନି ହାମ୍‌ଦୁର୍ତ ତୁହି ହିତାର୍ ।

୨୧

ପୁନି ସରଗ୍ ଆରି ପୁନି ପୁତ୍

^୧ ☆ତା ପାଚେ ଆନେଙ୍ଗ୍ ର ପୁନି ଆକାସିଂ ଆରି ପୁନି ପୁତ୍ ହୁଡ଼ତାଂ; ଇନେକିଦେଂକି ପର୍ତୁମ୍ ଆକାସିଂ ଆରି ପର୍ତୁମ୍ ପୁତ୍ ବୁଡା ଆଜି ମାଚାଡ଼, ଆରେ ହାମ୍‌ଦୁର୍ ଆରେ ହିଲ୍‌ଖାତାଡ଼ ।^୨ ☆ଆରେ ଆନେଙ୍ଗ୍ ପୁଇପୁୟା ଗାଡ଼୍, ଇତିସ୍ ପୁନି ଜିରୁସାଲମ୍‌ତ ବିବାଦାଙ୍ଗ୍‌ଣେନ୍ କାଜିଂ ରଞ୍ଜି ଗାଡ଼୍ ଲାକେ ଜାଗ୍ରତ୍ ଆଜି ସାଗେତାଂ ଇସ୍ପତ୍ ଲାଗାଂତାଂ ପୁତ୍ ତ ଜୁଦ୍‌ନାକା ହୁଡ଼ତାଂ ।^୩ ଆରେ ଆନେଙ୍ଗ୍ ଗାଦି ବିତ୍ରେତାଂ ର ଗାଜା ସବଦ୍ ଇଦାଂ ଇନାକା ଖେଚାଙ୍ଗ୍, ହୁଡାଟ୍, ମାନାୟାର୍ ବିତ୍ରେ ଇସ୍ପତ୍ ବାହାକିନାକା ମାନାଡ଼, ହେଖାନ୍ ହେଖାର୍ ଲାହାଙ୍ଗ୍ ବାହାକିନାନ୍, ଆରେ ହେଖାର୍ ଇସ୍ପର୍ ଲକୁ ଆନାର୍ ଆରେ ଇସ୍ପର୍ ନିଜେ ହେଖାର୍ ଲାହାଂ ମାନ୍‌ଗାନାନ୍,^୪ ହେଖାର୍ କାଣ୍‌ଜାତାଂ ଖିଜୁ କାଣେଲ୍ ନେୟାନାନ୍; ହାକି ଆରେ ଗିଟା ଆଉଡ଼; ଦୁକ୍ କି ଆଡ଼୍‌ବାନାକା କି ନନାକା ଆରେ ଆଉଡ଼; ଇନେକିଦେଂକି ଆଗେନି ବିସ୍ତେ ସବୁ ବୁଡା ଆତାଡ଼ନ୍ନା ।

^୫ ପାଚେ ଗାଦିତ କୁର୍ତି ମାନାୟ ଇଚାନ୍, ହୁଡାଟ୍ ଆପ୍ ସବୁ ବିସ୍ତେ ପୁନାକା କିତାପ୍‌ନା । ଆରେ ହେଖାନ୍ ଇଚାନ୍, ଲେକିକିୟା,

☆ ୨୧:୧ ୨୧:୧ ୨ ପିତର ୩:୧୩. ☆ ୨୧:୨ ୨୧:୨ ହଡ଼ତି ୩:୧୨.

ଇନେକିଦେଂକି ଇ ଓଁଜୁ କାତା ପାତର୍ ନିକିଂ ଆରି ହାଡ଼ପା । ୭ ହେଝାନ ନାଙ୍ଗେଙ୍ଗ ଆରେ ଇଚାନ, ଓଁଜୁ କାମାୟ ଓଁସ୍ତାତନା । ଆନ ଆରମ୍ ଆରି ହାରିହାରା, ଆରେ ଆଗେ ଆରି ଓଁଜନାକା । ଇନେର୍ ଏସ୍କି ତାଙ୍ଗେଙ୍ଗ ଆପ୍ ଜିବୁନ୍ ଲାକେ ଜାର୍ଣତାଂ ଉପକା ମଲ୍ଦାଂ ଉଣ୍ଡେଙ୍ଗ ହିଦ୍‌ନାପ୍ । ୮ ଇନେର୍ ଜିତାନାନ୍, ହେଝାନ ଇ ଓଁଜୁଡ଼ି ଆଦିକାର୍ ଆନାନ୍; ଆପ୍ ହେଝାନ୍ତି ଇସ୍ବର୍ ଆନାପ୍, ଆରେ ହେଝାନ୍ ମା ମାଜି ଆନାନ୍ । ୯ ମାତର୍ ଇମ୍‌ଣାକାର୍ ପାଣ୍ଡାନାକାର୍, ପାତର୍ କିଝାକାର୍, ଗିଣ୍ଡାପାଲ୍, ନାରଅହନାକାନ୍, ଦାରିୟା, ଚୁର୍କିୟାର୍, ଆରି ପୁଡ଼ଡ଼ା ପୁଜାକିନାକାନ୍, ହେଝାର୍ ଆରି ଓଁଜାର୍ ମିର୍ କାତା ଇନାକାର୍ ନାଣି ଆରି ଗନ୍ଦକ୍ ଆହ୍‌ନି ହାମ୍‌ଦୁର୍ତ୍ତ ବାଗ୍ ଅୟାନାର୍; ଇଦାଂ ନେ ରି ହାକି ।

ପୁନି ଜିରୁସାଲମ୍

୧୦ ତାପାଚେ ଇମ୍‌ଣି ସାଡ଼ ଦୁଡ଼ ଓଁସ୍ତ୍ର ସାଡ଼ ଦୁକ୍ତ ବାତର୍ ସାଡ଼ କଣ୍ଡିଆସ୍ତି ମାଚାନ୍, ହେଝେକ୍ ବିତ୍ରେତାଂ ରଞ୍ଜେଲ୍ ଝାଜି ନାଙ୍ଗେଙ୍ଗ ଇଞ୍ଚାଡ଼, ଇବେ ଝା, ଆନେଙ୍ଗ୍ ନିଙ୍ଗେଙ୍ଗ୍ ହେ ଗାଡ଼, ଇତିସ୍ ମେଣ୍ଡାହିମ୍‌ଣାତି ତକୁହିଂ ଚଡ଼ଚାନାଙ୍ଗ୍ । ୧୧ ହେବେ ହେଝାନ ନାଙ୍ଗେଙ୍ଗ୍ ଜିବୁନ୍‌ତ ର ଗାଜା ଆରି ପାନ୍ତି ମାଡ଼ିତ ଅଜି ହାଲ୍‌ଜି ପୁଇପୁୟା ଗାଡ଼ଡ଼ ଜିରୁସାଲମ୍‌ତ ଚଡ଼ଚାତାନ୍, ହେଦାଂ ସାଗେତାଂ ଇସ୍ବର୍ ଲାଗାଂ ଜୁଜି ମାଚାଡ଼ ଆରି ଇସ୍ବର୍ତି ଜାଜ୍‌ମାଲ୍ ଆତାଡ଼ । ୧୨ ଆରେ ତା ଇସ୍ବର୍ତ୍ ଜାଜ୍‌ମାଲ୍ ଲାକେ ମାଚାଡ଼; ତା ଅଜଡ଼୍ ବେସି ମଲ୍‌ଦି ମଣି ଲାକେ, ନିର୍ମଲ୍ ଝେଡ଼ାମଣି ଲାକେ । ୧୩ ତା ରଞ୍ଜାଙ୍ଗ୍ ଗାଜା ଆରି ପାନ୍ତି କୁଝାଡ଼୍ ମାନାଡ଼, ହେବେ ବାରଗଟା ଦୁଝେର୍ରିଂ ହେ ଦୁଝେର୍ତ୍ତ ବାରଜାଣ୍ ଦୁଡ଼ ଆରି ଦୁଝେର୍କାଂ ଜପି ଇସ୍ତାଏଲ୍ ହିମ୍‌ଣାଂତି ବାରଜାଣ୍ ଲାଡ଼ାନି ତର୍ ଲେକାତାଡ଼ନା । ୧୪ ଝେଡ଼ାହ୍‌ନି ନିପ ତିନିଗଟା ଦୁଝେର୍ରିଂ, ପାଲ୍‌ନିପ ତିନିଗଟା ଦୁଝାରିଂ, ଦିଗବାଗାଙ୍ଗ୍ ତିନିଗଟା ଦୁଝାରିଂ ଆରି ଝେଡ଼ାହ୍‌ନିନିପ ତିନିଗଟା ଦୁଝାରିଂ । ୧୫ ହେ ଗାଡ଼ନ୍ କୁଝାଡ଼ନ୍ ବାର କୁନାଦି, ହେ ସବୁ ଜପି ରର୍ୟାଜି ମାଚାଡ଼ ମେଣ୍ଡାହିମ୍‌ଣା ବାର ପକ୍ୟାତାକାର୍ ବାରଗଟା ତର୍ ଲେକାତାଡ଼ନା । ୧୬ ଇନେର୍ ନା ଲାହାଙ୍ଗ୍ କାତା ଇଞ୍ଜି ମାଚାନ୍, ତା କେଇଦ ଗାଡ଼୍ ତା ଦୁଝେର୍ରିଂ ଆରି କୁଝାଡ଼୍ ଲାଜ୍‌ଜେଙ୍ଗ୍ ର ହନା ଲାଚ୍‌ନାକା

ବେଡ଼ଗା ମାଚାଡ଼ । ୧୭ ଗାଡ଼, ଚାରିକଣ୍ଠା, ତା ଲାମା ଆରି ଅହାର୍ ସମାନ; ହେୱାନ୍ ହେ ବେଡ଼ଗାତାଂ ଗାଡ଼ିଂ ଲାଜ୍ଠିଲେ ବାର ହାଜାର ୧୨,୦୦୦ ଆପକୁ ଆଡ଼ିକ୍; ହେବେନି ଲାମା, ଅହାର୍ ଆରି ପାନ୍ତାକା ସମାନ । ୧୭ ପାଚେ ହେୱାନ୍ ହେବେନି କୁୱାଡ଼ ଲାଡ଼ିଲେ ହେଦାଂ ମାନାୟତିଂ ଲଡ଼ା ଇସାପରେ ସାଡ଼କଡ଼ିଚାରି ୧, ୪୪ ଆଡ଼ ଆତାଡ଼, ଦୁଡ଼ନେ ଇ ଲଡ଼ା ଇସାପରେ ଲାଜ୍ଠି ମାଚାନ୍ । ୧୮ ହେ ଇଲ୍ ଖେଡ଼ାମଣି ରଚାକା, ଆରେ କୁୱାଡ଼ ସକର୍ କାଚ୍ ଲାକେ ନେକ୍ରି ହନା ଲାହାଂ ରଚାକା । ୧୯ ଗାଡ଼ିନି କୁୱାଡ଼ କୁନାଦି ଖିନ୍ଦୁ ବାନି ବେସି ମଲ୍ ମଣି ରଞ୍ଚାକା । ପର୍ତ୍ତୁମ୍ କୁନାଦି ହିରା, ଜେତାକା ମଣିନି, ତିନି ବଦୁର୍ଜ୍ୟମଣି, ଚାରି ମରକତମଣି, ୨୦ ପାଞ୍ଚ ପୁଲକମଣି, ଚଅ ମାଣିକ୍ୟମଣି, ସାଡ଼ ପୁଷ୍ପରାଗମଣି, ଆଚ୍ ପିରଜମଣି, ନଅ ଗମେଦକମଣି, ଦସ୍ ଲସୁନିୟମଣି, ଏଗାର୍ ଇନ୍ଦ୍ରନିଲମଣି, ଆରି ବାର ଗାନ୍ଧାନିମଣି । ୨୧ ବାର ଦୁଖେର୍ ବାର ମୁନ୍ତା, ଖିନ୍ଦୁ ଦୁଖେର୍ ରଞ୍ଚାକ୍ ରଞ୍ଚାକ୍ ମୁନ୍ତାତ ରଚାକା; ଆରେ ଗାଡ଼ିନି ହାଜି ସକର୍ କାଚ୍ ଲାକେ ନେକ୍ରିକା ହନା ଲାହାଂ ରଚାକା ।

୨୨ ଆନେକ୍ ହେ ଗାଡ଼ି ଇମ୍‌ଶାକାପା ମନ୍ଦିରତ ପା ହୁଡ଼ିତାଂ, ଇନେକିଦେଂକି ମାପୁ, ଖିନ୍ଦୁତଂ ସାକ୍ତିକାଟାକାନ୍ ଇସ୍ୱର୍ ଆରି ମେଣ୍ଡାହିମଣା ହେବେନି ମନ୍ଦିର ଲାକେ ମାନାନ୍ । ୨୩ ଅଜଡ଼ କାଜିଂ ହେ ଗାଡ଼ିନି ଖେଡ଼ା କି ଲେଞ୍ଜ ଲଡ଼ା ଆକାୟ, ଇନେକିଦେଂକି ଇସ୍ୱର୍ ଜାଜମାଲ୍ ତାଲେକ୍ ଅଜଡ଼ କିନାଡ଼ ଆରି ମେଣ୍ଡାହିମଣା ହେବେନି ବୈଟା ଲାକେ । ୨୪ ହେବେ ଅଜଡ଼ତ ଜାତିର୍ ବୁଲାତାଲା କିତାର୍, ଆରି ପୁତନି ରାଜାର୍ ଜାର୍ ଜାର୍ ହଲ୍‌ନାକା ତା ବିତ୍ରେ ତାସିଞ୍ଜାଜି ଚାନ୍ଦା ହିନାର୍ । ୨୫ ହେବେନି ଦୁଖେର୍ ଲାଗାଂ ଖେଡ଼ାଲିଂ ମୁଡ଼କେ ଗେହ୍‌ୟା ଆଉଡ଼, ଇନେକିଦେଂକି ହେ ବାହାତ ନାଣା ଆଉଡ଼ । ୨୬ ଲକୁ ଜାତିଲାହାଂ ହଲ୍‌ନାକା ଆରି ପାଣ୍ ତା ବିତ୍ରେ ତାସିଞ୍ଜାନାର୍ । ୨୭ ଇମ୍‌ଶାକା ପା ସକର୍ ବିସ୍ତେ ନଲେ ଗିଣ୍ କିନାକାର୍ ଆରି ମିଡ଼ିସ୍‌ର୍ ଇନେର୍ ହେବେ ମୁଡ଼କେ ହଣ୍ଡେକ୍ ଆଡ଼ର୍; କେବଲ୍ ଇମ୍‌ଶାକାର୍‌ତି ତର ମେଣ୍ଡାହିମଣା ଜିବୁନ୍ ପତିତ ଲେକାତାଡ଼ନା, ହେୱାର୍ ହଣ୍ଡେକ୍ ଆଡ଼ନାର୍ ।

୨୨

ଜିବୁନ୍‌ନି ଏଜୁଁ ଜଡ଼ି

^୧ ପାଚେ ହେଝାନ୍ ନାଙ୍ଗେଙ୍ଗ୍ ଜିବୁନ୍‌ମାନି ଏଜୁଙ୍ଗ୍‌ନି ର ନାଗୁଡ଼୍, ଚର୍ଚାତାନ୍, ହେଦାଂ ବେସି ହାରଦି ଅଜଡ଼୍ ଲାକେ, ଆରେ ଇସ୍‌ସ୍‌ ଆରି ମେଣ୍ଡାହିମଣାତି ଗାଦିତାଂ ହସି ଗାଡ଼୍‌ନି ହାଜି ହିଜି ହାନାତା ।
^୨ ହେ ନାଗୁଡ଼୍‌ନି ରି ପାଡ଼କାତାଂ ବାର ହର୍ ପାଡ଼୍‌ଆହ୍‌ନି ଜିବୁନ୍‌ ମାରକୁ ମାନିକ୍, ହେବେ ସରୁମାସ୍ ପାଡ଼୍‌ଆହ୍‌ନାଡ଼୍, ଆରେ ହେ ମାର୍‌ନି ଆକିଂ ଜାତିରିଂ ଉଜ୍ କିନାକା ।^୩ ଇନାକାପା ସାଇପ୍ ବିସ୍ତେ ଆରେ ମାନ୍‌ଗୁଡ଼୍ ।

ଇସ୍‌ସ୍‌ ଆରି ମେଣ୍ଡାହିମଣାତି ଗାଦି ଗାଡ଼୍‌ ବିତ୍ରେ ମାନ୍‌ଗାନାଡ଼୍, ଆରେ ତା ଆଡ଼ିୟାର୍ ହେଝାନ୍ତି ପାର୍ତ୍ତନା କିତାର୍ ।^୪ ହେଝାର୍ ତା ମୁମ୍ ହୁଡ଼୍‌ନାର୍ ଆରି ତା ତର୍ ହେଝାର୍‌ତି ନିଦାଣ୍ଡ୍ ଲେକା ମାନ୍‌ଗାନାଡ଼୍ ।
^୫ ନାଣା ଆରେ ଆଉଡ଼୍, ହେଝାର୍‌ତି ବୈଟା କି ଝେଡ଼ା ଅଜଡ଼୍‌ନି ଲଡ଼ା ଆଉଡ଼୍, ଇନେକିଦେଂକି ମାପୁ ଇସ୍‌ସ୍‌ ହେଝାର୍ ଜପି ଅଜଡ଼୍ ଲାକେ ଆନାନ୍, ଆରେ ହେଝାର୍ ଜୁଗ୍ ଜୁଗ୍ ରାଜ୍ କିତାର୍ ।

ଜିସୁତି ଖାନାକା

^୬ ପାଚେ ହେଝାନ୍ ନାଙ୍ଗେଙ୍ଗ୍ ଇଞ୍ଚାନ୍, ଇ ଝିଜୁ ବଚନ୍ ପାଚ୍ ଆରି ହାଡ଼ପା; ଇନା ଇନାକା ଚାଣ୍ଡେକ୍ ଗିଟାନାଡ଼୍, ହେ ସବୁ ଜାର୍ ଆଡ଼ିୟାରିଂ ଚର୍ଚେଙ୍ଗ୍ ଇଞ୍ଜି ମାପୁ, ବେଣ୍‌ବାକ୍‌ଶାୟକିନାକାର୍‌ତି ସବୁ ଜିବୁନ୍‌ନି ଇସ୍‌ସ୍‌, ଜାର୍ ଦୁଡ଼ତିଂ ପକ୍‌ତାତାନ୍ନା ।

^୭ ଜିସୁ ଇନାନା ହୁଡ଼ାଟ୍ ଆପ୍ ବେଗି ଖାନାପା; ଇନେର୍ ଇ ପତିନି ବେଣ୍‌ବାକ୍‌ଶାୟକିନାକା ମାନି କିନାନ୍, ହେଝାନ୍ ଦନ୍ୟ ।”

୮ ଆନ୍ ଜହନ୍ ନିଜେ ଇ ଝିଜୁ ଝେର୍ଚାତାଂ ଆରି ହୁଡ଼ତାଂ । ଝେନାକା ଆରି ହୁଡ଼ତି ପାଚେ, ଇମ୍‌ଣି ଦୁଡ଼ ନାଙ୍ଗ୍ ଇ ଝିଜୁ ଚର୍ଚାତାନ୍, ଆନ୍ ହେଝାନ୍ତି ପାନା ତାରେନ୍ ସାରାଣ୍ କିନି କାଜିଂ ତାଣ୍ଡାହାଣ୍ ମାଗ୍‌ତାଂ ।
^୯ ମାତର୍ ହେଝାନ୍ ନାଙ୍ଗେଙ୍ଗ୍ ଇଞ୍ଚାନ୍, ଜାଗୁଡ଼୍, ଇଦାଂ କିମା, ଇନେକିଦେଂକି ଆନ୍ ନିଦାଂ, ନି ଟଣ୍ଡାର୍ ବେଣ୍‌ବାକ୍‌ଶାୟକିନାକାର୍‌ତି ଆରି ଇ ପତିନି ବଚନ୍ ପାଲିକିନାକାର୍‌ତି ହାଙ୍ଗ୍‌ଦାକାନ୍; ଇସ୍‌ସ୍‌ତିଂ ପାର୍ତ୍ତନା କିୟାର୍ ।^{୧୦} ଆରେ ହେଝାନ୍ ନାଙ୍ଗେଙ୍ଗ୍ ଇଞ୍ଚାନ୍, ଏନେଙ୍ଗ୍ ଇ ପତିନି ବେଣ୍‌ବାକ୍‌ଶାୟକିନାକା ସବୁ ଚିନ୍ ଇଡ଼ମାଟ୍, ଇନେକିଦେଂକି

ସମ୍ବୁ ଲାଗେ । ^{୧୧} ଲାଗିଂ ଇ କାତା ପୁନଞ୍ଜି ଇନେର୍ ଇନାକା ଇଚା ହେଦାଂ କିଏର୍, ଅଦାମ୍, ହେୱାନ୍ ଆରେ ଅଦାମ୍ କିଏନ୍; ଇନେର୍ ଅନାୟ୍, ହେୱାନ୍ ଆରେ ଅନାୟ୍ ଆଏନ୍; ଇନେର୍ ରାଡ଼ା, ହେୱାନ୍ ଆରେ ରାଡ଼ା ଆଏନ୍; ଆରେ ଇନେର୍ ଦାମ୍, ହେୱାନ୍ ଆଦିକ୍ ଦାମ୍ ଆଏନ୍; ଇନେର୍ ପୁଇପୁୟା, ହେୱାନ୍ ଆଦିକ୍ ପୁଇପୁୟା ଆଏନ୍ ।

^{୧୨} ହୁଡ଼ାଟ୍, ଆପ୍ ବେଗି ୱାନାପା; ଜାଣକେ ଲକ୍ଷ୍ମିଂ ହେୱାନ୍ତି କାମାୟ୍ ଇସାବେ ପାଡ଼୍ ହିଦେଂ ମା ଇନାମ୍ ମା ଲାଗେ ମାନାଡ଼୍ । ^{୧୩} ଆପ୍ କି ଆରି ଆଁ, ପର୍ତ୍ତୁମ୍ ଆରି ହାରିହାରା, ଆରି ମୁଡ଼୍ ଆରି ଓସ୍ତାକା ।

^{୧୪} ଜିବୁନ୍ ମାର୍ନି ଆଦିକାର୍ ଆନି କାଜିଂ ଆରି ଦୁଝେର୍ ହିଜି ଗାଡ଼୍ ଦ ହେଣ୍ଡେ ଇମ୍‌ଶାକାର୍ ଜାର୍ ଜାର୍ ଆଜି ହକ୍‌ତାଣ୍ଟା, ହେୱାର୍ ଦନ୍ୟ । ^{୧୫} ନିକୁଡ଼ିଂ, ଚୁଟ୍‌କିର୍, ଦାରିୟାର୍, ନାର୍‌ମାରୁ, ପୁଡ଼୍‌ଡ଼ା ପୁଜାକିନାକାନ୍ ଆରେ ମିର୍ ୱାରି ଆରି ମିର୍ ଇନାକାର୍ ଗାଡ଼୍ ବାର୍‌ଡ଼ ମାଗାନାର୍ ।

^{୧୬} “ଆନ୍ ଜିସୁ, ମଣ୍ଡଲି କାଜିଂ ମି ଲାଗେ ଇ ଓଜୁ ସାକି ହିନି କାଜିଂ ମା ଦୁଡ଼ିଂ ପଲ୍ଲାନାପା । ଆପ୍ ଦାଉଦ୍‌ତି ମୁଡ଼ିଂ ଆରି ଲାଡ଼ା, ହେ ଅଜଡ଼୍ ହୁକା ।”

^{୧୭} ଜିବୁନ୍ ଆରି ଗାଡ଼ ଇନାଡ଼୍, ୱାଡ଼ ।

ଆରେ ଇନେର୍ ୱେନାର୍, ହେୱାନ୍ ଇନେନ୍, ୱାଡ଼ ।

ଇନେର୍ ଏସକି ଆତାକାର୍, ହେୱାନ୍ ୱାଏର୍; ଇନେର୍ ଇଚା କିନାନ୍, ହେୱାନ୍ କସ୍ କିଞ୍ଜାଦାଂ ଜିବୁନ୍‌ନି ଏଜୁକ୍ ଉଣେନ୍ ।

ହାରିହାରା

^{୧୮} ଇମ୍‌ଶାକାର୍ ଇ ପତିନି ସବୁ ବେଶ୍‌ବାକ୍‌ଶାୟ୍‌କିନାକା ୱେନାର୍, ହେୱାର୍‌ଡ଼ ଜାଣକେତିଂ ଆନ୍ ସାକି ହିଜି ଇନାଜା, ଇନେର୍ ଜଦି ଇ ସବୁ ହୁଦାଂ ଅଲପ୍ ମେହାୟ୍ କିନାନ୍ ତେବେ ଇ ପତିତ ଲେକାତି ଦୁକ୍ ସବୁ ଇସ୍‌ବର୍ ହେୱାନ୍ କାଜିଂ ଗିଟାୟ୍‌କିନାନ୍; ^{୧୯} ଆରେ ଇନେର୍ ଜଦି ଇ ବେଶ୍‌ବାକ୍‌ଶାୟ୍‌କିନି ପତିନି ଇମ୍‌ଶାକା ପା ବଚନ୍ ରୁଡ଼ାୟ୍‌କିନାନ୍ ତେବେ ଇସ୍‌ବର୍ ଇ ପତିନି ଲେକାତି ଜିବୁନ୍ ମାର୍ ଆରି ପୁଇପୁୟା ଗାଡ଼୍ ଦ ହେୱାନ୍ତି ବାଗ୍ ରୁଡ଼ାୟ୍ କିନାନ୍ ।

☆ ୨୨:୧୩ ୨୨:୧୩ ହଡ଼ତି ୧:୮; ହଡ଼ତି ୧:୧୭; ୨:୮.

^{୨୦} ଇନେର୍ ଇ ଓଁଜୁ ବିସ୍ତେ ସାକି ହିନାନା, ହେଖାନ ଇନାନ, ହାଡ଼ପା
“ଆନ୍ ଖାନାଜା । ଆମେନ୍, ଏ ମାପୁ, ଜିସୁ ଖା ।

^{୨୧} ମାପୁ ଜିସୁତି ଉପକାର ଓଁଜାର୍ତି ଲାହାଂ ଆଏଡ଼ । ଆମେନ୍ ।”

xlix

ସତ୍ ବଚନ୍
The New Testament in the Pengo language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ, 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43